

Литература Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

**Дагъиста халкъла поэт
Аминат Гябдулманаповас - 75 дус**



2/2021

март - апрель

Набрыз





Гьалмагъдеш



ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство информатизации, связи и массовых коммуникаций
Республики Дагестан

РУКОВОДИТЕЛЬ - БЕКИ РЕДАКТОР
Мурад МяхИяммадович ГИЯХИМАДОВ

РЕДАКЦИЯЛА КОЛЛЕГИЯ
Т.СягИдов (*журналла редактор*)
Кь. Мигърабов

ЖАМИГИЯТЛА СОВЕТ
А. Гябдулмананова
И. Ибрагъимов
Х. ХИябидова
Х. Юсупов
И. МяхИяммадов
М. МутГалимов
М. БяхИяммадов

2
2021

март - апрель

Кел бази гъачам
дурабулхъан

Выходит один раз в два месяца

1952 ибил дуслизиб
акIахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.



ЖУРНАЛЛИЗИР ЛЕР:

ПОЭЗИЯ

Расул БЯХИЯММАДОВ. Уркъари.....3

АМИНАТ ГИЯБДУЛМАНАПОВАС – 75 ДУС

Аминат ГИЯБДУЛМАНАПОВА. Назмурти.....8
Тавсултан СЯГИДОВ. Жузала къасиличи.....16
МяхИяммад МИРЗАХАНОВ. Поэзияла мургъила хазна.....18
ХИяжимурад РАДЖАБОВ. УркИлизи уколти.....22
Динара НУРБЯХИЯММАДОВА. РухIла жагадешличил.....26
Рустам МУРТАЗАГИЯЛИЕВ. Дунъя шалабируси.....28
ХИясайни АППАЕВ. Гъарбизурси поэтла жуз.....30

ДРАМАТУРГИЯ

ГИяйшат МЯХИЯММАДОВА. Хъубеш нешла макру.....35

ПРОЗА

Ибрагъим ИБРАГЪИМОВ. КIел новелла.....45

ПОЭЗИЯ

ГИяйша КЪУРБАНОВА. Нешла умут.....58
Зубайдат ГИЯМАРОВА. Назмурти.....61
Имин МЯХИЯММАДОВ. Назмурти.....63
МяхИяммад МЯХИЯММАДХИЯЖИЕВ. Назмурти.....66

УЧИТЕЛЬЛА ГИЯМЗИ

Даргала мезла къисматличила.....70

ПРОЗА

Тавсултан СЯГИДОВ. ДугIла мирхъила варъа.....83
МяхИяммад КЪУБАЕВ. Журналистла белкIани.....90

Регистрационный номер: серия ПИ №ТУ05-00416
выдан Управлением Роскомнадзора по Республике Дагестан от 22.04. 2019 г.

Типография: ООО «Издательство «Феникс-пресс»
Адрес типографии: 367018, РД, г. Махачкала, пр. Петра I, 61

ГЪАЛМАГЪДЕШ №2 2021 г.

На даргинском языке

Выход в свет 12.04. 2021 г. Тираж 238 экз.
Заказ № 846 Цена свободная.
Печать офсетная. Бумага офсетная.
Формат 70х108 ¹/₁₆.
Усл. печ. л. 8,4.
Усл. изд. л. 8,7.

Редакция и издатель: Государственное бюджетное учреждение Республики Дагестан "Редакция республиканских литературных журналов "Соколенок" и "Литературный Дагестан".
Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:
litdag@mail.ru

Поэзия

Дагъиста халкъла писатель
Расул БЯХІЯММАДОВ



УРКЪАРИ

Поэма

(Гъалар диуб анибукъуначила)

1

Ванза мицIирси саби,
Адам сунечивхIели,
Ил баракатла саби
Саби бузахъухIели.

Гъалаб ванзала багъа
Баахъес хIейрусири,
Ил урхIелизи батахъес
Жан ахIерхIейрутири.

Ванзала ил дурхъадеш
БалхIебаланбиубли,
Гъаннала дубурлантиса
Саби дура бубшули.

Ванзаличи карцIдешли
Ургар унра шимала
Дижгурти душмандешра
Чябхъинтира бекIала
ХIедири камдирули.

Меусишала шила
Пашкабизурси гъала

ЦIуръали сар дубурти,
Ризкъи лугути хъуми,
Арбашули жагъилти,
Бархъатурли бухънаби.

ХIербирутачи карцIли,
Шими сари дубкIули,
Итцад дурхъати хъу-мулк
Сари мучлаагарли.

Бурис хIушази хабар,
Гъари, жагъилти дила,
Сегъунарил багъахъес
Гъалаб багъа хъу-мулкла.

2

ХIурцIима дубурала
Кали сай хужаимли
Талхъан уркъухъантала.
Ил пайдалабаресли
Талхъайс нерх бурчусири
Гъарилли ца-ца ратIал.
ХIекъ бурчули ца дусла
Кайилри талхъа вакил

БехІличи Азагурла.
Ила ца мискин пакъир
ХІекъ бедес вакІилири,
Нясли саби викІули,
Нерх къабулхІебирулри.
– Дила лебси ил саби,
Наб беркесра агара, –
ВикІулри ил хъубзара.
– ХІези нуни бургахъис! –

ИмцІали жалти дири
Къяба багъандан илди
Уркухъла, Меусала.
«ХІила дубура» бикІи
Дубуралис Къябала.
Кабуршутти, бирхъути
Бахъал сабри илдала.
Уркухъли пикрибариб
Дубура чузи буцес,
Меусала шантаци
Халаси чябхъин барес.
Къяба дубурлиубси
Цябил гІинкъи абацІиб.
ХІенкъула илав левси
Цябдешлизив чехІеиб.
«Дай дуги баарачи
Ишаб бамсриихъехІе,
ГъанкІли бертур замана
Чябхъинничи аркъехІе», –
Аргъиб илдала гъайла.
«ЖихІ беркІес дураулхъас», –
ШипІбатур меусанни-
Дуравхъун къалабали.
Илди бакІниличила
Багъур лебил шантани.
Гъубзни Меусишала
Хъярхъли биуб ярагъла,

Ванзурбачир дазула
Къавгъа камхІедирулри,
Кабуршутти, бяхъибти
Гъар дус имцІабикІулри.
Илгъуна аги шимас
БекІлизибад бакІилри.

ГІярчумагли бикахъиб
Нерх хили вакІибсилис.
КъяртІайзибад чІяхІбариб
Мискинни бугал ханжал,
Гъимиличил бетеркІиб
Зулмукарла варглизи:
«Велкъен гъанна, зулмукар!»
Къисматра таманбиуб
Талхъанна ил вакилла.

3

Цябдешлизиб дугила
Цяб гІиникълизи бакІиб.
Кабихъи бускаунти
Чябхъинчиби Уркухъла
ГІиникълизиб къирбариб,
Цябдешлизиб дугила
Гъавухъес цалис бикиб.
Хъунрази дублаб шила
Муйлачи лехІти чула
Бетаурсиличила
МинкІини бурибхІели,
Гъими бемцІур илдала:
«Сен мицІирли вакІири?
Гъанна хІу чис гІягІнилри?!»
Къаркъубала вариб ил.
...Мер-муса ил дубурла
Меусантас дурхъати,
Хъарлиубси Къябала
Ургуба Кирмусила
Балтахъи жан дедили:
Дегъдешлизирра илар
Духълуми духъутири,
Илаб хъу агарсилис
Рурси хІелугусири.
ЦархІил гІяхІдешра лебри:
Шила мякълаб ургуба –
Уси – къацІли балхуси.

4

Даршудеш кабизахъес
Илди пикрибикІулри.
ХІера иличила наб
Гъанна бурес дигула.
Илдас маслигІятбариб,
Ахъили ца духуси,

Келра шила ургала
Даимлис балбушеси.
«ДурайэхЕ кел гъабза
Гъазализи бяхІяхъес,
Чила чедиикалра,
Уркъари бирар илдас».
Илгъуна хІукмуличи
Лебилра къабулбикиб.
Меусишала шанти
Чи вяхІяхъес гІягІнисил
БахъхІи пикрихЕбикІи –
Бугъа МухІамма левли.
Уркухъила жамигІят
ГІяхІцадхІи пикрибикІи,
Бугъа МухІаммачивад
Варгес чедиухъесил.
Ахирра пикри берцІиб –
Вакклаки сай кудалан.
...Арзесра гІягІнилири
Масъала Уркъарила.
Гъалаб хІурмат ванзала
Халкъли халаси бири.

...Бугъа МухІамма - усан,
Вакклакира – кудалан,
Илди нартаначила
Муѳранта гІяхІил бала.
Бугъа цІуръали акІуб
Шантала кумекличил,
Шантас ил машгъуриуб
Сунела гъунартачил.
МухІаммас «Бугъа» чеу
Шантани бедибсири,
Илис сабабра лебри:
Калун ил дурхІяхЕли
Къачнала хІенкъулали,
Шанта бедибси къача
Ахъбурци гъар бархІили,
ГІур – бугъа сабхЕлира,
Вири ил ахъбууцили,
Гъаргала бихусири,
Арбихи чарбарили,
Илабадли гІяйнара.

Уркухъла-Меусала
Дазуличиб Уркъари –
Шайчиб Сутга дубура,
КъапІа Къяба дубурла,
ЛутИдиркъ сукрагъуна,
Дайлизиб шурагъира,
Мура удуси диркъбик –
«Нушала» ца бикІули,
«Нушала» ца бикІули,
Илдас ургабикилри.
Ил жал арзеси хІукму
Баргес бирхЕбирулри.
Ил ургабик бекІбарес
ХІедиулри далилти,
«Нушала лебдеш саби», –
БикІулири гъарилти.
Уна шантла маслигІят,
Бухънабала насихІят
Гъеч къабулхЕбирулри,
Къавгъаличи аркъулри.
Гъанна илди кел нартли
Ил суал ирзусири.

5

Мегъла тІерхъализибад
Някъ-някъли мява бири.
Камли ахІенри хабар
Вакклакила кудалан,
Някъван буршуси галга
Ласбарили гІянчІикІи,
Нургъбани кІантІбикІахъи,
КъяртІсаурли бисахъи.
Иличи гъунибуциб
Уркухъла вакилтани.
Чеиб ухъна валцули
Шила мякълабси хъучив.
– Чидилтил Вакклакила
Хъулри хІуни бурагу, –
Дугъабизур иличи.
– ХІеръая итди сари, –
Ца някъли ахъбуцили
Дураз бяхІчиаили,
Чедаахъиб ухънани.
Чарбиубли сагали,

Илди иличи бакІиб:
– Сен хІебурири хІуни
Ил хІу Вакклаки сайни?
– ХІушани хьардаибти
Хьулри сарригу дила –
ХІушаб дигуси барра.
– Уркухъла жамигІятли
Дархьибтира бусравли,
Бугъачил хІу вяхІяхъес.
Варх нушачил вакІахъес.
– ХІейрус ну ила вакІес,
ГІяйиб агарти халкълис
Вайдешлис дураухъес.
– Къалпдеш агара къалли
ДяхІ-дяхІли вяхІнилизиб,
ГІяхІдеш халал биалли
Къавгъа тІашаънилизиб.
Вакклакили къябаиб
Гъай илди вакилтала:
– Ишар гъай дугІла сари –
Ну вакІара хІейрусра

...Илкъяйда къаршибикиб
Диркъличиб Уркъарила
Гъазализи бекІала
КІел нарт халал хабарла,
Къавгъа кІибехІ шантала
ХІейахъес гІямрулизир.
ХІурматбирни халалла
ГІядат саби жявхІелла,
Гъунар барахъес гъалаб
Халал виъни багъандан,
Вакклаки декІарариб.
Диркъличиб Уркъарила
Цаличи ца дяхІчили
ТІашкабизур хабарла
Бугъара Вакклакира,
Илдас алавчар лехІли –
КІелра шила шантира.
Нартанала куц-бекІра
Дубуртиван занттири,
Авадан чархла ГІемсни

АрхІяличи илгъуна.
Бурги гІяшкадуцили,
Чарбухъун гІелабахІли
Уркухъила вакилти.
КІина гІуррара бакІиб –
Ахирра разивариб.
– Сепайда, унра шанги,
Гъанна ухънаваилра,
ПулукІбнубли саби
Гъалабла арадешра,
Гъари, ахтардибирис.
ЗярхІси урцул касили,
ГІянчІакІибну буцили,
КІантІбикІесбииб шинни.
– Гъалар чяхІдулхъутири, –
Иб пашмай Вакклакини.
– Туту машаллагъ, вари,
ЛайвакІили ахІенри
ЦІакъ-арадешли хІела,
Бара мурад нушала.

6

ТІанилван делсунтири.
ХІера, ветухъун вакил
Уркухъила шантала,
Бугъала кани буциб,
Гъяжбариб – дарг дураиб.
Бугъачи кагъдеш дакІиб –
Юрт гъятІбиибсин кайкиб.
Дарг канидухІна дучили,
ТІашизур ерсла тІалван –
Къаршикарсила анда
Буцили гъяжванбариб,
ГІур буцеси мер аги:
Лебил чарх Вакклакила
Бакилри тьякбикІесли
ЦІубали гидгурала.
Вакклакила дурайтІун
Андализирад хІулби.
Бугъа МухІамма вебкІиб
ВахъхІи-декІар кахІели
Илис гІергъи – Вакклаки.

Аргъ бусягІят барсбиуб:
Амъур бархІири савли,
ХІерейс зак кІапІкабариб
Шинкъян цІудар пардавли.
БуцІар ца гІярчумагли
ЦІяб дунъя кІибайбариб,
Зубрала кахси кІухли

...Чула шантала вакил
ВебкІни багъандан къанни,
Мура удес Уркъари
Батур Уркухъла шантас,
АтхІебла цаличибад
ГІебшнеличи бикайчи.
Бугъа МухІамма жявли
Таманкайъни багъандан,

...ЖамигІятли Уркухъла
ВецІал кигъа ва ца унц
ДухІнар гъарилра дусла

Къябара зерзербариб –
Игъубси хІярхІя къяйда
Забла чяхІи чебакІиб.
Шайчибад бархІиихъул
БархІехълис шалахъбиуб
Ва ванати нурани
Къябаличи чахъдиуб.

7

Дуки-гъунилис батур
ГІебшнилис ва янилис
Меушишала шантас.
Уркъарилаб хабарла
Цаличибад гІебшнила
ХІенкъ бири хІяйвантала
ЖамигІятла Усала.

8

Дихи кудаулантлис.
Гъанна биху садакъа
ХІябличи Вакклакила.



РатІал – 2,4 кг.

Азагур – Меушишала ца къатІла у.

Дагъиста халкъла поэт
Аминат ГІябдулманановас - 75 дус

ДИЛА ДАРД

«Дарган, дарган вирусив
Дарган мез хІедалуси?» –
ГІяхІмадхан викІусири.

Ну рикІулра: дарганти,
Дарган мез хІедаланти,
Чихъалира дикІулрав
Дурар хІеркадирути?

Дарган мезли делкІунти
ДелчІес балхІебаланти,
Дурхъати гІядатунни
Дузахъес хІебалути.

ДецІрикІулра гІуррара,
ХІуша даргантачила,
Дархъкадатурли шими,
Детаурти шагъарла.

Ну тамашариулла
Хала нешаначира,
ГІярус мезли бугъанти
ДурхІнала дурхІназира.

Я Аллагъ, се гІяйибли
БакІибсив ишцад балагъ,
Питникартирав нуша,
Барибтирав се бунагъ?



АлкІахъули нешани
Нешла мез хІедаланти,
Мамалис къадин чІяпІикІ
ДурхІнази бухъахъанти.

Дубурлантира бикІес
Урузалра хІекІанти,
Дубуртала гъуни-дякъ
ГІямрулис хъумартурти.

Дила иш гІергъиси децІ
БелчІена, узби-рузби,
Гъаналра хІебирки наб
Ну ишцад дардли рирцІни.

БУУН ИГЪБАР

(МяхІяммадла неш Кумсиятлис)

Хабар ахІен, дард саби
Гъанна нешли буруси,
Шин ахІен, шишимъала сар –
Милиги дубкІахъути.

Рисули сар гъар бархІи,
Шараб хІулби делгъули,

ДулекІла гІязиз урши
Хъумартес хІериули.

ХІябкуб ахІен, децІ саби,
Дай уркІи пІякъиуси,
КъацІ ахІен, анцІкъи сари
Гаши ахъес дукути.

Децла ца къяриули,
Бицули саби урки,
Урши ахъуес ахъри
Сеналра хлебургули.

Урши – зубрайла малайк,
Азир зурхЯбла рахаж,
Дунъялис убяхъиб тIал –
Кабикиб, буун игъбар.

Цализисби шанданван
Рицили децла цIали,
ВацIа игул цIаливан
Ламриули ламили.

Къисматла къацIдурцлизир
Сари хIябра къакъали,
Неш бекIибси лачинван
Цумла макъам аурли.

Шахли бигуб вававан,
Сар хIябилра шавлали,
Къаркъализисби къарван,
ГIязабта гъяжрарили.

Рулгулра дуги-хIери
ДакIуварес гъачамгIи,
Гъавала дуклумачив
Зубрачивадли кацIи.

Дахъ дахъал хIедурибти
Лералну хIела нешли.
ТаманхIейубли лерал
Дудешлара лякърти.

Дигай хIехъили калун
Риганайлира хIела,
ГъачамгIи кIапIбуцахъес
КарцIли калун дурхIнира.

Агъ, сепайда, риасри
ГъачамгIи дакIуварес,
Ну регъубли, дуцIар хIи
ХIела тумазии картIес!

Бехъубли дай михъири,
Дила урки хIед барес.

Сецад ванабикIалра
ШуцIайчиб ванал берхIи,
ВанахIебирар абас
Урши агарси бархIи.

Сецад шалабикIалра
Дайдугила шалал бац,
ЦIябли саби дудешлис,
МяхIяммад, хIу агарли.

* * *

Урши – уркила хIяли
БацIахъилигу дардли,
МяхIяммад – тумазир хIи
Сар тамай миъдяргIили.

ДекIли бяхъисби жайран –
Ну сарра гIяйибкарван,
ХIериубли дерцахъес,
Урши, хIела гIязиз жан.

Дубуртала дирихъми
Сен зумахIейубара,
ХIед зулму бирухIели,
Сен мерс хIедакъунара?

* * *

Узи-уршира хIела
ХIечил гIяйкабиахъес,
ХIечи карцIти бегIтира
ХIечиб пахру барахъес.

Севан шалгIердалтутив
Шантала шишимъули?
БекIлил шанагартира
Саб хIечила бугъули.

Гъаналра хIебикибгу
ХIу бикIни иш гIяламра,
Иш дунъяла къакъличив
Ветарни хIу хабарла.

* * *

Сен ахъри агарсирав
ГIуррара мицIирварес?

ХIяли арцла мукъара,
Цайли ца левси дила,
Се гIямал баришара
ХIу агар гIямру деркIес?

ГІЯЙША КЪУРБАНОВАС

Хабарла къуймуртиван
КъугънагІир къунзхІерухъи,
Пагъмуртала ахъанай
Ахъири къардхІерухъи.

Далайла Зугъра зубар
Заклизиб алкахъунси,
Даргала багъадурти
Пахрули бицІахъибси.

Бузерила зяхІматчи
Ретаурри акІубла,
Бахъла агарси къисмат
Дагърила давла хІела.

Багъара ура ахъси
Ханайла рурси ГІяйша,
ХІечи пахрубирути
ХІечил далгира нуша.

ОПОЛЧЕНЦЫБАС

Тимурла хІурбунаван
Дагъистан хараббарес,
Чевхъун гІуррара душман
Дила халкъ лугъри барес.

Чарбухъун хІеб чатІниван
Батахъес дурхъал ВатІан.

ХІейалра буйрухъикІан
Дурабухъун гІяхІгъубзни
Саби сабил муштарли,
Къирбарес къачагъуни.

УвяхІси къачагълизи
Чедаахъиб асилдеш,
Жан кадурхухІелира
ХІедагъахъур кІантІидеш.

Ярагъли бегІбиубти
ГІяндбикІули някъбани,
ДяхІяиб дубурланта
Душмайчи балагъуни.

ДакІудариб гІяхІгъубзна
Гъабзадеш гъалбецІливан,
Къирвариб ва дугІеиб
Дагъистайзивад душман.

ХункІлизирти тІулбиван
Миллатуни уржибси,
СабхІели дила ВатІан
Ахъиэс хІейуб душман.

Дагъиста асил гъубзна
Сархиб гІурра гъунарти,
Темирланна гІяскарван
Беркъахъиб вайнукъяби.

Кахси, гъаргъси душмайзи
Чедаахъиб гъабзадеш,
Бемжурси гъазализир
Дагъур чула усалдеш.

Россияла халалра
Тамашавиубсири,
Дубурлантачи диги
Илар цІакъдиубтири.

Дагъиста дурабтара
Аргъили кахси хабар,

Нушала халкълис къимат
Кабатур ГІярасайли,
Гъунартас орденги гиб
Президент Путинни.

ДАРГАН МЕЗ

(Маккашариплис)

Цаибил класслизив
Учес вехИрхъухЕли,
Дарган мезла жагаси
Жуз савгъатбариб нешли.

Сабирхъула гъалакли,
Учес дигули хъярхъли,
Дарган мезла лерилра
Хурпри дагъес дигули.

Урус мезлакIун набзи
Жявлил дагъахуртири,
Аммаки даран мезла
Дагъес къияндулхъули.

АвцIанну урегра хIярп,
ЦацадехIти кIиркати,
ВикIулра, неш, хIела мез
Сен илцадра къиянти?

Неш рикIар: «Дила урши,
Къиянти сархIелигу,
Илди илцад дурхъати,
ДяркъурхIели гъамадти.

Нешла мез далухIели
Саб хIерис гъамадти,
Шагъарлизив виасра,
ГъайикIус дила мезли.

Дарган мез ункъли далан
Дурсрачивра ну сайра,
ВеГIлара дигахъуси
Дила учительлисра.

ХъайгIи чарухъунхIели
Байирула нешлира,
Шулаби кайсухIели
Разили сай дудешра.

ГIярмиялизи узис
ЛукIулра кагъуртира,
Дарган мезли каргъурли
Дурхъула назмуртира.

Кайсула узичирад
Нешла мезли жавабти,
ВикIар узи, – веГIла мез
Сар ишарра дурхъати.

Гъанна наб нешла мезван
Агара гIур дурхъаси,
ХIисабти арзес булан
Вирула дарган мезли.

Агъ, дарган мез, дарган мез,
Наб ахIерси нешла мез,
Дуилраягу хIуша
СихIрула дурхъати мез.

АЛЛАГЪ, УРКIЕЦИБАРА

Аллагъ, уркIецибара
Дунъяла язихътачи,
Ванзаличи гIяхIладли
ХIуни бархъаибтачи.

УркIецибара хIуни
УркIи кахIелунтачи,
Дунъяла мас-хазнали
Белкъес хIебирутачи.

Илдир хIела саби
Ца иткъи дугIкаибти,
УркIеци хIебарили
Ца шайчи лайбакIибти.

Аллагъ, уркIецибара
ХIу вагъес дигутачи,
Иша бакIнищун ахIи
Аркъни хIебалантачи.

Тилади саб, чевверхи
Къардбулхъутачивадра,
Хела уркѐциличи
Хъарли саби илдира.

Къудратла вегІ, иш балга
Дилара къабулбара,

Дунъяла адамтачи
ХІуни уркѐцибара.

ХІу агарси сай или
Хъяма биркъантацира,
Аллагъ сукъурси или
Хъулкна биркъантацира,
Аллагъ, уркѐцибара.

АРЪАЛИ

Аръала – муръил ниъли
Ризкъила къякъ белкъахъун,
Лугили гъярца някъби
БерхІиличи гъадатур.

Дугадариб бехІани
БерхІила нуранани,

Дерхъур аршила лугни
Мургъила ранганани.

Мургъила мачни-анкІи
Дучили усурбази,
Кеп касиб давла бучиб
Хъубзарли гІебшнилизиб.

ГІЯМРУ АХІЕРХІЕЙРУЛИ

Забла кІантІли гъаршлизиб
Баргили анкІила къякъ,
Бужахъиб ил белкъайчи
Сар гІямру хІезир или.

Бегъуб илаб забла кІантІ,
КІантІилра хІебакІили,
«КІибайбики, хІунира
Луги акІахъа», – или.

Ахъбиубси лугила
Хъяб дуциб нуранара,
Аршила дяхІ лушули,
Харжбиуб цІуэрира.

Дунъялис гІямру дедес,
ГІямулти хІедарили,
ХІерагу, гІабигІятли
ГІямру сар харждирули.

ЗАКЛИЧИВАН ХІЯЛАЛЛИ...

Закличиван малхІямли
ХІерикІен адамличи,
Хела хІерли даимлис
Бамкъур хІял сагъбаресли.

Мукъразиван малхІямли
ГъайкайкІен адамлизи,
Хела гъайли вайси къас
Даимлис бетахъесли.

ШадхІели гъалакирен,
ХІу гІяхІси адамличи,

Шаддеш кІиркабирахъу
Валикалли ил хІечил.

Дард лебихІи хъярхъиркен,
Вари, хІу адамличи,
Вирхаи, кункбирахъид
КахІелахъи иличиб.

Кункбиахъес хІечибли
Чекасибсиван хІечи.
Вари хІу гъалмагъиркен
ХІялалси адамличил.

КЪАЦЛА ТЕМ

Нешли бетула хамир
Дунъяван журугбариб,
Гур бемжур карили ил
Каниван пушбягяхъиб.

Ламила ца-лезмили
Хамирла дяхI ламдариб,
Гинцбала ляжубиван
ХунтIенцарли рангдариб.

Хамирла тем бержили,
Гъавара гяярберхур,

КъацI берцинила гяхI хабар
Дунъяличичи гIяйбиуб.

Хамирла тем халбарес
Зубартира гъамдиуб,
Къацла темли гъигъдикIес
Лусентира гIяшдиуб.

Каммабиаб, рулгулра,
Дунъяличичи къацла тем,
Гур дунъяли мабагъаб
Гашила, анцкъила тем!

* * *

Се саби, урхъу, хIед,
ХIела дард лебсив?
Ца ругер бекIалли,
Итил сагал алкIуси?..

Се саби, урхъу, хIед,
ХIезиб хIяб лебсив?
Бузи-ванзала цIум
ХIуни иргъусив?

МАЙЛА БАЙРАМ

Майла цаибил бархIи
Гяламла байрам саби,
Илала дурхъал къадри
Нушаб тянишси саби.

Даршудеш ва бузери
Сунени черяхIдиру,
Майла цаибил бархIи
Шантани байрам биру.

Ил бакIайчи хIерли сай
Бузерила зяхIматчи,
Сабухъунала давла
Бурчан сай хIевамсурли.

ДурхIнасра халатасра
Байрам саб разидешла,
Абхъая унза – улкъай
АдацIахъая хIебра.

Гъарилла хъали-хъайгIи
Дашаб ванал бурхIнира,
Вава-къарла тIагIямли
Бицилину гъавара.

Гъарил адамла гъавра
Ахъбурцу ил байрамли,
Рулгулра, хIебла байрам
ГIяйбиаб дунъяличичи.

ДурхIнира халатира,
Улкъайтала дурад
Урцахъу зубартира.

ПархдикIути чиргъмани
Шалабирахъу закра,
Шаладикайчи кавлан

ИШ ДУНЪЯ

ВатІан къяйда дурхъаси
ХІебиалри иш дунъя,
Уршилисван дуравси
Ил берцахъес рулгасив?

Нешла дяхІван ахІерси
ХІебиалри иш Ванза,

КъацІ или, улхулри
Агъу дегІунси,
Шин или, висулри
ГІиниз буунси.

Эй, адамти, лугира
Цализи лайбакІая,
Душман укахъес къасли
Ахъбиубси биалли:

Эй, адамти, урунжра
ЛутІилаб беръахъая,

ТІабигІят булъухІели
Неш къяйда цІумрикІасив?

ГІямруличи верхІелван
КарцІсира зубартачи,
Ургъан каркухІеливан
ЦІумрикІус каркутачи.

* * *

ХІила кархулири
Дунъя буунси,
Хъямани виркъулри
Хаиниубси.

* * *

Душман ужахъес шинни
Вария малтадая.

Хаиндеш дарибсила
ХъянтІала айтІеная,
Вайна гъабза алкІуйхІив
Мадулхъаб бац-берХІира.

ДИЛА ВАТІАН

ХІунтІен мургъи, цІуба арц
ЛайдикІис урухъулизи,
ВатІан, хІу хъумартурли,
Илди сархес рузасли.

Цали бигаб мас-хазна,
Сунес жан харждарасли,
Дила ахІерси ВатІан,
ХІечила хъумартасли.

Хъутрази кабихъили
БерХІира ванабирис,
Дила гІяхІти адамтас
Бацра шалабикІахъис.

Далуйтира дархъдалтас,
ХІед дезахІедикІалли,
УркІира дурабилтІас
ХІу гъанни хІебузалли.

ГІямрула багъа лебсив
ХІу гъанни хІедеркІибти?
БиркІанти дузахъанра,
Дурхъаси ВатІан, хІури.

* * *

Нуван дила ванзара
Ванали гъигъбикІахъис,
Дила гІяхІти адамтас
Ванза вавна бирхъяхъис.

БЕСЛАН

Дила Беслан, дисули
Сари гІяламла уркіби,
Дикалра чум азир дус
Чиллра хьумхІертури.

Дехьуб гІямру чумлара
Марзла мукьри – дурхІнала,
Уркілизир цІа алкан
Чуйна гьанбикадлара.

Балагьуназиб дунья
Лебалгу ишбархІара,

Нешанани баркьибтив
Иш дунья бульантира?

Азир дус ласбикІалра
Дардли бицибси дунья,
ХІечиб тІашкабилзули
Саби бикІар мурталра.

Бисули саб берхІара,
ТІутІукайрули цІами,
БацІкабирули саби
Зубартала духемра,
Кадиркули зубарти.

ДАРГАН МЕЗЛИС

Дуб-дубли гІяйбиубли
Хабар леб мез дубкІнила,
Рулгулра, дила Аллагь,
Чебарбука ил балагь!

Дила мезли саригу
Чархла хІи дузахьути,
Дила мез дерцахьагу,
Илди сари биркІанти.

РухІла давла – дила мез,
Нешла ниьван дерхьибти,

ХІейги наб мас-хазна, давла –
Мезлацад агу багьа.

Илди дурхъадихьес
Бузули саб гІялимти,
Мезличила назмурта
ЛукІули саб шягІирти.

Мусни-зубри дузахьан,
Дила чевяхІси Аллагь,
МадубкІахьид дарган мез,
Чебарбука иш балагь.



Жузала къасиличи



Тавсултан СЯГИДОВ

КІЕЛ ТОМЛИЗИР ДУРАИБ

Шалгѳббухъунси дуслизиб Дагъиста халкъла поэт Аминат ГІябдулманопвала кІел томлизибад цалабикибси назмуртала жуз дураиб Москвализиб «Россияла писатель» издательстволи. Жузи даргала ва урус мезли дураили сари: ца бяхІлизи назму дарган мезли кабахъили саби, итиллизи – урус мезли. Илди жузи «Россияла миллатунала поэзияла библиотека» бикІуси сериялизи кадурхути сари. Аминатла дахъалгъунти назмурти урус мезличи шурдатурли сай М. Горькийла уличилси литературала институтлизив Аминатличил варх учІули калунси урусла машгъурси поэт В.А. Латынинни. Жузлизир илкъяй-дали тилмажунни М.ГІяхІмадова – Колюбакинани, К. Зачесовли, Н. Тузовани, З. Полвановани, А. Кардашли ва ца цархІилтани шурдатурти назмуртира лер.

Жузала кІелра том суратуначил лергІер жагали далкъаахъурли сари Аминатла рурси – художник Альбина ГІябдулаевани.

Жузала кІелра томлизи творчестволизир сабухъчерли рузути 50 дусла духІнар А. ГІябдулманоповани делкІунти произведениеби кадерхахъурли сари. Урус мезли дурабухъунси миллатла поэтла жузла тираж халаси ахІен. Илди 500-цун сари дураибти. Илдачи поэтла творчество кыматлабирутала тІалабуни гІердучес, гъайгъай, илди хІедиур. Дебали гІяхІси бетаурли саби илди пергер жузи поэт акІубхІейчирад 75 дус диркниличил дурадухънира.

Жузи дураахъес икъалабрили саби баркъудила адамти М. Юсуповли ва М.ХІясанхІусейновли.

Жузлизи Дагъиста халкъла поэт Аминат ГІябдулманопвала биографияра кабахъили саби. Даргантани машгъурси поэтла гІямрула гъуни итира ункъли балуси биаллира, нушани ил ишабра гъанбушни къулайли чебаира. Аминат Дахадаевла районна Хъярбукла шилизир акІубси сари. Илала дудеш ГІябдулманап къуллукъла адам сайри, неш – медицинала хІянчизар.

Аминатли шилизибси школа ункъли таманбариб ва Дагъиста пединститутла физикала-математикала факультетлизи карерхур. Институт таманбарили

Гергъи сари акЉубси шилизир чумал дус математикала ва физикала учительли рузули калун.

Назмурти лукЕс жявли рехІрихъбсири. Аминат Москвализибси М. Горькийла уличилси литературный институтлизи карерхур, ва ил шула кыматуначил таманбариб. А. Гябдулманапова Дагъиста Радиола корреспондентли, телевидениела «Платан» каналлизир дурхІнас багъишладарибти передачаби далкъарахъули рузули калун. Ил Дагъучпедгизлизир дарган мезла редакторлира «Гьалмагъдеш» журналлизир редакторлира рузи. Гергъити гІяхІцад дусмазир ил «Лачин» журналла редакторли рузули сари.

Дебали сабухъчерли рузуси поэт сари. Газетабазир ва журналтазир илала хабурти, очеркун, назмурти гьаман дурадулхъули дирар. Аминатла 60 жуз дурадухъи сари. Илдазирад 25 дурхІнас багъишладарибти сари. Илала гІяхІцад произведениеби урус мезлицун ахІенну, дурала улкнала мезаначилра дураили сари.

Дагъиста далайчибази дучІахъес далуйтира лукЉули рирар илини. Гьанналаурал 450 далай делкИи сари. Илди дучІути далайчиби конкурсуначиб ва фестивалтачиб чуйнара чедибикбтири.

Аминатла далуйти дучІули саби П. Къагъировани, М. БяхІмудовли, Т. Гябдуллаевани, К. МяхІяммадшапиевли, М. Заваевли, ЦІ. Гялишейховани ва цархІилтани.

А. Гябдулманачовала далуйтас музыка делкІун композиторти М. Шариповли, И. Ибрагъимовли, М. Къасумовли, М. Гябдулаевли, К. Гялискеровли ва цархІилтани.

Аминат сабухъчерли рузули сари тилмаж сарливанра. Илини А. Пушкинна, М. Лермонтовла, С. Есенинна, В. Фирсовла, В. Латынинна, Р. ХІямзатовла, Ф. Гялиевала, М. ГяхІмадовла, Б. Кулунчаковала ва цархІилти поэтунала произведениеби дарган мезличи шурдатур.

А. Гябдулманапова Россияла писательтала ва журналистунала союзунала член сари. Илкъяйдали Дагъистан Республикала культурала рурибси хІянчизар сари. 2010-ибил дуслизиб илис Дагъиста халкъла поэтла хІурматла ура бедибсири.

Илала сабухъчебси бузери ахъли кыматлабариб: илис халкъани-ургабси «Филантроп» бикЉуси премия бедиб, республикала президентла грантличи лайикърикиб, чуйнара кыматчерти савгъатуначил шабагъатларариб.

ИшбархІира А. Гябдулманапова бегІлара сабухъчебли бузути поэтуназирад ца сари.

Нушанира ил 75 дус риъниличил уркИи-уркИиларад мубаракриулра. Илис чЉумаси арадешра гІямрулизиб талихІра дулгулра. Дирхулра илини сунела пергер произведениебачил дарганти гІурра чуйнара разибирниличи.



А.Гябдулманановала творчестволичила

МяхІяммад МИРЗАХАНОВ

ПОЭЗИЯЛА МУРГЪИЛА ХАЗНА

ИшбархІи наб имканбакІиб нушала машгъурси Дагъиста халкъла поэт, пергер дарган Аминат Гябдулманановначил ихтилат барес. Ил майла 15-личир 75 дус рируси сари. Алавчарли сецад дархибти аги-къяйда ди-алра, илгъуна разиси анцІбукъличил нушала Аминат сеналра мубаракхІе-рарес хІейрар. Дигулра илала гІямру разитицун бурхІнани шаладирули.

Гьаланачи хІечила баянти дурили дигахъира. Белики, дарганти-ургав виэс илди хІедалусира. Нуни балуливан, школализиб багъуди касибхІели, хІуни Дагъиста пачалихъла педагогический университетла физикала-математикала факультет таманбарибси саби. Литератураличил биалли гьал-магъдеш дебадиубтири 1987 ибил дуслизир Москвализисибси М. Горькийла уличилси институлизир. Цаибсигъуна хІела белчІуди поэзияличил бекІлил бархбаси ахІен. Секъяйдали, гьатІи, гІямру поэзияличил дархдасахъес пикрибарири?

– ХІунира балуливан, ну Хъярбукир акІубсира. Дила дудеш Гяб-дулмананп ХІяжиев, мугІяллимла курсани делчІи, ДугІахъарла школала директорли узули калун. ИтхІели рурсби бучІахъес бурхъули ахІенри, или биалра, дудешли ну МяхІячкъалализи аррукира. ДГПУ-ла физика-ла-математикала факультет таманбарира. КІинайс школализиб чумал дус хІянчи барира. Дила нешлира медицинала курсани делчІи, шила халкъ-лис къуллукъбарибсири. Ну шел дус риубхІели, кІилизанти баркъили, ил ребкІибсири. Нуни ил ребкІни хІебалули, неш чаррулхъан или рахъхІи хъулрикІули калунсири. Лебтанилра бурусири, дила неш «дурашар сари, гІинцби-хъярби хес аррякъун» или. КІилизантира бебкІиб. Ну мурталра пикрумазир рирусири, сен дила неш ребкІибсил. РиштІали лерай ши-шимъайзи гІеларикира. Школализи рашухІели, дила белкІани дигІянни чилилра хІебагъесли, мяхІкамли дихІяси.

Гьаланачи дила назмурти Сулайбан Рабадановли дебали гапдарили, «Гьалмагъдеш» журналлизиди кадяхъибтири. Почтализибад гонорарра бархъибсири. Лебтанилра иличила багъурли, дила дудеш мубаракварес мугІяллимти хъули бакІибтири. Нунира назмуртас гонорар лугни балуси ахІенри. Дебали разириубли, гІурра лукІес даимриубра. Шагъарлизиди чар-

рухъунра ва бусягІятал «Дагъистан» Дагтелерадиокомпаниялизиб хІянчи-ра баргира. Бахъал гІяртистуначил ва мягІничебти адамтачил тянишриу-бра. Гъайгъайра, «Замана» газетализи ва цархІилти газетаби-журналтази назмурти дихаси. Цагъачам ГІяхІмадхан Абу-Бакарли сунечи тІалабарарира ва сунела назмуртала жуз шурбатурси Авсарогов бикІуси поэтличил тянишрарира. Илини дила чумал назму урус мезличи шурдатурли, ГІяхІ-мадхайзи чедаахъиб. Ил викІусири: «Гъарли-марли пагъмучерси поэтесса сарри хІу, писательтала Союза М.Горькийла уличилси литературный институтлизи карерхахъес маслигІятбирулра». Бурес хІейрар, ну севан разириубрал ва уркІрухъунрал иличила бакъибхІели.

Дагъиста писательгас ил бегІлара къиянси замана сабри. Р.ХІямзатов-лара ГІ.Абу-Бакарлара ургала гІяхІли ахІенри. Илкъяйдали писательтала Союзли набчира къаршидеш дарибтири. ИтхІели ГІяхІмадхай рекомендація белкІи, дила цаибил жузра дурабухъунсири.

Литературный институтлизи карерхес дахъал документуни дучес хІя-жатлири. Ила каберхес бакІибти 2000-личиб имціали адам лебри, халаси абз сабри. Ну имтихІяйчи жириуси кагъар лябкъули ахІенри. Ну хъярхъли Москвализи рякъунра. Дила документуни, дигІяндарили, деткахъахъилри. Ил чила хІянчи сабил шакрикира. Ректор викІар: «ХІуни конкурс ахъес гІягІнили саби». Хъярхъли чаррухъунра МяхІячкъалализи ва сагали документуни дучира. Ил бархІи кІина Москвализи ва МяхІячкъалализи раира. Дила къас халабиуб, илди къаршити набчи разихІебирахъис ибси пикриличил. Илкъяйда, халаси къияйчил институтла студентка ретаурра. ИтхІели абзлизиб 120 адам чедибикиб. Урусла классик, машгъурси поэт Владимир Иванович Фирсов дила мугІяллим ветаур. Ну илис мурталра рулгули рирус. Илини нуша гІердуцира ва Москвализир жузи дурадухъ-ахъес кумекбариб. Наб тилмажунира илини баргиб.

ГІурра наб дирути вайбаркъуни таманхІедиуб. Писательтала Союзлизи ца-кІел жуз дуракаибти бурцулри. 8 жуз адаибхІелира, набчи къаршили кабизурлири. КІинайсра Москвали илди бекІбяхъуначи тудяхъиб ва итар Союзлизи руцира.

Дагъиста учебно-педагогическое издательствола редакторли веціал дус рузули калунра. БусягІят «Лачин» журналла редактор сарра. Иларра гъанна 20 дус рузулра. Ну мурталра гІеррурцусири С.Рабадановли, Р.Рашидовли, ХІ.ГІялиевли, С.Амировли. «Дагъиста халкъла поэт» халаси у саби. Ну разилира ил сархес риъниличи. Дила ну-регІти 56 жуз дурадухъи сари. Далайчибас 400-личир имціали далай делкІунра. Дилацун далуйтала жузра дурабухъун. Ил дурабухъахъун Избербашла педколледжла преподаватель МирзамяхІяммад Амирбековичли. БусягІятла замана Москвализир дила жузала 3 том дурайути сари. Илдазирад кІел дураили сари. Дарган мезли ва урус мезли. Дагъиста издательстволи «ЧердикІибти» бикІуси жуз ду-раэс хІядурбарили саби.

Шабагъатунира дахъал лер. Халкъани-ургабси Шекспирла премия ва диплом гиб. Ишди бурхІназиб Италиялизиб халкъаниургабси абзлизиб цаибил мер сархира. Гурра премия ва диплом гиб. 2010-ибил дуслизиб «Филантроп» бикІуси халкъани-ургабси премияра касира. Муху Гимбатовичла у белкІунси сягІят, шагъарла бекІла шайзибадра, А.С.Грибоедовла уличилси премия, Дагъиста культурала рурибси хІянчизар, «ХІурмат ва чедибдеш» бикІути дявила темалис гибти кІел орден, дипломти ва дахъал грамотаби лер. Гъамадли сархибси селра агара. Нагагъладан, хІу цархІилти-ургав декІарухъес виадли, бусягІятал къясти дакІубулхъан. Набра илгъуна бетаур. Ну лукІутас, жагъилтас, адамтас гІяхІдешцун бирес къаслизи рикира.

– БегІла гъалаб поэзияличил тянишриубси манзил хІед гъанбиркуру? БегІтани дучІулрив хІед назмурти?

– Дила дудеш дебали чІумаси, асилси адам сайри. Илизирад урузкІули, дигайла назмурти кахІедирхъира. ХІунира балуливан, ДГУ-ла яра ДГПУ-ла гІялимтала урgab поэзия руркъути агара. Я школабазиб илдигъунти мугІяллимти агара. Гердуранти бахъал леб. Гъарли-марли поэзияла мугІяллимти наб Москвала литературный институтлизиб къаршибикиб. Илар касира нуни гІяхІцад багъудлуми. Амма поэзиялизи бархибти лебилра поэтунази халбаресра хІейрар.

– ХІела цаиби назму секъяйда белкІунсирил багъес дигахъира.

– Дила дудешла дебали гъалакси, саберхурси айгъир лебри. Дудешли ил дубурла гІела арбукахъесра савли сабукахъесра ну рурхъусири. Ил беткахъили, нуни Леслиула, Агтахънала ва Хъанурби мер-муса умцІутири. Нушала Хъярбукла ахъти дубуртачирад унра шими чедиути сари. Дубуртала жагадешличи гІяшикъриубли, урчиличила балли хъумкартусири. ИлхІели уркІилизир хІябкубти алкІутири. Цаибси назму дила ретахъибси, ребкІибси нешлис хасбарибсири. Дила ца жузлира «Нешла анкъи» ибси у бихули саби. КІинайс ВатІайс, гІабигІятлис хасдарибти назмурти делкІунра.

– Рифмаличил дугъбала чумал тугъ делкІес бахъал адамтани бирар, амма илди тугъи адамла уркІилизи адацІахъес бирути рахлира къаршихІебиркур. Секъяйда аргъес вирара рифмализир далдикибти тугъала ва гъарли-марси поэзияла урgabси декІардеш? Се саби поэзия?

– ЦабехІтас «ну гІяхІгъабза сайра, поэзия хъалтала чуду саби» или гъанбиркули бирар, илдигъунтани назмуртази се-дигара къузкадиру. ХІуни гІяхІил иргъулри, поэзия илцадра гъамадси секІал ахІен. Илар рифма ва ритмцун ахІенну, мурхъси философияра, урхІли хІебурибси пикрира, дугъбала каргънира, жагадешра диэс гІягІнити сари. ГІямарла Батирайла халаси хІурмат бируси саби нуни. Востокла поэзия, Шекспирла сонетуни,

Катулла поэзия, Мария Цветаева – илди саби дила поэзияла мугІяллимти. Чуйна делчІаслира илдала жузи наб анцІхІедулкѡан, гѡар мурталра сагали дучІутиван гѡанарар.

– Адам мурталра хѡуликІар сархибдешуни имцІадиахѡес. Урусуни бикІуливан, – 2010-ибил дусличирад, хІу Дагѡиста халкѡла поэт сарри. Ил халаси сархибдеш саби, сунесра халаси хІянчи ва кѡиян гІягІнити. Илала дурадра, литератураличил дархдасунти хІела дахѡал декІар-декІарти сархибдешуни лер. Сегѡунти сари хІела пикруми? Разилирив илди чедибдешуначи, яра цархІилти мурадунира леру гѡатІира хІела поэзияла ва хІянчила кабиз ахѡбиахѡести?

Адам мурталра хѡуликІар сархибдешуни имцІадиахѡес. Урусуни бикІуливан «хѡулани адам вебкІили гІергѡи, дубкІути сари». Бархѡси саби. Нуни гѡанна хІябал пѡеса делкІунра, амма цалра сценаличиб кабихѡили ахІенра. ГІурра пѡеса лукІулра ишбархІила заманаличила, илала баркѡудлумачила ва палакатдешличила. Илди лерилра сценаличи гѡаладихѡес кѡас саби.

– ХІуни гІямру ункѡли дяркѡурлири. Сегѡунти пикрумачил дугѡаризес рируда жагѡти писательтачи ва поѡтуначи? Сегѡунти хатІаби дирули имцІаливан илдани?

– Даргала бахѡал поѡтуни ахиратлизи арбѡкѡун. Нуша мискиндиубра, цІурѡаби детаурра, нушала мягІничебти мугІяллимти агара. ГІергѡиси замана поэзия бучІанти дебали камбиубли саби. Биаллира, гѡарли-марли поэзия мурталра багѡа камхІебируси мургѡила хазна саби.

Наб дебали децІигули саби, ишбархІила жагѡил лукІантас кумекбарести агархІели. Халаси бетахѡри саби, сенахІенну сагати поѡтуни лябкѡули ахІен. Дила кѡасри университетла чумал лукІути студент гІеббуцес, илдала назмурти журналлизи чуйнара кадяхѡира, амма поѡтуни бетаѡс чула кѡас агара.

Гѡанна цархІилти лукІутас кумекбарес адам агара, сенахІенну, чедибра буриливан, даргала поэзияла кѡушум дебали мискинбиубли саби. БегІла вайсира ил саби. Ну жагѡхІели, нушала халати писательтани лукІахѡес, ручІахѡес кумекбирули, лергІер чула хІерудили алавруцили рираси. Амма се бируси, илди замунти ардѡкѡун.

Жагѡилтас се бурес рируса, гѡатІи? ЛукІеная, ахІерти, нуни биалли рирусигѡуна кумекбирис. Гѡарли-марли пагѡмучевси, лукІес дигуси адам гІевуцес ну мурталра хІядурлира. Пайдаагар адамтачи лехІмайхѡуда, ва хІушала пикри бетерхахѡес дируцад кѡасбиреная. Илкѡяйда бетарути саби гѡарли-марли машгѡурти адамти.





Хияжимурад РАЖАБОВ

«УРКИЛИЗИ КЪИЗДИКУТИ»

Дагъиста халкъла поэт Аминат Гябдулмананова акГубси сари мегъ-шанда ва ярагъла устнаибли машгъурси Хъярбукла шилизир. Дагъиста педагогический институтла физико-математический факультет белЧунси ил гЯхИцад дусмазир Хъярбукла школализир математикала ва физикала мугЯллимли рузули калун. Илини заочно ручУли, белЧунси саби Москвала М.Горькийла уличилси Литературный институтра. Аминат Гябдулманановани 60 сари регИти жуз дураиб, илдазирад 25- дурхИнас хасдарибти. Илала назмурти Дагъиста миллатунала ва дурала улкнала гЯхИцад мезаназира шурдатурти сари. Илала далуйтиван дучИути назмуртала лугИи 450-йчира сера абикили саби.

Валерий Анатольевич Латынин акГубси сай Ростовла областьла Константиновская бикГуси шилизив. Алма-Атализиб дявила училище таманаибси, ил гЯрмиялизиб къуллукъбирули полковникла даражаличи аиб. Аминат Гябдулманановачил варх Москвала Литературный институтлизиб заочно учУли калунси сай (Келра илди бучИутири Россияла пачалихъла премияла ва РФ-ла Правительствола премияла лауреат, поэт Владимир Иванович Фирсовла семинарличиб). Валерий Латынин назмуртала, прозала, публицистикала ва сунени урус мезличи шурдатурти поэтуни-писательтала белКанала 36 жузла автор сай. Илала назмурти ва проза дурала улкнала мезаназира шурдатурти сари. Ил Россияла ва халкъани-ургарти литературала гЯхИцад премиябала лауреатра сай.

БусягИятра дила столличир лер Аминат Гябдулманановала ишди бурхИназир «Российский писатель» издательстволизир дурадухъунти назмуртала келра том. Илаб алгъай шайчибси поэтла мезли белКунси белКИличи къаршили, балуй шайчиб ил текстла урус мезличилси белКИра барх башули саби. УчГусила ил журали дураибти жузи делчИес иштяхИдулхъан.

Цаибил томлизи кадерхахъурти А.Гябдулманановала назмурти урус мезличи шурдатурти сари чедив нуни гъанушибси Валерий Латынинни, кИибил томлизирти – М.ГяхИмадовани, Ю. Щербаковли, Ф.Жамалли, Н.Тузовани ва цархИлтани. Келра жуз суратуначил далкъаахъурти сари художник Альбина Гябдуллаевани. Бурес чебиркур: журналист, писатель, художник ва жузи дурайан Марат Хияжиевли Аминат Гябдулманановала жузи суратуначил далкъаахъни ахъли къиматлабарибси саби.

«МягИналашал сегъунтив илди жузи?» – суал акИес асубирар бучИутала. Ге, нуни балулра, наб ил суайс жаваб гес дебали къиянбулхъни. НукГун литературала критик аХенра.

Келра томлизи кадерхахъурти назмурти авторли мягІналасал 13 бутІа-личи дутІили сари (8 - цаибил жузлизир ва 5 - кІибилизир). Тяп жузазир тяхІярли леркулра нуни илди дила белкІлизирра: «Шала шикъдирухІели», «УркІилизир къел-хІерзи», «Пагъмула лами», «БархъдешлигІир умцІулра», «ТІабигІятличил уржилра», «Дигайла зурхІяблиур», «Нушала гІямрулизир – Батирайла далуйти», «БекІаагардешлизи ганз», «БекІаагарті», «Дуклумар рухІла далай», «Макъамла ахъдеш», «Нуни далай буртІулра», «Паргъатдеш хІебургулра».

ХІера, илдицад темаби ахъдуцили сари поэтлі сунела кІел томла (500 бяхІла) назмуртала жузлизир. Илди цализирад ца мягІна хІясибли декІарти диублихъалли, илдала ургар лер цаличи ца мешути темабира.

Цаибил жузла «БекІаагардешлизи ганз» бикІуси бутІализирти лерилра назмурти Россияла Игит МяхІяммад НурбяхІяндовла гъунарличила сари. Илди багъишладарибти сари Игитлис ва илала бегІтас. Илди, лерилра цархІилтира цаибил томлизирти назмуртиван, урус мезличи Валерий Латынинни шурдатурти сари. КІибилизир жузла цаибил бутІализи кадерхурти назмурти (илабра леб МяхІяммад НурбяхІяндовлис багъишлабарибси назму) урус мезличи шурдатурси тилмаж Марина ГІяхІмадова сари. Бархъси саби, имцІатигъунти иларти назмуртира чули гІелар датурти баркъудлума хІясибли адамтала бекІаагардешличила сари гъайдикІути («Ухъна», «Урунж», «Гъарун Къурбанов гъаниркахъули» ва дахъал цархІилти). Лер илар цархІилти темабала черкад делкІунти назмуртира. Илди ца тилмажли (М.ГІяхІмадовани) шурдатурти диъни багъандан сари ца бутІализир гъаладихъибтира. КІибилизир жузла гІеларти авалра бутІализирти назмуртира тяп ил тяхІярли сари гъаладихъибти.

Цаибил томлис гъалагъайван, жузла бегІлара гъаларти бяхІяназиб Литературный институтлизив А. ГІябдулманановала мугІяллимли вируси Владимир Фирсовла «Ур кІилизи уколти» («Уколы в сердце») бикІуси макъала кабахъили саби. А.ГІябдулманановала творчестволичила буриси ил макъала авторли 2011 ибил дуслизиб белкІунси саби. «Литературный институтлизи хабарагарли дакІубиубти адамти бучІахъес бурцути ахІен, хаслира заочное отделениелизи ва черяхІти литературала курсаначи», – викІули сай В. Фирсов макъалала бехІбихъудлизив. Сунела макъалализиб илини гъанбуршули сай, сунела семинарличибти хІябал студент: Аминат ГІябдулмананова, Сергей Хомутов ва Валерий Латынин. Сунечиб бучІутазибад илданицун сарри институтлизиб бучІули лебай хІяб-хІябал жуз дураибти, – викІули сай илдала мугІяллим. Ил анцІбукъли чебиахъули саби чедиб гъанбушибти хІябалра студент Литературный институтлизиб «хабарагарли дакІубиубти адамти» хІебиъни.

«А.ГІябдулманановала назмурта нуша къисматличи ва нуша-алав кадиркути анцІбукъуначи аварагартіли хІедиахъес, балкІиличил дургъахъес, адамдеш дихІяхъес, яхІ-ламусличила хъумхІертахъес жидирулра. Илдани нуша гІяхІдеш бирахъесра ва адамличи уркІецибирахъесра гъуцІдирулра», – викІули сай Владимир Фирсов. Пикридухъеная хІушара, камсив гъатІи нушала поэтла назмуртала гъунар? Гъайгъайра, ахІен.

ХІязлис хІергар В.Фирсовра сунела ученичала назмуртас «уркІилизи уколти» викІуси ва илди ахъли къиматладируси.

А.Гябдулманановани цаибил томлизи каберхахъурли леб, В.Фирсов гЯм-рулизивад арякъунхИели, ил гьаниркахъули белкIунси «Нургъбачил» бикIуси назму. ХIера, се рикIулил сунела бегIлара дигуси мугIяллимличила:

**...Хьуракадиуб набзи
АнцIкъира кахси децIра:
ГекIиб Москвали хIулби
Дурхъаси мугIяллимла.
Дунъяличив агу ил,
УркIилизир ца сари...**

Назмула гIергъити тугъазиб А.Гябдулманановани бурули сари, сегъуна вирусирил сунела мугIяллим ва се багъандан ил сунес илцадра дурхъасирил.

Нуни жузла гъарил бутIализир наб дебали гIяхIдизурти назмурти декIар-дарили лер. Илди гъархИели дучIулра. Амма газетала ца макъалализиб нуни жузлизид кадерхахъурти лерилра назмуртачила бурес хIейрусра. Бархъли бурасли, гIягIнидешра агара: далтахIе бучIутази чузи «хупIдарахъес поэзияла урунжла бизити шин».

Или биалра, назмуртачила ца-чумал гъай дурисра. «Паргъатагардеш» бикIуси назмула тугъи удир гъаладирхъулра:

**...Дила кахти пикруми
АхIен аркъниличила,
Мург-биалра иш дунъя
Бархъкабалтниличила.**

**Юргъайзир гIянжи-къарла
КIапIкарирниличила,
Палда аурли анхълар
Реткайхъахъниличила.**

**Балас, шуркарулхъасра
Къатличи ну ванзала,**

**Шурла шали аурли,
БутIа арас лусенна.**

**Дила паргъатагардеш
Саби ванзаличила,
Бухъули ва берхъили
Кали дигниличила.**

**Гъарил инсанна игъбар
Лушули, ласбикIули,
Балагъуни агарли
Ванза бузниличила.**

Нуни декIардарибти назмуртази кабурухули саби «Тилади» бикIуси назмура. Илар поэт тиладирикIули сари ЧевяхIси Аллагълизи, «дунъяла давлаличи хIясратмарирахъаба», «дунъяличи верхIелван зубрачи карцIрараба», «рер-цахъаба къястала цIализирадра» рикIули.

Нуни чердикIибтази кадурхули сари «БигIунра нуни берхIи», «Сагаси назму», «Назмуртала туснакъчи» ва дахъал цархIилти назмуртира.

А.Гябдулманановала жузлизир дахъал лер Батирайлис багъишладарибти назмуртира. «Нушала гIямрулизир – Батирайла далуйти» бикIуси саби илала поэтличила ца назму. Батирайлис делкIунти А.Гябдулманановала назмурти делкIунхИели, нуни багъурра ГIямарла Батирай илала бегIлара дигуси даргала поэт виънира.

КIиибил томлизир нуни декIардарилра «ШягIир», «Расулла назму», «ГIяйиб мабирид», «ХIела дигай», «Аманат» бикIути ва цархIилти назмурти.

«Аманат» бикӀуси назмулизир ил тиладирикӀули сари шантази «хъучиб каиб гъаршлизи ну хӀярихъабая» или.

**...Дила ахир ва бекӀа
Шурбулхъахъис гъеличи,
Сагал журала сабухъ
АкӀахъес дунъяличиб, – рикӀули сари поэт.**

УркӀи-уркӀиларадти дугъбачил, белкӀунси саби «Къисматлис рулгулра» бикӀуси Валерий Латыниннис багъишлабарисси назму. Сунела вебкӀибси узис къадин къисматли сунес гибси узилизи халирули сари авторли сунечил варх учӀуси урус «узи»:

**...Варгира нуни узи
ГӀярасайлизивадси.
Рулгулра ну къисматлис
Наб ил узи варгнилис.**

Жузлизир лер дахъал назмурти–багъишлабира: МяхӀяммадгӀяли МяхӀяммадовлис, Ибрагъим Шамовлис, Дахадаевла районнис ва цархӀилтас. Халаси дигиличил гъайрикӀули сари поэт илдачила.

Макьалала ахирлизиб А.ГӀябдулманаповала ца биштӀаси назмула урус мезла журара хӀушаб гъалабирхъисра (шурбатурси саби Валерий Латынинни, ил наб бегӀлара гӀяхӀбизурси назму саби). ХӀера иш:

**Я – не хан, чтобы славу богатством стяжать,
Не герой, чтоб себя обессмертить навек.
Для тебя - я жена, для детей наших - мать,
Для хороших людей - неплохой человек.
Я живу, одному тебе верность храня,
Повседневным трудом украшая наш быт.
Разве этого мало тебе от меня,
Чтоб до старости лет неразлучно дожить?**

Нушаб дигулра, хӀела къалам гъатӀира бугабиубли, нушала ахӀерси Аминат.





Динара
НУРБЯХИЯММАДОВА

РУХИЛА ЖАГАДЕШЛИЧИЛА

Нушала Дагъистан давлачебси ва пергер тIабигIятличилси республика саби. Илала ва Россияла къисматличила лукIули саби бахъал поэтуни-писательтани, далуйти дучIули сари далайчибани. Чула шимачила, тарихличила, Дагъиста халкъла гIядатуначила, адамдешла умцлаличила бурули саби илдани. Цагъунти дубуртира хIедирар, авлахъличир цагъунти вавнира хIедашар, ил тяхIярли цагъунти писательти-поэтунира хIебирар. Саби-бегIти къиликъуначил, бетуцличил декIарбулхъули саби илдала творчествора. Илкъяйдали цархIилтазирадекIаррулхъуси сари бахъал даргантани сунела хIурматбируси, республикализирцунра ахIи, улкализирра машгъуриубси поэт Аминат ГIябдулманановара.

АкIубси сари ил машгъурти устнала Хъярбукла шилизир. Илала дудешшила парторг, пергер адам вири. Неш биалли медсестрали рузулри. Шадси, балгунси хъалибарглизир хIеррируси Аминатла гIямру дахъ жявли къутIкъудиуб. Шел дус риубхIели, илала неш ребкIиб. Неш агарли халариуси рурси пикрирухъун гIямрула мягIналичила, къисматла къяркъдешличила. ХалараибхIели, Аминатла уркIилизир гIямруличила, бекIаличила, нешличила дахъал назмурти акIуб.

Школализир ручIули лерай назмуртани лукIули хъалли, Аминат ГIябдулмананова гъаланачи поэзияличирад гъарахъсири. Шилизиб школа белчIи гIергъи, Аминатли Дагпединститутла физико-математический факультетлизиб белчIуди даимбарибсири. ГIур биалли ил сари акIубси Хъярбукла шилизир учительницали рузусири. Ил хIянчиличил барх илини назмурти лукIнира даимбариб.

Аминатла назмуртачи пикри бяхIчаибсири даргала машгъурти поэтунани ва писательтани. ГI.АбуБакарли илис маслигIятбарибсири Москвализибси М.Горькийла уличилси литературный институтлизи карерхахъес. Илар ил пасихIедешла дунъялизи мурхъриуб. Илар ручIухIели тянишриубсири урусла литературала машгъурти классикунни ва тилмажунни В.Фирсовличил, В.Цыбинничил, В.Берестовличил, В.Гордейчевличил ва цархIилтачил.

Улкала халати издательствобани дураиб илала назмурти. Илди дурадухъутири «Щала лами», «Хъулчни», «ЗурхIяб», «Кавказла гIебалгъни», «Студентунала меридиан» ва цархIилти журналтазир. Урусла поэт, тилмаж, пачалихъла премияла лауреат ва Аминатла учитель Владимир Фирсовли

лукІули сай: «Аминатла творчестволизиб леб поэзияла сагадеш, чихъси художество. Илини сунела произведениебазив сипатирули сай шалати, гІяхІти пикрумачилси адам».

А.ГІядулманановала пагъму халкъани-ургабси «Филантроп» премия-личира лайикъбикиб. Поэтессала назмуртазиб нушани чебиула гІяхихъли декІарбухъунси, гІямрула башрила дурабад, рухІла жагадеш, уркІи иргъни.

1990 ибил дуслизиб дурабухъун илала назмуртала «Хъярбук» бикІуси сборник. Аминатли Дагъиста игитуначила дахъал произведенияби делкІи сари. Илдигъунтазибадли ца саби «Гъабзадешла ахъанай» поэма, сабира 2005-ибил дуслизив вайнукъабала някъбазивад алхунси полицияла генерал-майор МяхІяммад ГІямаровлис хасбарибси. Илкъяйда А. ГІядулманановани децІли ва уркІецІили бицІибси «Къаркъала урши» бикІуси назму белкІунсири Сергокъалала районнизивадси вагъабиюнтани кавшибси М. НурбяхІандовличилара.

Даргала поэтесса Аминат ГІядулманановала у балули саби Дагъиста лебилра дурхІнани, сенахІенну ил гъаман школабази гІяхІладли рашули сари. Илала биштІагас хасдарибти назмурти дурхІначи дигили дицІили сари. БиштІагас делкІунти илала пергер назмурти сари: «Къялубачиб яни», «Кисалабси дяхІила пусул», «Нуша халадикІула».

Аминат ГІядулмананова студентуначил гъунираэсра мурталра университетлизи рашули рирар. Студентунанира илис ва илала творчестволис хасдарибти гъаргти дурсри дурадуркІули дирар, чулира халаси дигиличил, иштяхІличил илала назмурти дучІа.

Баркалла Аминат ГІядулмананова хІед, гІямруличи дигили тІемдикІути назмуртани нуша разидирнилис. Аллагъли хІед арадешра габ, даргантас гъатІира гІяхІти назмурти лукІахъес. Дургъаб хІела пагъмурти!





Рустам МУРТАЗАГИЯЛИЕВ
РФ-ла багъудила хІурматла хІянчизар
сагаси Вихърила ши

ДУНЬЯ ШАЛАБИРУСИ

Нушала-ургаб леб чула пагъмурта алавчарси дунья шалабирути адамти. Илдала къяйлизиб бегІ гъалаб гъанбушес вирар Дагъиста халкъла поэт Аминат ГІябдулманановала ура.

Ил устадешла ламили ухахъуси, Дарга машгърбируси пергер хънул адам сари.

Лачинтала ургар лачин, мугІяллимтала ургар мугІяллим, нешанала ургар неш, пагъмукарси Аминат ГІябдулманановала Москвализиб кІел томличилси назмуртала жуз дурабухъун. Илкъяйда ил халкъани-ургабси конкурсличирра чедирикес бажардирикиб. Илдигъунти дигести анцІбукъуначил ил нушанира уркІи-уркІиларад мубаракриулра ва халаси разидеш балахъулра.

Вирхулра, Аминат гъатІира ахъти ахъанайтачи арицІур. Илис саби иш дила назмура:

**Къапланла уркІила регІ,
Чакала кабизла регІ,
Пагъмуличил машгърси,
Мурхъли пикририкІуси,
Сарригу дурхъал поэт
ЛукІути гІеббурцуси,
ГІурра гъира акахъес
Даим кумекрикІуси,
Пергер поэт Аминат!**

Илала назмуртала жузи хъярхъли делчІунра. Ну дебали тамашавиахъубра Аминатла пасихІти пикрумани. Илцадра мурхъли хІял-хІякъикъат пикридирес, тІабигІятла лишанти чедаэс, арцантала пишни далес, биштІатала уркІби иргъес, халатала хІурматбирес, юлдашдешла цІакъ чебиахъес, дигайла буцІардеш ламбикІахъес, гъарилли-декІар хІейрар.

Наб мурталра ца анцІбукъ гъанбиркусири. Набзи виштІахІейчирад вегІла нешла мез хІедяркъурсини гІур дагъес вируси ахІен, ва идачи диги деткайхъути сари бикІутири. Амма Аминат ГІябдулманановала назмурта нешла мез ункъли далахъа, нешличи халаси пикри бяхІчиахъу.

ХІеръая, илала ишди назмуртани сегъунти пикруми алкІахъулил:

ГІЯКЪЛУ

Миллионти дусмазиб
Дунъя къайгъназибсири,
ХІезив адам акІахъес,
Дагъриличи вегІварес.

ЦІябдешлизибадра хІу
Биубри дурабухъес,
Дунъялисра кІантІ-кІантІли
Бузади давла бучес.

Бахъбаиб адамтира,
Дургъби адилкъантира,
ХІура палакатбарес
Къайгънази ахъибтира.

Гъанна чизи рулгишав,
Чизи бусраврикІишав?
ХІу мицІирли калахъес
Се гІямал баришара?

НЕШЛИС

Назикдиубти тІулба
СубхІянти кайсухІели,
ДяхІиван цІуба чурми
ДигІяй хІердирухІели.

Гъанбирки, неш, хІу сарри
Или къуват агарси,
Аллагълара урхІлара
УркІецилици хъарси.

Гъанбирки, гІямзиларли,
ГІямру хІедалад или,

Гъалмагълара кІидехІ дяхІ
Дирни хІебалад или.

МягІни аргъира къанни,
ХІу набчил агархІели,
Лерилра балагъуни
ЦахІнар чедакІибхІели...

Лигубачи, камличи
Хъарахъили чІукъати,
Марли хІу руилригу
Илдас къарауйчирси.

Аминатла сборник бегІ гъалав творчествола гъуйчи кайзурсилисра гІяхІси кумекчили бетарар. Жузлизиб дигалли культураличила ва гІядатуначила, дигалли узи-уршила ва юлдашунала балгундешличила, игитла серхурдешличила ва улкала жагадешличила бурули саби. Дагъистайчила ва илала халкъличила хІебалусилис илдала дигІянти лишанти гъаргдирули чедиур. Вирхулра, ил сборник гІур чумдехІал мезлира дурабулхъниличи.

Къудратла вегІли, хІурматла Аминат ГІябдулманапова, хІед чумаси ара-дешра талихІчерти гІямрура къадардараб.



ХІясайни АППАЕВ
Россияла журналистунала
Союзла член

ГЪАРБИЗУРСИ ПОЭТЛА ЖУЗ

Дагъиста халкъла машгъурси поэт Аминат ГІябдулманоповала творчество наб виштІахІейчибад дигахъуси саби, ва гъарилра-сера сагали дурабухъунси жуз тІалаббируси саби. Или биалра ил пергер поэтличила газетализи яра журнализи макъала хІебелкІи левалри. Ил хатІаличи ну мукІурлира.

ХІера гъалабван Москвализиб дурабухъунси Аминатла, кІел томлизібад цалабикіиси, ца бяхІлизи дарган мезли, итиллизи урус мезли белкІунси жуз кайсулра.

Гъала-гъала тяниширулра урусла машгъурси поэт литературный институт-лизир ручІуси заманала Аминатла преподаватель ва насяхІятличи Владимир Фирсовли иличила делкІунти лергер мягІничерти дугъбачил. КІел назмула тугъи кили, Аминатла насихІятчи ва учитель викІули сай: «Аминатла назмуртани аварагардешличил ва жигарагардешличил вегІла кысматличи ва алавси дунъяличи хІербикІахъес руркъули ахІен, адамти иличи ургІебли, балкІдешличилси дявилічи руркъули саби, сегъунти-дигара кыянти шуртІразир яхІ ва ламус дихІяхъес руркъули саби, вегІла дагърила тІамаличи лехІихъахъес жибирули саби. Илдани инсунтазир бегІлара ахъти гІибратла кылликъуни-гІяхІсант-диги, бархъдеш ва ряхІму алкІахъниличи жибирули ва хъулбикІахъули саби».

Илди пикрумас поэтли бикърили кайсули сай Аминатла «Пагъмула лами» бикІуси назмула ишди тугъи:

**Карурхус ну ригубли,
Адамтас далтас цІами,
Дила назмура нура
ХІушаб харжжариурса.**

Гъарли-марли, вархъли сай нушала Аминатлис илцадра ахъси кымат бедибси чевяхІси урусла поэт. Илдигъунти кыматчерти дугъбас бикъридеш дирути чумра назму лер дарган поэтла. ХІера ил сборникла цаибил бяхІлизибси назму бучІулра. ЛехІдизирая, гъари, илизирти тугъачи:

**Дигахъира иш дунъя
Ца улка бетаахъес,
Дунъяличир улкнала
Дазурби агардарес.**

**Дунъяла адамтала
Гъими-къяс агардарес,
Жалти ва кахти дугъби
Даимлис агардарес.**

ГІур секъяйда бурес вируси гъарли-марси халкъла поэтли дунъяла халкъличи, улкначи, илдала уржибдешличи, дугъби ва жалти агардалири, лебилра даршули хІербиахъеси хъул! Иличибра дурхъаси яра ахъси, мажахІят леббіэс дунъяличиб, иш бархибси манзиллизиб.

Чумилра назмулизир черяхИдирули сари Аминатли адамдешла дурхъадеш, лебилра дунъяличила ва инсаниятличила къайгъни, урхІла къиянти гІямрули ва гаши-бисали бумцахъуси гъанкІ, хъубзарла къатавтар някъбала къимат, дармандирути дубурла гІинзурбала шин, гІяхІли ша башуси бархІи биршуси аргъра, чатІала пукъа бехъес пухІяйзилра хІебирути адамтира, хІулкІули гъар савли хІянчила башути адамтира, урхІла гъарбизаллира разибирути адамти лебнира, гІяхІти адамти бегІлара гІяхІси талихІ биънира, уктемдеш датІнира, цала цали уркІи хІергъибти гІяшикъунала пашмандешра, хІярамси шилтахъчи мучлахІейрнира, пикрумала гими гъардердес хІейрнира, сунела цакъличичи гапкІуси усал гъабзара, гурдала гІямултачил арсланна пахру бихутира, дергъла ярагъ касести бурхІни дакІили хІейгнира, бархъдешла дурхъадешра ахъдешра... – лерилра ишди нуни гъандушибти адамтала къиликъуни поэтла назмуртала даршал бутІала ца бутІаличилра, мажахІят, даэс. ХІердизирая, поэтли сунес сегъуна цІелда катІахъес маслигІятбирулил:

**ХІеррараба марсили,
ЛералцадхІи мицІирли,
РекІаслира, кален хІу
Биубли наб цІелдали.
Ишар гъай бархъдешличила сари.**

Аминатла творчестволизиб хасси мер бурцули саби сунела ахІерси шилис делкІунти назмуртани. Илис бикъри саби гІяхІцад гъалаб белкІунси «Хъяр-бук» бикІуси жузра. Поэтлис сунела ахІерси ши гІямрула бехІбихъуд, мягІни ва ахир саби. Илар сари поэт акІубси, хІерриубси ва ила сари ил чаррулхъусира. Багъуди, белчІуди, гІямру сари илини дяркъурти. Иларад сари ил лерилра капарайтаци раибси, поэзияла ва гІямрула ахъанайтаци арацІибси. Ила чаррулхъниличира рирхули сари:

**Дунъя чедибяхъили,
Ахирра ну чаррулхъас,
Дила дурхъал шантаци,
АхІерти дубуртаци.**

Хасси мер бурцули саби поэтла поэзиялизиб нешлис багъишладарибти назмурта. Нешли сари поэт гІямрула капарайличичи дураибси, илини сари ил инсаниятличи дигичеррарибси, ил сари поэтлис дагъриласалси ялкан, малхІямдешла гІибрат. Илала някъба ва дагърили саби дунъя бузахъуси ва дагъричеббарибси.

**Балас, сихІрула сари
Нешла сакІубти някъби,
Хамирван иш дунъяра
Саби журугбарибси.**

«СИХІРУЛА НЯКЪБИ»

**Яра: Шанти даршубирули,
Лебдеш харжкабирули,
УрхІла талихІ калахъес
Дугурбазир рулгуси.**

«НЕСЛИС»

Жузла хІябѣбил «Пагѣмула лами» бикІуси бутІализибси «Уцахъуси мява» бикІуси назмулизир поэт дугъарилзули сари:

**Се балтулрал бурая
Иш дунѣяличиб гІяхІси?
ГІяхІти баркъудлумацун
Сари рухІ уцахъути!**

Сецад ахѣтили урдулхъулил адамла гІяхІти баркъудлумацун: чІянкІли ил-даницун сай адам, ахиратла хъули вякхунхІели, верцахъес вируси. ГІяхІси ва манпагІятси насихІятли сай поэтли дунѣяла хІялалси гъуйчи вяхІчиуси инсан.

БучІулра «КъутІдяхъя заклизиди» бикІуси назму:

**ГІяхІти гъубзнас гъаргти сар
Алжунтази унзара.**

Илцадра гІяхІдешличи гъуцІли сай поэтла лирический герой, сайра автор-лизивад сеналра декІарварес хІейэси.

«БархъдешлигІив умцІулра» бикІуси бутІализиб авторли далай бучІули сари чІянкІли:

**Далай – улка лушантас,
Душмайзи балтахъантас,
ВатІанна дазуличиб
Сахъдеш чІумабирантас.**

Ихди гъандушибти суалтазир гІяхІцад нукъсандешуни лердиалра, поэт рурхІули сари ахІерси ВатІа дурхъадешличи ва ахъдешличи. Илис сари илини лерилра сунела къаламла устадешла цІакъани улкалис марти адамтас харждирутира.

Гъайгъай, поэтла гІурра дахъал темаби лер, лерилра илди гъандушесра иш макъалализирцун имканхІебикІур. Сен-биалра къантІ-къантІлилра наб бекІлидиубтиван дилзути масъулти гъандушес дигулла.

«ТІабигІятличил уржилира» бикІуси бутІализиб поэтли адам тІабигІятличил валги ва уржили хІерис хІяжатли биъни иргъахъули сари.

ГъанхІебушес хІейрар «Дигайла зурхІяблиур» бикІуси бутІара, сунезирра поэтли цалис ца бигутани дигайлис мардеш дихІес гІягІнили биъни ва адамлизиб ил бегІлара ахъси хІял биъни иргъахъуси. Илис саби поэтли ил хІяйчибти адамти къунба хІебугъахъес, дигайлис даим мартили биахъес ва дигайла дуклумаичиб кІайбирхІяхъес жибирути.

«Нушала гІямрулизир – Батирайла далуйти» бикІуси бутІализиб илгъуна уличилси назмулизиб поэтли чевяхІси Батирайла далай даршдусмазиб, сегъунти-дигара къиян-жапаличи хІерхІеили, мусибат-балагъуни ахъили, даимлис кавлан ибси пикри бурули сари:

**Амма жайчил гҮямруван
ГҮямал агарли, балги
Кавлан ил хҮела далай,
Ва ахҮерси Батирай.**

Цаибил том таманбирули саби «БекҮаагардешличи ганз» бикҮуси бутҮаличил. Ил уличил белкҮунси цаибси назмура, багҮашлабарибси саби Россияла Игит МяхҮаммад НурбяхҮяндов гҮаникахҮнилис.

Ил назмулизир поэтли дургҮбала кҮяркҮдеш, Чедибдешла дурхҮадеш, игитунала умас мардеш, даршуги гҮямрула дурхҮадеш, сагали акҮубти кҮачагҮдеш аргҮес хҮерирни чедиахҮули сари. Илдани гҮяйиб агарсичира зулмурти дяхҮичули сари, сай израгҮил хҮейалра, урхҮла жан айсули сай или, лягҮнатрикҮули сари.

Ил назмулис гҮергҮи гили саби кҮел бутҮализибад цалабикибси «НурбяхҮяндов МяхҮаммадла зубари» бикҮуси назмура. ГҮайгҮай, поэтли ил пергер дарган уршила лебгҮеб халаси гҮунарла баркҮуди чебяхҮбирули сари, гҮямруличи ва неш ВатҮайчи кахҮерхуги диги чедиахҮули сари. Илис сари поэт рикҮусира:

**ВатҮайс мардешла хҮялис
АхҮер жан дариб дехҮсур.
Гуж ва зулму дяхҮяэс
КҮяркҮала урши аур.**

Жузла кҮиибил том бехҮбирхҮули саби «БекҮаагарти» бикҮуси бутҮаличил. Ила кадерхурти назмуртазир поэтли кҮяркҮа ветаурси, кҮидехҮ дургҮбала бикҮри ухҮнала гҮунарти, маслигҮатбирули сари «Мешудеш» бикҮуси назмулизиб («Нешла хҮулбачил хҮерҮа инсантаци цайнара») нешла хҮулбачил хҮербикҮахҮес инсунтаци, гҮямулти хҮедагҮурли, гҮямру мяхҮкамдируси гҮункҮя хҮяжатли виҮни иргҮахҮули сари цархҮил назмулизиб.

«БекҮаагардеш» бикҮуси назму багҮишлабарили сари кҮумукҮла поэтесса Жаминат Керимовас, сунезирра лерилра гҮязабти ва кҮияндешуни чекайсули, дунҮяличи хҮердикҮуги вавни сипатдируси: илдани чула жагадеш халкҮелис лугули, разибирули сари. Лирический геройли илдас Жаминатла у бедили сари:

**ХҮу кҮяйда илдир сари даимти,
КҮисмат каберхалра, хҮеркадирути.**

ХҮердикҮеная, се рикҮулил Аминат «Алхунти игитунас» бикҮуси назмулизир:

**Чум дус ардукҮялтира,
Дисули сар маркнира,
Замунтала тухтурли
СагҮхҮейру дяхҮурбира.**

ХҮябьибил бутҮа «МакҮамла ахҮдеш» бикҮуси уличил гили сари поэтли, сунезирра имам Шамилла гҮабзадеш, мутҮигҮдешла цҮахдеш ва даргала машгҮурси гҮяхҮгабза ХҮямид ХҮямидовла гҮабзадеш ва адамдеш сипатдарибти.

Гелабадси беклис «Нуни далай буртлура» у бедили саби. Гъанбушибси уличили назмулизиб поэтли лебилра жибирули сари далай белчлахъес «дардани гъадяхъили» ва «ГяхИти гъубзнала авид цалабахъили». «Къисматла къяркъси бярхъли» биклуси назмулизир поэт риклули сари:

**Дунъяла дяхъурбара
Дяхъи-хъасла барили,
Щудара балагъуна
Буахъи паргъатдешра.**

Ге, илгъуна саби гъарли-марси поэтла урки, сабира гъарил адамличила ва инсаниятличила къайгъна бицибси ва илдала децли ва цумли бутла-бутла-бируси. Ил бутлализир лер, машгурти даргантас багъишладарибти назмурти: Перзийт Къурбановнас, МяхИммадГяли МяхИммадовлис. Таманбирули саби ил бутла сунела ахIерси Дахадаевла районнис багъишлабарибси назмуличил. Поэт халкъла сархибдешуначи пахрули либхли рицили сари:

**Гилмула ахъдешлизи
Арцур уршби чумлара,
Дунъяла гъар гIямзилаб
Леб багъадурти хIела.**

Гъамирула Аминатла лебIеб гъарбизурси жузла ахирличи. Пергъисигъуна беклис «Паргъатдеш хIебурсула» ибси у бедили сари. Гъайгъайра, ил поэтла уркила беклибиубси хасдеш биъниличи дила сегъуналра ташмишдеш агара. Ила кадерхахъурти назмуртазирра поэтли гIяхIцад дунъяла масъулти ва адамла къиллихъуни гъандуршули сари: халкълис далайрикIни, шантала сархибдешуни черяхIдарни, аллагъунала мерлаб инсунтала мер, ургъаннис деза, хъубзардеш ахъдарни, паргъатдеш агни ва цархIилти. ХIера, се риклулил поэт «Паргъатдеш агара» биклуси машгурси тухтур Ибрагим Шамовлис багъишлабарибси назмулизир:

**Дунъя паргъатхIелира,
Паргъатдеш хIебалуси,
Шадти мякълабхIелира,
Децилибтачил вархси.**

Нушани чебиуливан, тухтурла чеббикIибси къас ва тIабигIят лебIеб ункъли сипатбарили саби нуни чедир гъандушибти тугъазиб.

Тяп илгъуна саби поэтлара рухIласи ялкан.

ДулгехIе адамдешла ва адабдешла дурхъаси ялкан Аминат ГIябдулманаповас гIурра дахъал сархибдешуни ва арадеш, нушаб гъатIира гъардизурти жузи делкIлахъес



Драматургия

Гияшат
МЯХИЯММАДОВА

ХЪУБЕШ-НЕСЛА МАКРУ

БутІакъянчиби:

ЗАЙНАБ – Школа таманбарибси рурси.

РАСУЛ – Дагъиста пачалихъла университетла студент.

КЪАДИ – Расулла юлдаш.

САКИНАТ – Зайнабла неш.

ЗУРИ – Зайнабла рузи.

ГИЯШАТ ХАДИЖАТ – Сакинатла рузби.

МЯХИЯММАД – Расулла дудеш.

ХИЯЖИХЪАЛА ПАТИМАТ – Расулла неш.

ШЯХІБАН – Расулла узи.

КАЛИМАТ – Расулла рузи.

ХИЯПИЗУЛЛАГЪ – ПатІиматла узи.

ЖУМЯГІ – ПатІиматла рузи.

МУСЛИМАТ – ПатІиматла унра.

МАЛЛА КЪУРБАН – ХИЯЖИ.

МАЛЛА ГИЯЛИ – ХИЯЖИ.

ЦАИБИЛ АНЦІБУКЪ

Савли абулхъуси берхІи, къулала хІенкъ, бара шала чегибти дубурти...

Сакинатла хъали. Беркала бирули Сакинатла рурси Зайнаб. Мезъла пичлизи урцул адилкъули, Сакинат рурсиличи рехІрилзан:

САКИНАТ. Бура, гъари, дила рурси, се хабурти сари халкъли хІечила дурути? Их ХІяжихъала ПатІиматла уршиличил кърширикулрив хІу?

ЗАЙНАБ. Неш, илди халкъла хабурти сари, хІу илдачи лехІмайхъуд.

САКИНАТ. ЧехІебаибси секІал халкъли пикрибарес бирару? ХІези нуни бурулра, их ХІяжихъала жинслизив сагъси адам хевси ахІен. Нагагъла, хІу илдала урши Расулличил кършириркули риадли, гІур хІу дила рурси ахІенри. Аргъирив хІуни?

ЗАЙНАБ. Расул вайси урши ахІенгу, неш, бегІти сегъунти биалра...

САКИНАТ. Расул сегъуна виалра, хІу иличил кършириркули хІералтари! ХІу дигути сукни лябкъян. ХІуни иргъулрив, ахІенрив?!

(Зайнаб рисули, кІелра някъли дяхІра кІапІдуцили, бируси беркалара бархъбатурли, дурарулхъан.)

Гяшли паргъатси ва шаманси макъам зайбулхъан. Балкойчи тлаширизури, сунези сари гъайрулхъан:

ЗАЙНАБ. Се балагъ сабсив иш набчибси? Школа таманбарилихъалли ручлахъес ралтули ахленра, рурсбас делчунти гягнители ахлен биклули саби. Ну гямру ардукъайчи хъули карили руэс гягнисив?

(Багъласи макъамличил Зайнабли гяш-гяшли далай бучла)

**Ху чейути хулбани
Гур чилра чехейула.
Хечи гьуцси уркилис
Къаббулли ахлен чилра.
Нуни гур се бариша,
Чичи дугъаризиша
Ху чеваэс багъандан,
Бура, гур се бариша?**

П а р д а в

КИЭСИЛ АНЦБУКЪ

Тахшагъар Мяхлячкъала. Пачалихъла университет. Университетла унзалавад Расул дураулхъули сай ва сунела юлдаш Къадичил ихтилатиклули сай.

РАСУЛ. Къади, мурт аркъехлев шилизи? Ишди выходнойтас гъардиклев? Наб Зайнабличил гъайухъес гягнили саби.

КЪАДИ. Хед дигуси бирехле.

РАСУЛ Хебиалли, царахел аркъахе.

КЪАДИ. Гяхси, ну мурталра хядурлира.

Гьуни, дубурти, заклизиб члака клайбяхлили саби. Расулла безтала хъали.

ПАТИМАТ. Гьу, льякълурив, дила урши? Каникулти-секлал сарив хела? *(Расулла някъ буцили, цлацлабиру)*

РАСУЛ. Каникулти ахлен, неш, выходнойтас ваклра. Ху сенри, дудеш чинава?

(Уршила гъайла аргъили, Мяхлямад итил хъуливад дураулхъан)

МЯХЛЯММАД. Ваклрив? Сенри, се гъанбикличилрив?

РАСУЛ. Шадив ваклра, дудеш.

ПАТИМАТ. Аци, кайили, баглабара. Хечил нушала ихтилат леб.

(Расулли дабри чердалта, дях-някъ ицу ва, уталичи кайили, хъарбиу)

РАСУЛ. Гьу, се бурес дигулраяв, къацли укайчилра хелтули? Чинава нушала Шяхбан?

ПАТИМАТ. Шяхбан бусягят льякъян.

РАСУЛ. Гьу, хебиалли гъайриклен, неш...

ПАТИМАТ. Нуни бурес дигуси, дила урши, Зайнабличила саби. Рурси вайси ахлен, амма хуни аргъес чебиркур, нушала жинсанала духлар гьаларла замунтазир детаурти душмандеш лерти сари, илбагъандан, ху Зайнабличил къарширкули дигули ахленра.

РАСУЛ. Се хабурти сари гъанна хушани набзи дурути? Нуни гьалабра хушази бурра, наб цархил рурси гягнили ахлен, наб Зайнаб сари дигуси! Хушани ил секлал хергъулрав?

МЯХІЯММАД. Урши, хІу нушачи лехІахъес чебиркур. Душмантала рурси нушала хъулир чераэс хІейги. Аргъирив?

РАСУЛ. Аргъира, дудеш. ХІебиалли, Зайнабра аррукили, нура дила белчІуди таманбиубхІели, аркъехІе. Дила рузи Калиматли гІяхІил рала Зайнаб, ил илала ралликъяна сари. Се гІяйибла регІ сарил ил, бурая набзи?

ПАТІИМАТ. Рурси вайси сари дикІули ахІенра нуша!

(Ахъти гъайла аргъили, Калимат сунела хъулирад дураурулхъан)

КАЛИМАТ. ВакІилрив, Расул! Се тІама-гъама сарив хІушала?

РАСУЛ. Наб къадагъабирули саби Зайнабличил къаршииркахъес. ГІядатуни бикІули саби...

КАЛИМАТ. Сен или дикІулрая? Зайнабгъуна духуси рурси леру гъатІи шилизир? ГІядатуни, ГІядатуни! Села гІядатуни дируттив, чум дус ардякъив? ХІушала душмандеш мурт тамандирути?

ПАТІИМАТ. Дебали сакІублиригу хІу ишбархІи?!

(Калиматличи неш вярвурлхъан)

КАЛИМАТ. Неш, цахлигу! Нуни хІушала илди макру иргъули ахІенра!
(Хъулирад дураурулхъан)

ПАТІИМАТ. Нушала урgab ишгъуна анцІбукъ бетаурси саби, дила урши, хІу нушачи гымукІес асукІебирар. Ил секІал хІуни аргъес чебиркур.

АВТОР. *Багъласи аги... Ил дуги Расулла гъанкІ бемцІур. Шаладикайчи ил пикрумазив сайри. Гъеч, бегІти се бикІули биаллира, Расуллис сунес дигуси рурсилизивад декІарикес дигули ахІенри. Ил къалабали хъуливад дураурулхъан, вархъли сунела юлдаш Къадичи лявкъян ва илизи тиладиулхъан.*

РАСУЛ. ХІу наб дебали гІягІнилири, Къади.

КЪАДИ. Се бетаурли? Сен гъалаксири?

РАСУЛ. Неш-дудешли наб дебали къадагъабариб Зайнабличил къаршииркахъес, илбагъандан кайили нуни дуги кагъар белкІунра, ил хІуни Зайнабличи буха.

КЪАДИ. Гъанна, 40-50 дус гъалар диубти душмандеш багъандан, вегІлис дигуси рурси ратес гІягІнилив?

РАСУЛ. Неш-дудеш се бикІаллира, наб Зайнаб сари гІягІниси. Ма, беда Зайнабличи иш кагъар!

КЪАДИ. Севан бедиваш кагъар? *(Сасили, кагъар кисала кабирхъу):*

РАСУЛ. ХІерила замана Зайнаб шичи ракІес асубирар, ил замана бедес къайгъибара.

КЪАДИ. ГІяхІси, юлдаш!

П а р д а в

ХІЯБЭСИЛ АНЦІБУКЪ

Паргъатси аги, дубурти, ши, гІиниз...

Зайнаб шичи ляркъуси замана багъурли, Къади ил мерличи лявкъян, гІинизла гІела дигІяниркур. Къакъличиб къянарира сарира Зайнабра ила ляркъян. Къянари шинни бирцІу, гІур къакъличи чейхъу. Ил замана Къади гъамирар.

КЪАДИ. Зайнаб, тІашризи ца минут! *(Алавчарлира хІеръили, ил тІаширилзан, Къади чеили, хъарбиу)*

ЗАЙНАБ. СейкІулри, Къади? Мурт вакІилрив?

КЪАДИ. Расула нура даг бархІехъ дакІира.

ЗАЙНАБ. Гъу, се бурес дигулрив?

КЪАДИ. Нуни хЕд Расулла кагъар хира.

(Кисалабад кагъар бедлуга. Сасили кагъарра, Зайнаб аркъян. РақІили хъули, хъуцІарличибад къянарира чебасили, конверт ибхъу. Илини рирули ахІен кагъарла мягІна аргъес.)

ЗАЙНАБ. *(Ахъли сунези сари)* Се бурес дигулира Расуллис гІурра?

(Кагъар ахъли бучІа)

«Зайнаб, набчи хІу гъимрукІес асубирар, амма нуни иш кагъар хЕбелкІес хЕйубра. ГІур севан буриша хЕзи дурарухъахъес? Наб хЕзи бурес дигуси секІал леб урқІиличиб лукъули, паргъатдеш хЕлугули. Дила ахІерси, рахли замана бикалли, ишбархІи дурарухъен иш нуни бурибси мерличи. Ну хЕчи хЕрли вирус. Расул».

(Кабихъили столличи кагъарра, бареси хЕбалули, уталичи каришили, буцили бекІра, ибкъли пикриулхъан).

ЗАЙНАБ. Секъяйда дурарулхъусира, неш наб гЕларад каризурли риалли? Вай Аллагъ, рукъесра балагъ, хІярукъесра балагъ! Се баришара!

ГІяшли макъам зайбулхъан... Ши, тІабигІят, илди къаршибикес вягІдалабиубси мер. Пашманси далайла тІама...

АВТОР. *БархЕхъла замана. Ши цІябдешли кІапІбуцили саби. Тамандарили бархЕхъла хІянчурбира, халкъ чула хъулрази мерлабиубли, хъа хІянчурбази ахъили саби. Зайнабла неш Сакинат, ириъ хъайчи каратурси халал рурси Зуричи шадибгъунибарес рякъи, хъулир ругагара. Зайнаблис дурарухъес дигули сари, амма неш жявли чаррухъес асубирар ибси пикрили, урухкІулри, или биаллира, ил, чегъурли жагаси хЕвара, хъярхъли дурарухъун.*

Расул биалли, ишлизи ухІнайхъуси мерличив, цІелдубачилси къякъличив Зайнабличи хЕрли сай, амма ил чинаралра чериули ахІен. Расул ца сагІятличив имцІа хЕрли калун. Хапли Зайнаб, ургубала жайранван, дигІянали ганзрикІули, Расулла мякълар рагъарриуб. Вахъ разивигънили, Расулли гъай хъумартур.

РАСУЛ. РақІирив, гъари? Наб гъанбикиб, лярхІякъяд или.

ЗАЙНАБ. ВахъхІи хЕрли калунрив?

РАСУЛ. Шаладикайчира вираси калес, нагагъла ляркъни балули виасри.

ЗАЙНАБ. Нуни хЕла кагъар касира. Се бурес дигулрив? Се бетаурли?

РАСУЛ. Зайнаб, хЕла неш се рикІули? Нушаб къадагъарикІулив?

ЗАЙНАБ. РикІули сари, чис-дигара лугари, амма Расуллис шери хІякъяд рикІули сари. *(БекІ гІяшбурицу Зайнабли).*

РАСУЛ. Тяп илкъяйда бикІули саби дила бегІтира. Душмандеш, душмандеш бикІули, гІур селра буриси агара.

ЗАЙНАБ. Нунира ира нешлизи, ну цархІиллис шери хІякъяс или.

РАСУЛ. Нунира тяп илкъяйда бурира.

ЗАЙНАБ. Гъанна къанни саби, Расул, ваши хъули аркъяхЕ. ЖагІял икІ Хала къадализи къалтинти дирцес рурсбачил рукъес гІягІниси саби.

РАСУЛ. Кумек секІал гІягІнилив? Секъяйда архутив хІуни илди?

ЗАЙНАБ. КІел сари херти, архисгу секъяйда ардухаслира...

(Ил арилзан, Расулли аризахъес кумекбиру)

ХЕрқІиличиб чумал рурси къалтинти ицули. Илди ихтилатра бикІули бузра бузули саби. ЦабехІ далайбикІули саби, цабехІ булхъули саби...

П а р д а в

АВЭСИЛ АНЦІБУКЪ

Янила тІабигІят, гІяшси, паргъатси макъам.

(Зайнабли, улкъайла гъала карили, юлдашличи кагъар лукІули сари, таманбарили, ил бучІа).

«АхІерси Раисат! Сен саби хІела белчІуди? Ца дусла гІергъи таманбарили институтра, хІу хъули ляркъяд, ну биалли нешли ратхІературра ручІахъес. Расулра, ишдус таманбарили, унра шилизи узахъес вархъиб. Иличил къарширикахъесра къадагъабирули сари нешли, амма нуша дигІянали къаршидиркулра. Расулла нешла узи ХІяпизуллагъ дебали чІумали кайзурли сай, нушала ургар тухумдеш диэс дирути ахІен или. Нешла рузи ЖумягІли ишдуги малла левкуси сай маслигІятбарахъес. АхІерси Раисат, багъадри хІуни, сен къакъалил дила уркІи! Чис редес дигуливару ну дила нешлис? Сен ихцад Расулла жинс хІейгутил? Ил секІал нуни балули ахІенра.

Раисат, дахъал делкІаслира, анцІкарукъес асубирар, илбагъандан нуни гъанна кагъар таманбирис. ХІед дуги-бархІи гІяхІдираб, арали ратаби, хабар гІяхІси бикъаби. Саламтачил, хІу дигуси, хІела марси юлдаш, Зайнаб».

САКИНАТ. Зайнаб, аризидила рурси, хъайгІиб умудеш бара. ИшбархІи их ХІяжила ПатІиматла тухумти лябкъули саби, бикІар, нушачи, хІебакІили ихаб калаб сабину! *(Рургъес рехІрирхъур Сакинат)* Зулму ахІену адамтачибси? Се дигули гІурра лябкъутив ихди?

(Зайнабли кагъар дигІянбиру, касили бушкалара, хъалицІа умудирес рехІрирхъур, илзамана, чучил бархІел маллара кили, Расулла шайзибад тухумти лябкъян).

ПАТИМАТ. Асубирару адацІес?

САКИНАТ: ВегІла юртла унабурхІ ахъибси адам, нушала гІядат хІясибли, дуракаэс асубирусиди ахІен, адацІирая!

ПАТИМАТ: Арали ратаби, дила Сакинат, хъайзи баракат хъурабиаб хІела.

(МуцІурра хІяришбарили, цаибил маллани гъай дехІдирхъу).

МАЛЛА КЪУРБАН-ХІЯЖИ. Ягъари, хІурматла адамти! Сен гъатІи хІушани дурхІя-рурси гІязаббуркІутира? Бац-берхІиван цалис гІергъи ца башули чум дус ардякъив? Сен хъайчикабатес пикри агарсив хІушала?

МЯХІЯММАД. Нушала гъар-урла гІядатуниди хІясибли, нушала дурхІни цалабахъес хайрибирусиди ахІен. Гъарилли пикрибаралли, ил цІахси секІал саби. Бархъли бурасли, набчибад бехІбихъили, ил гІядат убасили хІейги.

МАЛЛА ГІЯЛИ-ХІЯЖИ. Села гІядатуниди дируттив 50-чир имцІали дус ардякъи диалли? Гъанна, гІямру ардукъайчи или кайзес асухІебираргу, МяхІямад. Гъанбикахъа, сегъуна гъабза вирил Зайнабла дудеш, хІяб шалабараб сунелану? Гъанна ил виалри, лерил хІушала суалти ирзи.

МАЛЛА КЪУРБАН-ХІЯЖИ. Вархъли викІули сай ГІяли-ХІяжи. Нагагъла ит адам нушала ургав левси виалри, цалра иш нушазивадси адамли гІядатуначила гъанхІебурши. ГІядатуниди дахъал лерти сари, амма ил гІядат, ил дебали къяркъсиди гІядат саби, жявилл халкъла ургабад убасес гІягІнисиди. Илдигъунти гІядатунани халкъ-ургар диги камдирахъули

сари, бархИиличи бархИи илди гьаладуршули, гьандиркахъули. Даширая, юлдашуни, ишбархИиличирад дехИдихъили, нушани ил гИядат убисехIе. Рахли илгъуна секIал гIур бетаалли, хIукуматла законтI дахъал сари, ирзу, секъяйда арзаллира.

ХИЯПИЗУЛЛАГЪ. Гъеч, пайдахIебирар! Секъяйда убисусив вегIла хала бегIтани кабихъибси гИядат? Се дикIулрая, гъари, хIуша?! Ил нушачибад сен бехIбирхъуси?

ПАТИМАТ. ХИязизуллагъ, малла адамли вайси хIебуру. Нуша диштIати сарра ишди маллубачир, илбагъандан, сабурбарили, ишдани бурсиличи лехIахъес чебиркур.

ХИЯПИЗУЛЛАГЪ. Гъанна хIу се рикIулри, даг се рикIади?

ПАТИМАТ. Даг се рикIасра, ишбархИи се бурасра, нушаб чебиркур маллубани бурси барес. АхIену, гъатIи, Сакинат? *(Сакинатличи дугъарилзан).*

САКИНАТ. Бархъли бурасли, нура разили ахIенра, риаслира, маллубани гIяхIил бала...

МАЛЛА КЪУРБАН-ХИЯЖИ. Иш анцIбукълизиб бетаурси селра агара. Гьаларла гИядатунI гIелар датурли, урши-рурсила гIямруличила пикридухъес чебиркур хIушаб. Урши-рурси се гIяйибла бегIти сабти, бедая пурбан!

ХИЯПИЗУЛЛАГЪ. ХIушаб дигута диркъеная, нуни пурбан хIелугас!

(Абхъили унзара, дураулхъан).

МАЛЛА ГИЯЛИ-ХИЯЖИ. Неш-дудешла пурбан биалли байбси саби. Гъу, Къурбан -ХИязи, сейкIуда хIу? ЦяхIнабирхъехIев нушала жагъти? *(Дугъаилзан Къурбан -ХИязичи).*

МАЛЛА КЪУРБАН-ХИЯЖИ. БегIтазира хъархIебаили цахIнабирхъехIе ишди нушани!

(Масхара буру. Лебилра дукарбирхIур)

ПАТИМАТ. Сакинат, уркIиличибси хIясадешра убаса, нушала дурхIнас гIяхIси гъайра бура, хIура илкъяйда рамкъурли камарилзад. ДурхIя-рурси нушани цахIнабирхъехIе, дурхIни алкIан илдала, лерил секIал нушази хъумуртахъу. *(Ил, гъамриубли, Сакинатличи хъябруциркур)*

САКИНАТ. Замана аркъян, лерил чула мерличи калзан. Нушаб бареси гIур агара. Маллубани пурбанбарили биалли, дила гъай агара. ТалихIчебти биаб сабину...

П а р д а в

ШУИБИЛ БУТИА

*Азурбала макъам...иш, дубурти, Сакинатла хъали, берклуми дирули
хIядурбикIути адамти...*

АВТОР. ИшбархИи Зайнабличи сукни лябкъуси дуги саби. Нушала гИядатунI хIясибли уршила бегIтани гелешмеш ураркъес ца гIяхIти секIал диухули бирар: кIунби, чIянкIи, мургъила ваяхI, палтурти ва цархIилти. Зайнабла рузи Зури, неш, нешла рузби – ГИязшат, Хадижат сукни лябкъутас хIядурдешлизиб бузулри.

ХАДИЖАТ. Сакинат, берубси диъ абуршусив, се баралли гIяхIси?

САКИНАТ. Берубсила хинкѝи дирехѝе, зярхѝси диъла плов бирехѝе. Хѝушани хѝеръая, се баралли гѝяхѝсил.

ГѝЯЙШАТ. Бахъал лябкъутив?

САКИНАТ. Нуни сели багъиша, чум лябкъутил?

(Берклуми хѝядурдали, бамсри ахъес кабишли лебли, унзализи къутѝдирхъу ва шел адам лябкъян).

ПАТѝИМАТ. Гѝяхѝ сагѝят бираб хѝушабра нушабра! Хъалибарглизи баракат кабихъаб! Жагъилтас варъаван мурити гѝямру дедаб! Жагати, арати дурхѝни акѝаб!

ХАДИЖАТ. Амин, я Аллагъ, аралѝи датабая хѝушара! Даширая, кадиирая!

ПАТѝИМАТ. Гъари, рурсби, дурасая ва чедаахъая нушала ваяхѝ.

ЖУМЯГѝ. Хѝера секъяйда нушаб Зайнаб дигахъулрал!

(Дурасили жура-журала палтар, чедиахъу).

САКИНАТ. Нушаб, дила Патѝимат, я мас, я давла гѝягѝнити ахѝен, нушала мурад урши-рурси саби ургаб балбикни саби.

ПАТѝИМАТ. Рархъли рикѝулри, дила Сакинат. Ваяхѝ – ваяхѝ дирар, амма нушаб дигуси нушала дурхѝни цабалги хѝербиъни саби.

ХАДИЖАТ. Гъари, урасая ваяхѝра, даширая къацѝли дукес.

ПАТѝИМАТ. Вай, Аллагъ, къацѝлира далхутирав нуша?! Гъари, даширая, се-биалра букехѝену.

(Итил хъули абицѝур, берклума бицѝибси стол-алав кабирар)

ПАТѝИМАТ. Чинара нушала къуймур Зайнаб? Сен нушачи дурахѝерулхъули?

САКИНАТ. Зайнаб, раши, салам беда хѝечи бакѝибти адамтази! Чина дигѝянрикилрив? Набчи сукни бакѝили хѝебиэсгу ишди!

(Зайнаб дурарулхъан, салам бедлуга)

ПАТѝИМАТ. Гъамрии, гъари, дила рурси, набчи, сен илцад уруз-хѝяцѝсири? *(Патѝиматли някъ буцили, сунечиряхѝ ритѝикѝу ва Зайнабла тѝуйчи тѝулека чергъу).*

ПАТѝИМАТ. Иш хѝед дила шайзибад саби.

(Ил Зайнабличи хъябруциркур, Зайнаб сунела хъули аркъян).

П а р д а в

УРЕГЭСИЛ АНЦѝБУКЪ

АВТОР. Мекъла замана чесабиули сабри. Дубуртазиб мекъ дебали шадли, разили дурабуркѝу. Дубурлантани мекъличир дахъал гъар-урла гѝядатунѝи чедиахъу: делхъ, далуйти ва берк-бержла къумурти. Амма дубуртазиб, гъаруш хѝедиалли, мекъ мекълизи халхѝебиру. Гъаруш чараагарли диэс гѝягѝнити сари.

МЕКЪЛИЗИБАД БУТѝА

АВТОР. *Расулра Зайнабра хъайчи кабатурли байхъала дус дикилри. Расул, унра шилизивад сунела шилизи шурухъи, учителли узулри. Бархѝиличи-бархѝи Зайнаблис дебали къяянбулхъулри хъалицѝа хѝердарес, сенахѝенну лерилра хъа духѝнарти, азбарларти хѝянчи дирес чебиркулри. Хъубеш нешлизи се-биалра алри, илини хъярхъли жаваб чарбалти. «Хѝянчи дарес хѝерирули риадли, сен шерѝи ракѝилри?» или. Ишдуги Зайнабли къасбарѝиб нешличи*

буркъунза рукъес, сенахѐнну гъар дуги илаб лебилра унруби чукурбиркулри, чула хѐянчурбира хили сабира. Илаб сяхѐбат биру, далай бучѐла.

Расулла бегѐтала хъали. Тахличи кабиили илала бегѐти. Сункилаб бетѐу балишули Зайнаб. Патѐиматра Мяхѐяммадра ихтилатбикѐули кабиилри.

ПАТѐИМАТ. Зайнаб, мурт садиутив хѐела хинкѐи?!

ЗАЙНАБ. Расул хѐерикуйчи вакѐес замана биухѐели адуршис.

ПАТѐИМАТ. Гъанна ил вакѐайчи гушли кадиэс гѐягѐнилив?!

(Зайнаб балкойчи дураулхъан, рисули сунези сари гъайрулхъан).

ЗАЙНАБ. Се бирусив гъанна нуни, секъяйда бурусив Расуллизи, наб къиянни саби или? *(Ил балконна улкъайла гъалар рахъхѐи рисули кавлан, гѐур жирикѐуси хъубеш нешла тѐамала иргъу)*

ПАТѐИМАТ. Ралкъаи, хинкѐи адуша! *(Муруйчи румѐакѐили гъайрулхъан)* Бархъли бурули саби халкълизиб, дигхѐейгуси адам сецад къайгънабиркъаллира ил дигахъес хѐейрар или. Наб гъанбирки, рурси гѐяйибла регѐ ахѐен или, нушала уршила хъунул сари, нушаб дигахъес чебиркур или, амма ил секѐал барес дебали къиянни саби. Дила Зайнабличи гъимидулхъули сари. Хѐебалас секъяйда нуша дарх хѐердирутирал. Вахъхѐи агарли виштѐасира алкѐан, лерил хѐянчира набчи чекадиркур.

МЯХѐЯММАД. Биуб, бетаур нушала хатѐа. Гъанна селра барес вирхѐейрар. Бати дурхѐни паргъатли! Хѐези нуни бурулра, диргаламарикѐуд!

П а р д а в

ВЕРХѐИБИЛ АНЦѐБУКЪ

АВТОР: *Расулла виштѐаси алкѐан. Илис Жамал бирхъу. У бедлугуси замана илдала хъулир дахъал къалмакъар детаур. Расулла нешлис дигули уррухъун дявлизивад чархѐевхъунси сунела узи Гѐялила у бедили, амма Расулра Зайнабра иличи къабулли ахѐенри.*

ПАТѐИМАТ. Дила узи Гѐяли дергълизивад чарухъунси ахѐен, наб дигахъаси илала у бихъили.

РАСУЛ. Неш, урши нушала ахѐену? Ил варкъибси неш лергу, илини сунес дигуси у бихъес асубируси ахѐену гъатѐи?

ПАТѐИМАТ. Гъанна хѐед, дила урши, хъуна кѐана чебасес дигусигъунари! Сен хѐу иличи лехѐихъусири, хѐела бегѐтачи лехѐихѐейхъули?

РАСУЛ. Сенахѐенну, неш, Зайнаб дила хъунул сари, уршира нушала сай, ура нушаб дигуси бедлугехѐе.

(Ил къалабали хъуливад дураулхъан, сунела хѐянчиличи аркъян)

МЯХѐЯММАД. Эй, адам, хѐези нуни чуйна бурусив, дурхѐинас диргаламарикѐуд!

ПАТѐИМАТ. Гъанна хѐура илдачил вархикилрив, кѐатѐа катѐунси мерларад дашути шин къяйда? Жамал, Жамал! Чинад бакѐибсив ил у?!

(Гъимилчил хъулирад рет-садрулхъан, къяшмала гъалаб балбикѐисиличира четяхѐрулхъули).

ПАТѐИМАТ. Се саби ишди гъаннала хъунри, хъубеш нешличи лехѐихѐейхъути!? Секѐал барес ва бурес хѐебалути!

ЗАЙНАБ. Неш, хѐу илкъяйда гъимрукѐеси селра барили ахѐенрагу нушани.

ПАТИМАТ. Неш, неш, села неш саррав хЕед ну? ХЕела неш ца аХЕену?

ЗАЙНАБ. Неш дила ца сари лерси, амма нушала гЯдатуни хЯсибли, мура нешлисра неш викЕес гЯгИниси аХЕену гьатИи?

Неш или ну дугьарилзули дигХЕйгули риадли, гГур нуни или хЕйрис.

ПАТИМАТ. ХЕерагу ца, далули дурести! ГЯдатуни, гЯдатуни! Илди дихУси риасри ну, хУи иш дила хУули ляркУси аХЕенри. Нуни хЕед дарибти макроличилра шакриркули аХЕенрив? Эй, хУни хЕргУулрив, дила дурХЯ багъандан сарригу ну мекъ барес разирикибси, хУу багъандан аХЕенрину!

ЗАЙНАБ. Се дирутив гъанна илди гъай дурили? Дуракаэс секЛал дигули хЕериши? *(Сирилизид гардрикУули).*

ПАТИМАТ. Ил баресра набзиб ихтияр леб!

ЗАЙНАБ. Или биалли, ну хУшачирад аркъяс ...

(Ил замана, абХъили унзара, унра хъунул Муслимат рухИнарулХъан).

МУСЛИМАТ. Се бирулрив, ПатИмат? Сен дебали гымрукИлри?

ПАТИМАТ. ГымхЕвкИаХъили валтулив гъаннала хъунрани?!

Иш нушала Зайнаблис нушачирад аррукъес дигули сари, хИянчи дахъал сари рикУули сари.

ЗАЙНАБ. ХЕед цахли аХЕену, неш? Ну аХЕенрагу аркУуси. ХУуни аХЕенрав дуракайуси? Вай, цахдеш! *(ДяхИ кИанИдурицу).*

МУСЛИМАТ. Се бетаурлив хУшала ургаб, сен гъузгъалдидикилраря?

ПАТИМАТ. *(РетулХъан Зайнабла къаниличид, ибХъу, ваяхИ дурайсу ва Муслиматлизи чедиаХъу)* ХЕеръа ца, цалра секЛал адамлагъуна лебу ишаб? Ихгъуна масра хили шери раКлибси сари иш *(Зайнабличид тГул чебурицу)* Лерил – гЯгни! Адамлагъуна мас хили раКладри хУу шери дила уршилис!

МУСЛИМАТ. Ягъари, ПатИмат, талихИ илди ваяхИлизиб аХЕенгу. Цалис ца къабулти адамтас диргаламарикГуд, хЕед бунагъ биурну!

ПАТИМАТ. ДиргалахЕйкИули валтулив илдани? Хъулиб хИянчи барес дигули аХЕен.

ЗАЙНАБ. Се хИянчурби дарес рирусира нуни? ВиштИаси акИайчи хУшаб хИябра хИянчи дарра нуни. ХЕед дигулри нуни авлахъла хИянчи дирули. ВиштИаси уршира вархъатурли, авлахъличи рашес гЯгИнилив наб?

ПАТИМАТ. *(Гъимиличил сириличид ретулХъан, урши аХъурицу ва Зайнабла някъбази ведлуга)* Ма, ука хЕела ишра, хУура къалабали дила хъулирад дурарухъен!

МУСЛИМАТ. ПатИмат, хУу иш гъакИлис рархъли аХЕенри! Мабирид илгъуна секЛал!

КАЛИМАТ. Се бетаурли хУшаб, се тIама-гъама сарти хУшала?

Неш, диургу хУуни Зайнаблис дурутира дарибтира! Се адам саррив хУу?

ЗАЙНАБ. Баркалла хЕед, Калимат, хУу аХЕенси иш юртлизив дила урКли иргУуси ва набчи урКлецибируси чилра агара. Расулли селра балуси аХЕен, нагагъла балуси виалри, ца бархИи иш юртлизив каХЕевли.

(Уршира сарира дурарулХъан. Калиматли маслиГятбиру, кИанИрурицу, калаХъес тиладибиру. Чичилра лехИлехъили, Зайнаб аркъян).

МУСЛИМАТ. Гъари, ПатИмат, ишгъуна мерличир ну бикърили риубли хЕйги наб, нура аркъяс. ИшбархИи хУу рархъли аХЕенри. Гъанна хУуни ишавад дураушибси дурХЯ, ил хЕела уршила урши сай. ХУу пашманрируд мурт-биалра... *(Муслимат аркъян).*

П а р д а в

ГЕХІЇБИЛ АНЦІБУКЪ

БархІехъ хІянчиличивад Расул лявкъян. Къалабали хъули айцІур. Чебиу бацІси сири ... Ита-иша улхъан, Зайнаб или тІамадиру. ГІур нешличи ветулхъан...

РАСУЛ. Неш, чинаба дила хъалибарг?

ПАТІИМАТ. Нешличи арбякъун...

РАСУЛ. Се бетаура гІурра? Дила уршила у ургабикилив хІушаб? Неш, датаба нуша хІердиахъес.

ПАТІИМАТ. Нушала гъай бетаур... *(БекІ къухІбуциб нешли).*

РАСУЛ. Ну шакикІулри хІуни илгъунти ламартдеш дирниличи.

(Къалабали Зайнабла нешличи аркъян.)

РАСУЛ. Зайнаб, се бетаура хІушала ургаб?

ЗАЙНАБ. ХІела нешлизи хъарбаа. Илис нушайчирра мас-хазна дуили сари гІягІнити...

РАСУЛ. Се мас-хазналичила гъайрикІулри гъанна? Бура се бетаурал?

ЗАЙНАБ. Нуша хъулирад дуракаира. ГІур ну хІушала хъули чархІерулхъас...

РАСУЛ. Зайнаб, ну гъачамалра нешличи лехІахъирав? Нешличи сен лехІихъусири хІу? БелчІудила дус кабикайчи яхІбирехІе, раши хъули.

ЗАЙНАБ. Ишар кавлас ну иш дус кабикайчи...

(Расул вамкъурли хъули чарулхъан, нешличи дугъаилзан)

РАСУЛ: Неш, наб мурткІал гъанхІебирки хІуни илгъуна секІал бирид или. Баркалла хІед, дила уркІилизи илгъуна дяхъи барнилис, дяхъи барилицунра хІебатурли, иличи зера писдаради.

Ишдус кабикайчи яхІбирис, гІур дила хъалибарггра арбукили нура, аркъяс. Нуша шагъарлизи гечдирехІе, илабра къацІла кесек камхІебиэс...

Багълати агурби, шагъар, шагъарла къакъурби, урхъу...

П а р д а в



НОВЕЛЛАБИ

Ибрагъм
ИБРАГЪИМОВ



ГІЕБШНИЛА ЦА БАРХІИ

Савли канила мискин-мискин яшавра барили, ХІяжибег общежитиелизи-вад дуравхъунХели, илала кисалар калунти къуруш сарри. ИшХелла ГІямрула тІалабуни пикрилизи касибХели, ил къалли халаси давла аХІенригу, гъамли стипендия луга или, сунени сай паргъатра варили, урши къакъакад ватихъиб. Мурталраван киосклизибад нешла мезла газета асиб, се лебал пикри битІакІеси или гъаргбариб. Юх, белчІес валкъХеур.

– ХІу нушала валанри? Хашкелди? – зяГипсилагъуна назикси тІама чехиб.

Гъести ГІямрула, хІябългІунси муцІурла вегІ, ургабси ахъдешла, левилра дяхІигъуна хІяндешла сирисли кІапІварибси мурул адамли някъ гъабатур. ХІяжибег, някъра цацаІабарили, пикриухъун, аммаки ил дарган адавзи чи саял гъаникахъес хІейуб.

– Инжитмайруд, узис ват, хІуни ну валуси аХІенра: наб ХІясан бикІар, Критик ибси чеура лебси саби, – тилхъавсиван гъайухъун ил, цулбазибад умубиубси къакра гъаргбирули, гурдалагъунти хІулбира ца ГІяжаибсун лявличил лямцІдулхъахъули. – Агъ, дила узи, бахъ дигахъис къалли газетала гъалмагъуни, нугъунти къаламла юлдашуни, хІугъунти ГІядатла бучІанти... Газетали багъахъур хІу дила рухІла адам виънира. ВегІла миллатла адамливан ГІяхІил гІур чили вирара уркІи аргъес? Вашигу, циила цашалдиркеХІену...

Илди киоскла ГІела, бет-садбулхъути камихІи, битІакІиб.

– ХІянчила къанирули хІейиши рахли?

– Юх, ну узуси аХІенра, адавзи, гъачамлис учІули левалра, байхъала сяГІятла гІергъи занятиеби дехІдирхъути сари, – иб ХІяжибегли, селра-декІар хІергъули.

– ГІяхІна, ГІяхІна, хІебиалли, уркІигъаргли гъайухъес вирар. Институтлизив ургуд?

– Сайра, кІиибил курслизив.

– Учитель ветаруси хІейиши?

– Сайра.

– Дебали ГІяхІси, узис ват, дебали ГІяхІси. Дила гъанбик бархъли уббухъун...

– Сегъуна гъанбик? Се саби гІяхІси?! – гъачамличив гъачам тамашаирулри ХІяжибег.

– Нура учитель сайра, дурсрира кадирхъути сари, дурхІнира дигахъути саби. Бархбил, гІергъиси замана имцІаливан литературализи ахбилра. Набчиб гІяйиб агара... Се биру, ил санигІят набзиб чедибикиб. Валлагърагу, чедибикиб... Чина хабарри наб? НукІун канилаб нешли пагъму гибси литератор калира. Илра хІебалира. ГІеббуриб, гІяхІти адамтани гІеббуриб лукІахъес, жузас критика, рецензия, отзыв, царил журала пикри... Гъайла къантІа бархъси къимат! ИлкІун гъанна гІебализиб буребаванра баргес гъамадли ахІен. Чинаралра – къунби, гап-чяхІ! Умуси критик – ца игъбарагар иш ну! Гъеллелей, ца хІуни делчІунси виадри дила белкІани! Марли, цалра гъанхІебиркулив?

– ХІебалас, адавзи, хІуни гъандушадли...

– Гъу, ит «Бархибси роман», ит «Назмучира назмучила гъудурмайра»... ГъанхІедиркулив? Ит «Драмали кабушибси пагъму» бикІуси къалли белчІунри ургуд?

Уршили иш гъакІлисра селра бурес хІейуб.

– Сепайда, нахІа дила гъайра дацІтиван детарули сари...

ХІяжибег хІелуси адамличи вас-васъайчил хІеризур. Илини цагІяхІил литература балусири, жузира делчІири, аммаки ХІясан бикІуси литератор сеналра гъаникахъес вирули ахІенри. Я лекцияби дучІути сунела мугІяллимтани илгъуна гъачамалра гъанхІевшиб. ИлкІун буэс, илала чедила куц-бекІра литературализив узуси пагъмукарлагъунти ахІенри. Ца базра-сера дарсХІедарибти палтарличи нясдешла лямцІ чеилри. ДяхІ-някъ бирцили гІянчІбакІибси, амма итулахІебарибси хІеваличи мешулири, къакъла гІела дигІяндирулихъар, замана-замана, сунела хасият биинину, тІирхаили ахъдурцути тІулбачир къицХІедарибти цІудара нукуби булан чедиулри.

– Иши гъуни-гъуйчив гъайикІес гъамадли ахІен, вашигу, ит кафелизи адицІехІе. ХІура савли уки хІергуд, – илира или, селра бурайчи я къаршидеш дарайчи, илини ХІяжибегла шалкІубад някъ буциб ва сунечил варх ватихъахъиб.

– НабкІун гІядабли саби челукъусиличила бурес. Я хІебурес гІямал агара. ХІу савли укира викІуду? Гъу, хІебиалли, набра селра хІейги, ну къалли савли бекІлил укусира ахІенра. Ца ит пивола-мага бержалли ахІенси.

ХІяжибег кисализив халтІухъун, лебси арц дурасиб.

– Пиво сегъуна бужада, адавзи?

– ХІед дигуси аса, узис ват, наб декІардеш хІебирар: нуни бужра бужуси ахІенгу, ца ити, ил хІугъуна гІяхІси юлдаш цугикалли яра лукІутани бекІ жургъбухъахъалли. Агъ, цацахІели инжитирулра ишди писательтани! Илдани селичила-дигара лукІули саби, шинкъя-къалам акъули хІедатес багъандан. Пикрибарагу, ца ахмахли роман белкІи сай пулан хъунул адам, хъалибаргра лайбакІили ГІярус ятличи гъаррухъниличила, илар ил ца капурлис шери рукъниличила, гІур биалли, илала мурул гІергъиикили, ил карушниличила... Валлагъ, се-дигара мехІелизи абицІули саби илди байтармантала. Сепайда гъатИ!

Гъанагарси тянишли пивола бержили таманкабариб, пиволи белкъи шинкІабиубси супел хІяршбариб.

ХІяжибег сабурагарли сягІятличи хІеризур.

– Иргъулра, дила узи, иргъулра, хІу къалабалири. Биалра сабурбара, гъанна бурис дила мурадра, гъанна гъайикІесра наб гъамадбиубли саби... Эллелей,

се-дигара бетарули кьалли адамличил! Вирхаи, се-дигара! Чина гъанбиркуси-ри? АнцІбукъ биалли ишгъуна саби... – ХІясай, утара гъамбарили, левгІев тянишси узи-уршиливан ХІяжибегла хъацІарличи някъ кабихъиб. – Ну шагъарлизи ца базлис повышениеличи вархъибси учитель сайра. Даг повышениера, саби цІали биг, таманкабиубли, маршруткаличи айили, шилизи чарулхъу-сиригу, гъангарси анцІбукъ кахІебикибси биалри. Арцра документунира лерси мамужник, шакра хІейкахъили, илбисуна бигІун. Чула ахир пучбиарти! Шагъарлизиб бахъал балу-бирхути лебгу, илдачи гъачамлис дугъахІейзурра. ХІу къаршиикири. ХІечи, дила узи, дирхалабихъира... Тухум-агълура агара. Гъала-гъала полициялизи укъес пикрибарира кьалли, дахъ-дахъал авара дегтарули сари: хІунира балад, бехІбирхъур илди сен, чинаб, мурт, се багъандан или. ГІягІниагарти хІисаб-суалти, протоколти... Гъайла къантІа, илдани адам тІягІямагарси агиличи виркахъу. Наб шилизи ваэс кам-гъамси арц баибси саби. Нуни чилалра ламус мусиб хІебалтас! Валлагърагу, хІябкали чарбирис! Сецад цІахбилзулихъар, хІечи дугъайзес чебуркъубли саби. ХІу чевверхи, рахли кумекбарес виадли...

– ВяхІ! Илгъуна тиладиличил дугъаизни цІахдеш ахІен, адавзи, – викІар ХІяжибег. – ХІечил бетаурси набчилра бетаэс асубиарар. Дилара шагъарлизив чилра левси ахІен.

Ил кисмазив халтІухъун.

– ХІед шилизи ваэс сецад арц хІяжатли?

– ХІябдарш къуруш даибти сари.

– Чевверхи, адавзи, дила илдицад агара. Ишди кІидарш сари калунти, – уршили пиво асили калунти арц илис гъадуциб. – ХІу къалабали хІейадли, барх бучІути дурхІназирад сайсис...

– Вари, вари, ишдачибра ца гІямал бариша, хІедра гІягІнити сари, – ХІясай гъадуцибти арц хапдарили михъирла кисализи къужкадариб. – Стипендия лугуси саби викІуду?

– Лугуси саби... Нуни гІямалбирис...

– Баркалла, баркалла, гъабза, дила игъбарлисван къаршиикибсири, гІяхІси урши. ХъумхІертис, валлагъ, хъумхІертис хІуни барибси! ХІед нуни хІябкали чардирис. АхІмакъ урши уилри, хІела жан мургъили делкІ! Арали ватаби...

Илди кафелизибад дурабухъун.

ХІясай шалкІубад блокнот дурасиб ва, ХІяжибегра камси арц багъандан гІягІнили ахІен викІахъули, адрес белкІун. КІелра някъли някъ цІацІабариб, сунела михъирличи хъат чебуцили, икрамбариб, гІурра баркалла багъахъур, тѧп лотереяла билет гъарбизурхІеливан хІулукІили, ил автостанциялизи бихуси къакъакад хъура-хъурали ватихъиб.

Арц кадерхурхІели, кисалаб дягІ бумхІули бикІар. ХІяжибегла кисалаб гъанна дягІ ахІенну, гъарли-марси бурямра бухъири. Илала цацабехІти белкъ-унтала дурхІналаван сахаватли харжикІес даража аги. Даража-декІар чинаб биэса ятим-ялгъузли халакаибси уршила. Ил шел дусра хІейубли, машина ругъяхъили дудеш вебкІилри, нешла цадехІ някъбачи хъарти ХІяжибегла дураб кІел никІа рурсира лебри. Пенсияра школализиб уборщичала хІянчилиси лугуси камси алапара – ил сабри илдала хъулибси яшав. Неш халаси яхІла хъунул адам руилри, наб учІес хІейги, неш, ну узес аркъяс или тІяхІикІахъули, илини урши, школа таманбарибмад, учІахъес вархълри: «Вари, абас ват, набчила къакъамайкІуд, ну бажардириркус... Аллагъла икъайчибли хІела рузбира

къяшмачи кабалтас. Наб хІу учІули дигулра, хІед селра камхІебирахъис ну ми-
цІирли лерай. Вари, учІен, багъуди каса, гъар дигухІели белчІуди хІебирар...»

Илкъяйда ХІяжибег студент ветаур, хъалибарг пикрилизи касили, илис
общезитиера бедиб. Илала дугели заводлизив узес къас лебсиригу, дучІути
дахъал лерри, кІиибил курс таманбиайчи бетхІерулри. Нешли илис базли
гъачам кам-гъамти арц дурхъулри, арцличир дахъал кагъарлизи насихІятунира
дарх делкІи: «Вари, урши, духули вяшикІен, шагъарлизив вегІлис дигута вир-
къес асухІебирар. Нуша мискин-пякъирти диублихъар, чилалра ласмуслиур
кахІелунра. Я хІу маркуд. Учителъгала хІурматбирен, шадиб-гъундурира дахъ-
мадирид. Я хІугъуна дурхІяла чебла мабирид, гъачам чебла барадди, гІурра
барес дигахъид. Илгъуна адам биалли хІурматагарируси сай. Балулра, дила
урши, хІедра царилталагъуна телефон биахъес дигулри. Нуни пикрибирис ил
секІал. Гъамли пенсия лугуси саби, телефон асахъес бурхъис. ИлхІели унра
Хамисличи зянкъдирхъен, иличи гъарракІес рирус, дила хабуртира дурес
рирус. Вари, духули вяшикІен...»

«Агъ, дила аба, гъачам делкІи, гъачам дуризира хІела гІякълума нуни
иргъути сари, – викІулри ил сунези сай, гъар кагъар белчІунхІели, сенкІун
кагъурти кайсути студентунира бахъал хІебири. – Дигахъид къалли гІашхІе-
ризурли гІерругъес. Телефонра наб хІяжатли ахІен. Ил сабив нушаб хІебиуси?
Гъаман набчила сен къакъарикІусири? Рузби къяшмачи кабатес пикририкІен.
НукІун гъанна хъяша ахІенра, нуни дила яшавра бирис. Селра камхІебирар,
гІур хІедра кумекбирис...»

Лекцияби тамандиубхІели, ил общезитиелизи къалабахІейки, хІядурикІес
паркла мякълабси библиотекализи ваши. Илар общезитиелизиртигъунти
тІама-гъама аги: лехІдеш ва ряхІятдеш сарри.

ХІяжибегли ил бархІира, дурсрачи хІядурикІули, библиотекализиб бер-
кІиб ва бархІехъ хъули чарухъес гІягІнили биъни аргъиб. КІелра шайчибад
акацияла галгубанира шиниша къарла къалтиннира жагабарибси парклизибси
къяшла дякъкад ил ваткайхъиб. Маршруткабачи камли вири кайрусси, обще-
житиелизи гъарахъли ахІенри – байхъала сягІятла гъуни. Илала дурабадра,
дигахъи илис, жура-журала пикрумира садирхъули, шагъарла къакъурбикад
къунзикІес, шалгІердулхъути машинтачи, итарра ишарра ранг-рангла чиргъ-
мачил думхІути тукентачи, ахъти юртаначи хІерикІес. Ил бархІи илала гъав
гІяхІилри, хІятта гашили дугила беркала гъанбиркахъули биалра: гъу, селра
хІебирар, общезитиелизиб юлдашунала се-биалра чІямбареси камхІебирар...

Гъаникиб илис савли къаршиикибси ХІясан. «Учитель, писатель, критик...
тамашала адам леври, сунес сай гапикІес дигусигъуна. Чини бала, чи сайрил,
– гъинчІизур ил. – Секъяйда разиубал, сунела мурад бетаурхІели, нуникІун
хІелуси сайри. Илис камсигъуна кумекли дила уркІира ванабариб. Виубара
ил шилизи ваэс? Нуни дедибти арц къалли камти сарри, гІурра чизирад-би-
алра сасиб ургар. Гъанна хъулив виалли, сунела хъалибарглизи, гъамтази
набчила гапикІули ургар, леври ца итгъуна ахІмакъ урши или, илини дила
мурад аргъиб или... ГІягІнилив, гъари, дилакІун халаси кумекра хІебиуб,
къалабакира, варх институтлизи арукибси виасри, илис даари арц даргес
виусири...»

Парклизиб бамсриихъути шагъарланти сабемцІурлири. Илаб лебри акъули
бет-садбашути, скамейкабачи кабиили ихтилатбикІути, бархІехъла гъурше-

шличи хІерхІеили, шахматунала хІяз бемжахъурти, цалис ца гІергъибулхъули хІязтабиркъути дурхІни.

Рахли ХІяжибегла хІулби дякъличибад гъарахъли ахІенси къялуби деръубси акацияла галгаличи дархъдизур. Галгаличира ахІенрину, къакъра ибкъаили, илала уди ванзаличи кайибси адамла къаралдиличи. Ил тянишсиван кайзур ва, вахъхІи пикрихІейкІули, гъамиуб.

«ХІясан! ВяхІ! Ишис се бетаурли? Сен ишавси? ИлкІун жявлил шилизив визс гІягІнилири?» – урклухъунси ХІяжибег. Се бирусил хІебалули, илала мякъла гІашизур. ХІятта ит саяра ахІенара или, ташмишра валли ухъун.

ХІясан савливан ахІи гъатІира варсиублири: къядгалаван чирхъдизурти гъезличил бекІ михъирличи гачбикІулри, дяхІ-някъ няслири, дубшарад шутри жугъдухъири, низамагарли тІинтІдарибти кІелра къяшла урга чирча кабикири. Ахъси хухла агили ил таманни ускаи виъни якъинбиурли.

ХІяжибегли гъамиубли хъуцІарлизи къуждариб.

– Адавзи, ХІясан?

Илала бара-бара бекІ шикъбухъун, мехІурлаван хІулби кІайдизур. Урши илизи кІинайсра жиухъунхІели, хир-хирбикІуси тІама чехиб:

– Се гІягІнилири?!

– Адавзи ХІясан, ну хІелулрав? ХІяжибег сайра. ХІед се биубли? Сен иша кайхъунсири?

– Вашен гъалавад!

– Се?!

– Вашен!

ХІяжибегличи загърулагъуна гягІ гъигъбухъун. АнцІбукъ селизибрил гІячихъбиуб...

– ХІязлис, урши, инжитирусири. Ил держлукъ гъар бархІи нушани илав чейуси сай. Вати, пайда хІебирарну, – иб, мякъла гІашризури, ца хъунул адамли.

Ардякъун бурхІни. ХІяжибегла пикрумазив вахъхІи увхІейцІули калун сай виргІяиргибси гъести гІямрула держлукъ. Заманала, инса дагърилизирад урла пикруми бушкай хясаван душкубли, детихъахъуси гъунар лебси саби. ХІяжибеглира ил анцІбукъличила хъумартур: хІябъибил курслизи ваибси илала къайгъни итира даари лерри.

Гъачамра гІела гІебшнила дяргІибти забли чахъбикІуси бархІи ил, хъяб-цІари ахъбуцибси гІябализи бекІра дигІянбарили, общежитиеличи гъамиуб. Гъалли ганзухъла мякъла ваибхІейс, иличи зягІипсилагъуна назикси тІама чехиб:

– ХІу дарган ахІенрив, узис ват? Ца пивола хІейсиду?

КІАЛТІА БЯЧИ ГІЕРГЪИ...

Муруй савли зянкъдяхъиб. ЛутІи-лутІили ца дус Вайсул Северлизив набтла буругъуназив узули сайри. Яшав барес или ялчнад вякъунсири. Айбикази ил бархІи сай шилизи чарулхъниличила, гъарбизурси архІяличила ва чус ахІерси марзла урши МугІид чеэс карцІли виъниличила ца-хІябал гъай дуриб.

Ил хабар аргъибси Айбикала някълизибад, рахъ уркІрухъи, телефон кабир-кули бара калун, гъанагарси хабарли илала чарх мерсли юртван зерзербариб, уркІи къацІурцли буцибсиван бетаахъур, гъигъ барцбикахъиб, алавчар дунъя

цІудар–цІяббууб, ва, кахІерикес или, мякълабси уталичи гугрииб: «Чарулхъ-ули сай, жан аллагъ. Се бирусив? Чина риркусира? Рирусу ну гьаларван мура хІулбачи хІеррикес? Гьаларван ванали гьайкарухъес? Цахси! УряхІси! Вайсулла гьала тІашризес леррав? Агъ, дила аллагъ, аррукибси риасри хІуни ну, набчи иш бархІи бакІайчи... Сен-сен дигІянбариша муруйзибад цахси анцІбукъ? Рирусу къяна бурес? Рирусу селра хІебиубсиван иличил гІямру даимдарес? НукІун макру-гІямултачи бурсириубси ахІенра. ДигІяндеш гьеч уркІилизиб хІербарибси ахІен. Рирусу нуни ил секІал барес? Цахдеш! Цахдеш! Карушаба, ребкІахъаба, жан аллагъ!..»

Айбикани улкъайла къасиличиб чумал папрусла къандакъличил сунечи вякъбизурси палдапис чебаиб, гьаргала арбухиб, азбарлизи къандакъунира лайдакІили, бирцили къасиличи кабихъиб.

«Хъулиб цалра лишан, цалра убагарси ишарат калалли, ил шакиркур», – къакъар-акІили Айбика хъулир саремцІур. Буруш-гІянала дарсдариб, хъали ибгиб, кам-гьамти ваяхІ чула мерличичи кадихъиб.

Ил шила тухтур рурси сарри. ХІянчиличи дурарухъес замана баилри. Урши МугІидра чеваргъахъили, ясли-анхълизи арукес гІягІнилири. Гьеч гьанхІебирки илис, хІябэсил дус хъаллариубла, Вайсулла уршила неш ретаурла, хапли илгъуна хІяйчи риркур или, хапли муртрил ахІерси муруйс илгъуна ламарт биру или. ИлкІун Вайсулла гьарил зянгъличи хІерли рири, разили рири, сягІятунадли тІашхІеризурли гьайрикІи. ХІера, ил гІегъиси зянкъ. Мурул хъули чарулхъуси хабар. Ил илис урехила хабар сабри. Урехира ибхІелира, чархла биркІанти къябудахъуси.

Шифонъерла унза абхъибмад, Айбикас хІулбази хІянзанзи къизбикунхІеливан бетаур: дурхъаси харала кІаналичи хъямрикун, гьянчІбарили чІябарличи лайбакІиб, гІур илмадан хапбарили кІанара, дурарухъун. Азбарла гІямзилаб цІа бикъур ва кІана цІаличи лайбакІиб. Алав-гьалав хІерризур ва, папрусла къандахъуни чедаили, кІайризур: «Тамай мехІур-риублирагу? Илдира азбарлизи лайдакІили, паргъаткариублира... – дучили илдира цІализи лайдакІиб. Айбикала хІер ганзухъла удибси гІеладиклумала тІакъаличи бархъбизур: хъяб чІяртІаби чягъирла дацІдиубти шишни чедаиб. – Ил аллагъли кавшли садухибти загърула шишни сен ишар калунти? Илди ардухесра дила гІякълу хІебабгу?»

Шишни цализи ца дирхъули дибгІяндарили, гІур ардухили няскалкълизи лайдакІиб...

* * *

Гьар секІал Вайсул хъуливад дуравхъи хІябэсил баз детауртири. Дугели къун-збухъунси гІебшнила бурямли сунела асурти адамтачи даахъиб: чумал юртла хъулчри ардухиб, цунси рухъна Хазабала тавхана кабакахъиб. Колхозла фермала чяли заябариб, хІетІби ардухиб...

Зарал баиб Айбикачира: дягІли къябдарили шиферти ардухиб, жаняхІ цашайчибикили кахІебикили калун. Гьачам гьатІи бурям вяшбухъалри, илра кабикили бекІбирусири. ВегІла дард урхІла хІебирар бикІуливан, гьарилли чула мусибатуни гьунчидушиб. ЧІянкІли Вайсулла жаняхІ балаэс музаулхъуси аги.

Неш ребкІили цІуръали, халакаибси Вайсулла шилизив къакъбяхъеси чилра аги. Айбикара илини шагъарлизирад кибсири. Стройкаличив узухІели

раргибсири ил. Черайбмад гЯшикьиубли калири ва вахъИи арам-карамХей-кЛули, шери ракІахъес маслигІятбарилри. Айбикара, селра хІерикЛули, къабулрикилри: сен хІериркуси, гІур цалра хІура лерсирив или, сунечи дугъаХейзур виалли?

КъакъаракІили гъаргалар пикрумазирикибси иличи суал чехиб:

– Кумек хІяжатли хІебиэс, Айбика?

УркІрухъи къакъала хІерризур. Ил чула унра Къадирбег сайри, бардара някълизи буцили, дадкайзурлири.

Ахъси, кегІебси жагъил унра илини чуйна чеили риалра, чуйна илизи салам бедиб риалра, цархІилван хІисабраварибси аХІенри. Жагъдешла унабурхІ жявлил ахъибси Къадирбег хъайчикахІейилри. Наб ризси рурси гъачамлис нешли раркъили аХІен, викЛули, ца жавабра чарбирули, авараагарли хІерирурли. Аммаки мургъила някъбар хІянчизар сайри: дура шимази булан хІянчи дарахъес жирулри. Гъай-гІяйиб, баргибси напакъара цацахІели, бухънабаибти неш–дудешличи хІебаахъили, гъуни-гъуйчиб бержили таманкабирахъулри.

Сен биалра, Айбикас кумекбарес алавакІибси унра гІяхІхІейзур. Се биру, гІур музаулхъусира аги къалли?

– Сен лехІкахъилри? ХІед жаняхІ балаэс гІягІнили аХІену? – ца гІяжаибсун гъинчІра вилзули, сагали хъарбаиб Къадирбегли.

– Чевверхи, унра, чевверхи. ГІягІнили саби, гъайгъай, гІягІнили саби, – ахирра тІама дурабатур Айбикани.

Дахъал гъай хІедарили, бардара гъакІбирули, Къадирбег унрала азбарлизи ацІиб. ЖаняхІ сен-сен балаэс вирарал пикрибирули, папрусра алкахъи, азбарлав къузухъун.

ИлхІейс хъа регІра азбарлизи карацІиб.

– Жан унра, уркъли-мага хІяжатли дургар?

– Юх. Уркъли урла пайдаладарес виарар, ца-вещІал шифер тІалабдаралли.

– Жан гІямал, хъулиб ца къуруш агара къадин: урши ясли-анхълизи валкъаахъес харждарира. Вайсуллира гъачамлис арц дархъили аХІен...

– КъакъамарикІуд, хІугъуна унрас нуни селра мяштхІебирис. ДургехІе шиферра.

– Азир баркалла хІед: мурул чарухъунмад кІиркали чардирехІе хІела харжани.

– Селра гІягІнили аХІен, нушакІун унруби сарра...

Айбикани гІур дубхІехъиб, хІятта жагъил унрала гъай урхІмешуаХІенти диалра. ИлскІун селра буресира каХІелун.

ХІябэсил бархІи Къадирбегли жаняхІ таманбариб.

«Кален, гъари, хинкІи дирулра» рикІахъули хъа регІра, «гІурхІели, гІур пикрибирехІе» или, арякъун.

Айбика жагъил унрачи рахъхІи хІерли каХІелун. Ца бархІи бархІехъ Къадирбегли илала къапулизи къутІдахъиб.

– Эйхъали, лерраяв?! Асубирару?

– Бирар, бирар, ацІи хъули.

Хъа регІла уркІи бемжурси гІеналичибван сабри: «Улас, сен къанни вакІибси нушала унра? Шантани чеалли, се бикІара? НукІун шутІни-къун-бала хІеркІлизи архахъура. Марли, сунени барибси хІянчила напакъа сасес вакІилив? Селра гІягІнили аХІен викІусиригу. Адамти багъес гъамадли аХІен. Иличибад папрус-держла гягІра чебихули саби. Чини бала, ил къагъбиубси жа-

ниваргъуна жагъилла пикрумазиб се лебал? Гегудилис-мага чизирад-биалра ацра сасили, чебла ахъасли, хЛебалас. Вайсуллира арц дархъибси виалри...»

– Палдапис агарав, унра? Рахли ихтияр барадли, папрус бержес хИяздухъи сари? – хъарбаиб Къадирбегли, тят сунела хъуливван, дивайчи чИикъилтГули.

– Бирар, гъари, хЕед асубирар. Палдаписра лебхис: гъалаб муруйра папрус битИикГули вири, гъанна бархъбатурли сай.

– Ил гИяхИси саби, нунира мурт-биалра иш шайтИан лайбикИс.

Къадирбегли, чИябарличиб «рирр»-ла агира каили, машина гербируси МугИид хапварили сунела къукъубачи катур.

«ХЕед се дигахъида, виштГал багъадур?», «Дудеш мурт чарулхъуси?», «Неш цАакъли ригахъиду, дудешу?», «Вари, неш цАакъли ригахъен, илгъуна къугъаси гIур чилалра хIерургар. ХIугъуна нарт варкъес гIур чи исбагъини рирара?» – суалтала духемра барили, Къадирбег хъа регIла уршиличил их-тилатлизи ахъиб.

НикIа дурхИнас бахъ дигахъу къаллли халатани чучи пикри бяхИчаили. МугИидра унраличивси жагъилла дуклав разили хабуртази ахъиб.

ГИяхИцад замана шалгIеббухъунхIели, Къадирбегли урши ватаиб, ца чяйла бержиб.

– Айбика, урши ухъала катес замана хЛебаилира?

Гъанарси суай хъа регI уркIаибгу, жаваб чарбатес къалабарикиб.

– Дила МугИид жявли калхъуси ахIен, гъари.

– Гъу, селра хЛебирар... Черрерхи, унра, амма хЕед гIямрулизиб гъарбизур-сигъуна ахIен.

– Сен или викIуда?

– ХIу илгъуна къугъаси исбагъи, шагъарра бархъбатурли, иша раибси.

– Ишабра вайтIа ахIен, шан ретаурлира.

– Се леба ишаб? Дирихъми-дягIазир гIямру деркIес?

– Къисмат илгъуна бурги... Юх, ну пашманхIериубра.

– МарикIуд, хIела хIулбала хIерли гъар секIал дурули сари.

– Жан унра, мадурид илди гъай. Ну хъайчирси хъунул адам сарра. Шилизиб хIябрабегI къуймурти леб.

– ХIугъуна цалра агара. Аллагъличира, агара!

– Хабарла издагличи хIерли, хIу хъайчикахIейибси валанри?

– Илра бархъси саби. Нагагъладан ил хIугъуна, ил хIечи мешуси, хIугъуна малхIямси къарширикибси риалри... Юх, се саби, гъари, нуни буруси? Дунъ-яличир хIугъуна кIиэсил риэсра хIерирар. Ну мар-марли викIулра. Сепайда гъатIи, гIур хIерургар... Нагагъладан лерси риалри, ишдугил мекъ бирира...

– АсухIебирар, жан Къадирбег, илкъяйда викIес... Ну магъарла хъунул сарра...

Ахирра-ахир жагъил унра арякъунхIелира, Айбика, паргъатриэс хIерирули, гъанкI агарли гИяхИцадхIи калун. Илала хIулбала гъалавад ил жагъил уввилзули ахIенри. Арасагъси. Чарх-бекIлизив сунела мурулван ахIи кегIебси, хЛебла берхIиван малхIямли ва ванали сунечи хIерикIуси, гIяшикъиубси.

«Илкъяйда бирусив, гъари? – хъаррикIулри сунези сари. – Се баргиба ил абдалиубси жагъилли набзиб? Сен ил набчи хап-хабарагарли, тят пирхикIла чIалаван, аскIурси? «ХЕед гъарбизурли ахIен, хIуван жагаси хъунул адам дунъяличир гIур лерси ахIен. Нагагъладан ил хIугъуна къадаррирни баласри... ХIела жагадешли бац-берхIи дилшахъули сари...» – вай, аллагъ, сен

наб гъандиркули илини дурибти жагати дугъби? Белики, дила муруй, дила уршила дудеш Вайсурли, гъачамалра илдигъунти гъай хЕдурибхЕли биэс? Сен хЕдурибара Вайсулли илди гъай? Марли, илини хЕдалутив? Дила муруй-скун ну дигахъусира, цакъли дигахъусира. Цалра ванаси дев хЕбураллира, ну багъандан цализи тIяхIухъес хIядурси сай. Ил секIалра нуни багъурсири уршилис раибхЕли. Гъанбиркур, секъяйда гIянручI хапрарили, хъура-хъурали някъбачир районна больницализи раахъибсирил. МугIид дус виайчи мама бедес ахIи, набчи хъархIейкахъиб, дила гъанкI хЕбемцахъурли, дугила дуги сирила мякъла гугкайрули калун. Къудратла вегI аллагъ, дила чархла хIялани дарсмадирахъид!...»

Къадирбегли гъужумти даимдариб. Гъужумтира викIалли, халати чяхI-забла бамкъурси хIеркIла рамчанигъунти, гъалабизуни селизилра халхЕдирути. Гъар Айбикахъалачи лявкъухЕли, хъа регIисра илала уршилисра савгъатуни дихулри. Ляв-кIучIлизив, тиладлуми-бусравтазив гъатIира сахаватлири.

Гъачамра, дурес пикридарибти кадерхурхЕли, Къадирбегли иб:

– Айбика, хIу агарли нуни гIямру деркIес хIейрус. Вархъвати мурул... Гечрии набчи... Аркури гIеларяхI хIела шагъарлизи, талхъа рурсиван тахличир хIеррирури. ХIела МугIидра дила ветарар. ХIуша багъандан се дигара бирис... Селалра агри хЕбалахъас... ХIед нуни жан лугас...

– Диур! – сунесра хабарагарли ахъли тIама дурабатур Айбикани. – Диур мехIур гъай! Ну хIед дигайли къагъарибси хIехара рурси ахIенра. Наб дила мурул ваибси сай. Арукъен ишавад! Я гIур дига юртла унза-ганзи майхъид! Иргъулрив?!

Къадирбег уркIухъун. Хъа регIла сабур каберхни багъур. Камси манзил мехIурсван аъвяхъили, се ирусил хЕбалули, калун. ГIур биштIаси кроватьличив рахаурси МугIидличи хIерилзули, гIяшли иб:

– Иргъула... ГъанхЕбирки хIу илгъуна риъни. УркIецIи агарси, ряхIму хЕбируси... ЧехIейулрав? НукIун языкълира... Ну убкIулра...

Дурутира тIашаили, илини шалкIубад дурхъаси чягъирла шиша дурасиб, столличи лагбатур.

– ХIуни Айбика, дила уркIила тимхъ тIашаири... Биха стакан, тIашбизурси уркIира нура чарухъес хIейрус. Рахли ишди дармай кумек хЕбаралли...

НахIа иш мехIе дамкъурси жагъилли дила пикри аргъибсигъуна сай, бержили сунела бужусира хъули чарулхъан или, хъа регI гIибкъахIеризур. Столличи стаканра гIебкара кадихъиб, сарира, балала диндира бумхули, паргъатли карииб.

Гъай-май агарли ца стакан чягъирла бержибхЕли, Къадирбегличил тамай гъанагарси бетаур. Илала михъирлизирад гъар-гIергъили чумал симкъ дурадикиб, гIур ил виштIаси дурхIяван висес вехIихъиб. ДекIли гъигъикIули, нургъбазир хIулбира кягIяхъиб. Ца хIерлис иличи бяхIяэс агарси балагъ бакIили бургар или гъанбикеслири.

Хъа регIра паргъатли руэс хIериуб:

– ХIед се биубли? ХIу сен висулри?

– ХIуни дила уркIи бячунри... ЛайбакIибси стаканван бячунри. ХIуни ну кавшира...

– Дати абдал гъай, Къадирбег, паргъати.

– ХIейрус... Юх, хIейрус паргъатис... Ну хIуни ганзварира... Гъеч гъанхЕбирки...

ГІяхІцадхІи кІелра лехІкахъиб. Къадирбег паргъатиуб, бекІра гъакІ-гъакІ-барили, сагали шишаличи някъ гъабатур.

– Айбика, хІуни дила децІ барх бутІесалра хІериуду? Ма, ца иш хІунира бержа. Дила хІези бегІ гІергъиси тилади саби...

– Нуни бержибси ахІен, – иб хъа регІли, гъабатурси стакайчи хІеррилзули.

– Бержа гъари! Бара дила мурад... Илмадан ну аркъяс... Я гІур хІуни ну чехІейура...

– Нуни гъачамалра бержибси ахІен, – гІурра тикрарбариб Айбикани.

ИлхІели, стаканра кабахъили, Къадирбегли столичибси дис хапбариб.

– Ну викІуси хІебарадли, хІела хъулиб дила жаназа бирар!

Хъа регІ кахриуб: «Иш бекІбяхъли се-дигара барес асубитар. ЧехІейиду, сунес сунени дис михъирличи чебуцили сай. Ца Аллагъ, чебарбука набчибад иш балагъ?»

– Паргъатии, эй, абдал! ХІу вебкІахъес хІериус... – иб Айбикани ва сунела гъалабси стакайчи някъ гъабатур...

Гъанбиркулри илис, секъяйда гъала-гъала канилизир цІа алкунал, гІур илди цІа секъяйда хамхализи гІяйкадиубал. Гъанбиркулри, секъяйда бекІ жургъбухъунал, алав чейути хъа ваяхІ секъяйда ласдикІес дехІдихъибал. Багъла-багълали пикруми дехІсурдиуб: гъаб-уб хІебагъурси тІягІямла гъав саби-сабил чархла биркІантикад гІяйкабиуб.

Тамашала муэрлизибван илис гъанбиркулри, секъяйда сари къуватчерти жагъилла някъбазир ретаурал. ПялхъяррикІули, азадрухъес дигули, гІяшли цІумрикІули, аммаки селра барес ахъри агарли...

Айбика гІянручІ бархибси буршанир чераргъиб. Мякълав къагъбекІ унра Къадирбег аги. Сунела кроватличив савлила муриси гъакІлизив урши усули левалри.

Аргъиб Айбикани бетаурси анцІбукъ ва, бурушличи кариили, къутІкъули симкърухъун.

Юх, унра Къадирбег вебкІес хІейуб. Аммаки илини гъай къянахІебариб: я ил берхІи я гІур мурткІал Айбикани илала къаралди чехІебаиб.

Илини ши бархъбатурлири...

* * *

Вайсул хІери гІергъи хъули ваиб. Савгъатуна дямбизахъурси халаси сумка-ра хъуцІарличи чекахъили, азбарлизи ацІиб ва чебаибси суратличи хІякизур. Сагати шиферли жаняхІ кІапІбарилри: «Сари арараркъ, Айбика секъяйда бажардирикилил. Нуни аргъира бурямла зарултачила. Илини набчи зянкъра хІедяхъиб къалли? Заманаличир я арц дархъес бажардихІейкира...»

Вайсулли унзала чедибси къасиличи някъ гъабатур: умхъу гъалабван сунела мерличиб лебри.

Чилра агарси хъали илис бяргІибси гъигъличил гъигъбухъун. Айбика гъачамлис хІянчилар сарри, ашкарли, МугІидра ясли-анхълизив сайри.

Вайсул, бамсриахъес или, дивайчи хъарихъунгу, вахъхІи уэс хІейуб, харчизур: «Илдачи хІерли иши уусирав? АйбикалакІун иргъулра: бархІи ахъайчи ил тухтуртала хъулир кавлан, хІянчи бахъбатес бетхІерар. Урши гъатІи? Ил

чехлеила, ца дус шалгеббухъи саби, гъанна хІябал дус виубли сай. Ну ялч-над дураулхъухІели, илала гъайра селрацад кадизурли ахІенри. ГъаввикІус МугІидличи, разивирис, хъули левкис...»

Дудеш чеибхІели, МугІид вас-васли хІеризур, иш урхІла адам набчи сен вакІибси викІусигъуна сайри. ГІур «ну хІела ада сайра», «хІу дила урши МугІид сайри», «марли, гъанхІеркулрав?» ибти малхІямти гъай аргъибхІели ва гъадатурти някъби чедаибхІели, ил дудешличи кІапІикиб. Илкъяйда авцили Вайсулли урши хъулира ваахъиб.

– Дудеш, хІуни чебиулрив нушала сагаси жаняхІ? Къадирбегазини барибси саби, – азбарлизи баибмад, тІулра бетуцили, иб МугІидли.

– Нушала унра Къадирбегли викІуду?

– Ил гІяхІси ази сай: нушачи шадив вашуси сай...

– Ца хІеръагу... – викІар Вайсул, пикриулхъули, жагъил унра гъаниркахъули.

– Гъу, асирив наб телефон? – дудешла сумкалис алавулхъули, хъарбаиб МугІидли.

– Телефон? ХІед телефон се бирулри?

– Садиклизи набчил вашуси ГІямарла телефон лебси саби.

– Зянкъдахъили нешли бурибси риалри, хІед телефонра лебхира.

– НахІа гІягІнили ахІен.

– Сен или викІуда? ГъамукІили хІейиши набчи?

Сунечи гІяшиахъубли, уршили дудешла лихІилизи шивкІивбариб:

– АхІенра: дила телефон леб.

– Марли, викІуду? Чинаба?

– БиштІаси тІакъализиб леб, гъанна лебхис, – МугІид гІела хъули дуцІухъун ва, някъбази цацІабарили хІязла телефонра, чарухъун. Дудешлис гъабуциб.

– ХІера, иш... ГІямарлагъуна ахІен къадин, ишар илалагъунти хІязани агара.

– Гъу, селра хІебирар. ХалакаибхІели, хІед нуни бегІла дурхъаси исис. Илар хІед даари хІязанира дирар.

– Дудеш, хІуни чизилра мабурид.

– Телефонничила викІулрив?

– Сайра.

– ХІебурис, хІебуриси биалли... Гъанна хІед иш нешла савгъат баибси саби.

– Нешла ахІен, – тІама гІурра гІяшбариб МугІидли. – Нешлизи чебиахъуси ахІен.

– ГІур чила саби?

– Къадирбег-азини наб асибси саби...

– Къадирбег-азини? Ца хІеръагу... – иш гъакІлис, кІинайсра жагъил унрала у аргъибхІели, Вайсуллис шайзи дис хъурсбарибхІеливан бетаур. ХІязла телефоннира сунела тІулби игусиван кабизур, ва ил уршилизи чарбариб.

«Къадирбег, Къадирбег, – пикрумазиб ил у тикрарбиуб Вайсулла. – Нушала унра сен ункъли валулил уршили? Ну агархІели, дила хъалибаргличи ил зумали гъаввикІули улигу? ЖаняхІра сагабарили сай. Уршилис телефон пешкешбарили сай. Илди се пишни сари? Сен Айбикани илди хабурти набзи

хЕдуриба? Арц дархъаа рикІули, зянгърикІи, юх, илдигъунти хабурти хЕдуриб. Се бетаурли дила хъулиб? Дила кулпетличил? Аргъес гъамадли ахІен илди дарсешуни...»

– Къадирбег-азини наб дахъал хабуртира дуриб, дугели нушачив калунхІели... ХІуни хЕдалутив аждагъала хабурти, дудеш?

«Нуни се иргъулра? «Дугели нушачив калунхІели...» – викІули сай урши»,
– Вайсулличи къанниван баиб уршила гІергъисигъуна суал.

– Нунира далути сари хабурти, дила МугІид. Аждагъуналара, вагъигуналар лерилра далути сари.

– ХЕбиалли, ишдуги хІуни набзи дура: Къадирбег-ази ляхІякъян.

– Сен хІякъуси? Илала хабурти кадерхурлив?

– Къадирбег-ази гъимукІили сай.

– Сен?

– Неш рисули лерри... ГІур нушачи мякъяд рикІули, иличи черарухъун...

– ГІур се пешкешбарива ил «гІяхІси» азини?

– Дахъал секІал: къампетуни, чипсани, марсани... Нешлис кІанара сабухиб. Дудеш, хІуни чебаадри, ил сегъуна жагаси сабрил. Юх, нешли чекабурцули ахІен. ХЕд чебаэс диагалли, нушала хъулиб лебси саби...

Дудешли селра бурайчи, МугІид гІурра гІела хъули дуцІухъун. Вайсул кІайизурли левай, ил дацІ някъбачил чарухъун.

– ХЕбаргира, дудеш, нешли сеннира тухтуртази чебаахъес арбухили рургар. Ляркъян хІянчиличирад, илхІели хІунира чебиид.

– Чебиис, чебиис, паргъати...

Илира или, Вайсул айзурли хъулив къунзухъун. Илала гъаладуцибти някъбала тІулби цадехІлизи цадехІ сари-сарил делсун ва дялчухІеливан къябчІдухъун.

Урши хапли варсиубси дудешличи хІерикІулри, аргъес вирули ахІенри, сен ил паргъатагариублил, сен илала дяхІличиб разидеш бетахъибал, селичи гъимукІибал.

– Дудеш, хІу сен гъимукІилри? Гушиублирив? Дигалли, мурабба лебхис, даг нешли улельализибад барибси... Муриси саби...

– ХЕйги... – Ташилзули, Вайсулли сунела бабза сумка гъаргбарив: уршила хІулбикІун жявилл сумкаличир сарри. – ХалтІухъен хІу, илар хЕд хибти гъунгелти лерти сари.

Азир журала пикрумани, юртла бурх чекабикибхІеливан, илала бекІ зайбикІахъулри. Сабур каберхур, ва гъаргала дуравхъун. КІелра някъли бекІра гъяжбарили, къаркъала ганзухъличи кайиб.

«Агъ, Айбика, Айбика, хІуни барибси ламарт! – шанглар шинван рурхъулри пикруми. – Се барри хІуни, се барри? Дила гІямру дайдахъири, дила жан асири, наб дунъя цІяббарири. Сен риубсири хІуни илкъяйда кункли ну хъумартес ? Ца дус декІарли кални илцад гІядабсирив? НукІун хІу багъандан, урши багъандан дуравхъунсири. Гъеч гъанхІебирки ну илцад увяхІси, пайдагарси, хІяжатаргарси ветаъни. Се багъандан? Итаб, Северлизиб, хъябруцбашес хІядурти сецад къуймурти лебри? Цаличилра хІулби ахъдуцес хІейубра. Дугелира хІерелира хІу гъанни, хІечи карцІли умули хІериубра.

ВегЕбш, илгъуна ламарт бируси бирару вегІла муруйс, вегІла адамлис?
Ил убяхІдеш нуни севан чекайсуси? Секъяйда нуни хъмуртуси? Айбика,
хІу каруршусирив? Ил хІяяагар хІяжар каршусив? Бирару паргъатдеш наб
туснакълизиб? Вирусу илаб ил убяхІдеш хъумартес? Яра вирусирав нуни,
илкъяйда цІахварибсини, хІечил гІямру духес? Агъ, Айбика! Агъ, Аллагъла
душман! Буунри хІуни дила дунъя! Дила талихІ! Агара дила ламус гІур
шанти-урга дуравхъес, къапІа бихантази салам бедес. Агара, гІур селра агара
наб дунъяличиб калунси. Јерил секІал нясли, цІударли, куцагарли сари дила
хІулбазир. ХЕбалас, уркІи сен буусил баргхЕбердили...»

Хъа унза жикъбухъун. Гъаргала МугІид дуравхъун.

– Дудеш, хІера, иш кІана, нешла кІана! ХІела сумкализиб баргира... ХІуни
сен ила дигІянбарири? ИлкІун Къадирбег-азила нешлис савгъат сабри?

Вайсулли жаваб чархЕбариб. ВахъхІи уршиличи хІерикІули гІергъи, ила-
ла бекІичи малхІямли хъат кабихъиб. Уршилизи гІур се бурусилра илини
балули ахІенри...

МугІидли дудешличибси хІял чебиули ахІенри. Я чебаэс я багъес хІейри:
сунела арилизи бикибси дудешли сумкализив замана-замана халтІулхъулри.
Иларад жура-журала хІязла машинти дурайсулри ва, «рирр»-ла тІамара
дурабуршули, гъаргалар машинти къунздирулри. Телефон хІесилихъар, ил
дудеш чарухъниличи разили сайри. Разили сайри, сенахІенну илала бабза
сумкализир гІурра сунес дахъал савгъатуни лерри...

Айбика хъули ракІибхІели, урши гъаргалав сайцун сайри. Ганзухъличиб
савли сунени цІали бигубсигъуна харала дурхъаси кІанара лебри.

ЧІянкІли Вайсулла къаралди чебиънаб аги...



Поэзия



Гяйша КЪУРБАНОВА

НЕСЛА УМУТ

(Поэма)

1.

Далуйти-делхъаначи
Сунни бурсибироти,
ДурхІни мугІяллимлизи
Гьар мурталра хьарбикІар:
– Бурагу, сен гьардаим
ХІела хІулби хІяйранти?
ДучІути далуйтазир
Дардани гьанарутив?
– Се иша, ва ахІерти,
Дила никІа лачинти,

УркІиларти дардани
ГІурра дагьардулхъалли.
ГьархІейзур хьуланала
МурхьдикІалли дяхьурби,
ЖягІяйчила хІушала
Дархдиркалли шишимти?
ДецІ агар заманара
АнцІкьѝ агар манзилра
Дуньяла адамтала
ХІебиубгу цайналра.

2.

Урши хІяриихъили,
ХІянчила чарриубкьѝ,
БучІанти бурсибарес
Ахъли далайрикІукьѝ,
Жагьси нешла уркІилар
АнцІкьѝ камХІедирулри.
Хъули чаррухъунХІели,
Сагали цІумрикІулри:
«ХІу акІайчи палтарра,
Начурбира исули,
ХІядурриубсиригу,

Палтар чичи чегьѝша,
ХІязта чи виркьахъѝша,
Дила виштІаси Паша?
Сириличил хала неш,
Савгьатуначил тухум
ХІечи къалабахІели,
Бура, сен ветахъѝри,
Дила къугьаси Паша?
Назбалишван кІантІиси
Сири бацІли батурли,
ГІянжила ухъализив
Усулирив хІу гьанкІли?

Хапли улкъай абхъили,
ДураряхІ хІерризалра,
ХІянчиличи аркъули,
БиштІати чебаалра,
МугІяллимла жагъ уркъи
Саби къакъабикІули:

«ХІу калунси виадри,
Итцада виусири.
Дила жагъ уркъилизиб
Дяхъи хІебирусири.
ХІу калунси виадри,
Гъанна пиширхъусири,
Цаибси ганз каџили,

Дуббуцарла байрамлис
ХІябрази араџили,
Жагъси неш рисирииб,
УрхІли тІама хІергъесли:
«ХІули липІла манзиллис
Ну талихІчеррарили,
Алжанализир къяйда
Итцада хІяйратурли,
Сипат хІясиббарайчи,
Набчил варх хІерхІейубли,
Ва дила гІязиз чатІа,
Вегахъиригу жявли.
Гежбуниван бучІути
УрхІла дурхІначи карџили,

Къулгъу барес бакІибти
Шанта Издаг аррукиб,
ХІябрачи хІерашахъес
Чули тиладибариб.
Дивайчи геркарухъи,
ГІянайчи къаџкарики,
Гъайлис къянариули,
ГІурра неш рисирииб:
ГІямру сегъунти сарил
Багъес имканагарси,
Нешла ца уммайалра
Барх бухес бекІхІейубси,
ХІечила, «рисмарисуд»,

3.

Набчи хъарихъусири.
ХІу калунси виадри,
Булбулван учІусири.
ХІела хІязтази нура
Зиланван ихъусири.
ХІу калунси виадри,
Алавла руркъусири.
Дунъя жагал биънила
Наб хабар бурусири.
ХІу калунси виадри,
Назикси дила уркъи
ТІимкълизиб къиргъулаван
КъакъахІебикІусири.

4.

ХІелбитІунси беџлаван
МухІлира беръахъубли,
џубхъбикІуси уркъира
Дяхъи бетаахъурли,
Арукъес илцад хъярхъли,
ГІязиз, селис акІубри?
Неш рисули ахІенра –
Къисмат ил биэс хІела.
Дилагъуна берџиб деџІ
Бургарну чумра нешла.
Висули вебкІибсилис
Кумекбарес виралри,
Иш халал дунъяличиб
Цалра хІяб бирхІебири.

5.

БикІулигу тухумти.
БегІгала хъа унабурхІ
Ахъес бикхІебикибси,
џа жумягІ хІериубли,
БехІемџІлизив алхунси,
ХІечила рисІерисес
Секъяйда ну рииша?
Гардла далайла аргъес
АкІубла бекІхІейубси,
Дунъяличир къел датес
Къадар биъхІебиубси
ХІечила – ну ахІенра,
Уркъи саб џубхъбикІуси.

Камти хЕдургар анцикьи
ДурхИни ахЕкГубтала.
Амма бахъ руцIар уркИи,
Лебли бетахъибтала.
Дяхъи-хъасла риубли
Сари мицIирли кали,
ВебкИиб уршиличила
КъакъабикIулри уркИи:
«МуэрлизибкIун хЕла
Сири гардбирулира,
Дикъурти ляжубачи
КарцIли байра рикIулра.
Муэрлизир дилайчи
ХЕла дяхI гъяждирулра.
Дунъя, хIу аурсиван,
ХIясратли кIапIбурцулра.
Муэрлизир... хIу жявли
Халаахъес рулгулра.
ХIуруцIли... хЕла цIелда
Начиван хIяршбирулра.
ХIура гIяйибта маркъуд,
Дила ахIерси урши,

6.

Тухтурга буриливан,
АхIелкIанну хЕд узи,
ДурхИнала юртлизирад
Леркусирану рузи,
ХЕд асибти начурби
Илис лугасну нуни.
КIундицIур диэс дила
Дахъ къутIкъути шишимти,
Алаврурцис ил нуни
Дигили хЕд хIегибти.
Балхалли, урхIла хяра
ВеГIличи бурсибирар.
Лявваралли, ятимра
БерхIиван шалаикIар.
ВеГIли варкъхIеркъибсира
ВеГIла дурхIя ветарар –
Дедалли нешлицада
Дигира уркIецIира,
Бузалли нешла уркИи
ДурхIялис талихI бедес,
Иличила къайгъназир
Лерилра гIямру деркIес.



Зубайдат ГІЯМАРОВА



ДЕЦІ-ЦІУМ

**Зубри дисули сари,
Закра марайли саби,
Жикъи-далайла мерлар
ХІярхІуби дучІухІели.**

**Неш – Ванза цІумлизиб саб,
Дунъя гъузгъалдихІели,
Сунела жагъ уршбала
ГІямру къябудухІели.**

**Хъанці урхъу бургъули саб,
Рамчанани биркъули,
ХІергъутази аргъахъес
Ахъри хІебикІухІели.**

**Нешла ванати някъби
Ахъдирули сар лагдяхІ
УркІиларад дулгули,
Дявти тіашдизаб! – или.**

ДУБУРТА АБИКЪУРТИ

**Ціами дирар декІарти:
Бирар дигайли алкунси,
Душмантачи алкунси,
Гъимила руржерла бирар,
Улхни чули балукъи,
Жан ахІерхІедируси.
Ціикурлисра билкъа ціа,
Бирар гъаман руржули
Нешла уркІилабра ціа**

**Дигила малхІямдешла.
ХІулбазирадра дашар
ДуцІарти ціаван нургъби,
Халал балагъ бакІили,
ГІянд гъакабикибхІели.
Илди лерилра ціама
БихІути саб чІумали
Дубурта абикъурти
ГІяхІ гъубзни – дубурланти.**





БУРАЛАБИ

Гербухъунси къаркъа къадалаб ахӀи тӀашӀлебилзан.
Халкъла пикриличи лехӀихъес умсуси – гъарли-марси абдал сай.
Усалдеш, дурхӀядеш, вайгъабзадеш, вершадеш дегӀи дашути ахӀен.
ГӀякълулизи бухъари давла дунъяличиб лебси ахӀен.
Къяш хӀусбухъунси кайкалли алзан, мухӀлили кайкахъибси
биалли гъамадли ахӀелзан.
Вайси секӀайчира гӀяхӀси секӀайчира адамли сай адам бурсивириси.
ЦӀакъ камли биалли, гӀякълули имцӀабиру, амма гӀякълу камли би-
алли,
цӀакъли сегъуналра кумекхӀебиру.
Адамла хъалира канира дацӀли диубли гъалар сари, уркира бекӀра
дацӀли диубличир.
ВатӀан дигусигъуна гъабза левси ахӀен, сенахӀенну ВатӀайчи дигили
бицӀибси уркилизиб урехилис мер хӀебирар.
Гъарил дубурла хъар бекӀ декларси бирар, гъарил адамла хасият
цагъуна
хӀебирар.
Адамти багъес илцад деклар гъамадси ахӀен – цабехӀти дуцӀибикӀар
чӀукъабиэс, цархӀилти – ванабиэс
Халадешличибра цӀакъличибра гӀякълу гъалабулхъан.
Уми агарти адамти агарли биалра, арадеш агарти биалли камли
ахӀен.
Ши машгъурбириси саби ил шила адамтала сабурли.
Иш дунъя хъалигъуна саби: цабехӀ бухӀна башар, цабехӀти дура
арбашар.
ВахъхӀи хӀериубсини дахъал чедиу. Дахъал чедаибсини биалли,
дахъал
дала.
ХӀева къантӀа биалра ца гӀямал бетарар, эгер гӀякълу бахъ къантӀа
хӀебиалли.
Чемпионна у сархес гъамадси саби, ил бихӀясичиб.
Адам сунес сай учителяра сай ученикра.
ГӀямрулизиб бегӀлара жагаси секӀал уктемхӀейрни саби.
Уктемдеш – абадалдешличи гъамти секӀал сари.
Лезмили сай адам чевяхӀирусира цӀахирусира.

Имин МЯХИЯММАДОВ



ГЪАЙ ГЪАРИБ ДИЛА НЕШЛИ...

Гъай гъариб дила нешли
Ну тамай «сукъурли» варкъ,
Масли сукъурбарибта
Дирути чехедизс.

Гъариб дила дудешли
Ну лихбазив «Гянцли» айкъ,
Давлала Гянцбарибта
Шантас дурути хейкъес...

Белики, хъанцI якъутла
Дила амъурти хIулби,
Гъагулта буциб закван,
Гъимили ламхедикIи.

Белики, гъайкариван
Далуйтар дила уркIи,
Михъири баргаэсван,
Дардли къукъухIебикIи.

ВАНАВАРАБА НУРА

ДуцIрумла дегъси аргъла
Цаван буцIар ламлиур
ХIяб буунти майдунти,
Багъарбухъи, сагъдирул,
Ва сихIрула цIуэри,
Дукай вяхъяба нура!
ХIела сихIру-цIакъ кертIа
Дила биркIантазира.

Янила дяхIи-дягIла
ХIурбунала гурлиур
МиъдяргIибти дубурти,
Гъигъбухъи, мицIирдирул,
Ва атхIебла ванал гъигъ,
Ванавараба нура!
ХIела караматдешли
БицIа дила уркIира.

Гъалмагъла чурхси хIерли
ХIялагарушилрану...

Гъалмагъла хъабхъти гъайли
Миълахъ арахъулрану...

ХІУНИ НУ ВЕРЦАХЪАБА

Гърахътани, гъамтани,
Марти юдашунани
Тамай децІагахъили,
Рахли дила арал чарх
Агар изай баргалли,
Дила хІяя умуси,
ХІунира махмайраба.
ЯхІлизирад кергІибси,
ХІуни ну гІевуцаба...

АхІмакътачил, хантачил –
Шантала хаинтачил –
Бургъули баркъ буунси
Белхаагарси уркІи
Хапли бачабархалли,
Дила амрулис марси,
Вари, ну лаймайкІаба!
Дила кІибибил уркІи,
ХІуни ну верцахъаба!

ДАЛАЙЛА ЦІАКЪ АГАРА

«Сен хІелукІусив или
Гъар бархІи назмуртани?»-
Азгъинничиван набчи
ГІяйибмайхъаб шантани.

Вашу-вашукад саби
Нуни макъам бурчуси,

Вашу-вашукад саби
ХІябкуб цахІнабирхъуси.

Хъалибарг абикъесцад
Далайла цІакъ агара.
Кайили пикриухъес
Дила гІямал агара...

ТІАМАДАРАЯ НАБЗИ

Узи-урши, тухум-къяш –
ЦахІнадикили лерил,
Диги ахъес кайибти
Уржибси сяхІбатличи,
Далай-гъалайра тІашли,
Далайчира хІякъялли,
Ца илдала камдешли,
Хабарра хІебумжалли,
Кепбирахъисну авид
ДукелцІи-масхуртачил,

ТІамадарая набзи
БархІи шалгІеббухъайчи.
Макъамтази, духемван,
Думхис хІушаб хІябкубти,
Абнани дакъибхІели,
Рурсби хІякбилзахъути.
Каргъис хІушаб хабурти
Чилилра хІедакъибти,
Адна чула уршбази
Айтубиван дурести...

БИКІУТАС ТАМАШАЛИС

Бухарлизиб ханнаван
Шаб гъай бузул дудешла,
Хайдакълан Ханумлаван
Хабар дерхурси хІура,

Дурзамти гІяйдирули
Къяш белкунти бегІтала,
КъатІлисра хабарагар
Абала гъариб нура,

БикІину бургънабиван
Бургъули цахІебулган.
Янсав-хІярхІялизибад
Цализибад ца аркъян!

БикІутас тамашалис
ХІеркайрехІе лагъниван,
Ца къасличил, цадалги,
ТІулекара тІураван!

НУ ЧАРУЛХЪАС, НУ ЛЯВКЪЯС

АрхІяличивад хъайги
Чарухъес къанкайасли,
ХІед жанван хІяжатхІели,
Мякълав къаршихІейкасли,

Вари, дила духучан,
МутигІмякъяд цундешлис,
ЦацабехІтаван, мардеш
Майхъахъид децІахърилис.

Дунъяла чидил дубла
Виаслира ваили,
Хабар-тІамадарадли,
Гъаргала гъарракІили,

Мичигъич чаргасличи
Арцла гили дихъили,
ХІули липІла манзиллис
Урхъни-хІурхъи ахъили,

Ну чарулхъас, ну лявкъяс,
ЗурхІябван, закивадли!
Ламиван вагъарулхъас
Ванзала ухІнавадли...

Ну чарулхъас, ну лявкъяс,
ХІяривадра ватухъи!
ХІуни чехъри барадли...
Жяв-жявли вакІи или.

ХІЕД АВАРА АГАРА

(Масхарала)

Щудар хурумла пиджак,
Бухари сурла къапІа,
Дирсили далдикибти
Гъарил бул, гъарил хъапІа...

Лерил секІал чархличи
Чедалгунти сар дила...

Магъила субхІян булан,
НикІалайла манзилла!

КъучІайси ну чеахъес
ХІебируси агара,
Тамаша, дила хІяйран,
ХІед авара агара!..





МяхІяммад
МЯХІЯММАДХІЯЖИЕВ

ГІЕБШНИЛА ПИКРУМИ

Шиличи, ши-алав ургубаличи
Хумарти гІебшнили чекартІибти заб
Сар закла нургъбиван, ва уркІиличи
Гънагарси анцІкьи чебашули саб.

Кайхъибти сар гъарил акІубсилизи
ГІямрула муридеш, гІязиздеш жанна,
ГІямрули велкъунси, дунъя бетІибси
КъаршихІейкиб гъалав, хІергар я гъанна.

Амма гъар акІубси убкІусира сай,
Сецад жайчи уркІи бикІалра лагъ-лагъ.
Кайкахъиша нура ца буркъа изай,
Яра челябкъяну гънагар балагъ?

КартІаб дигуцад заб гІебшнила аргъли,
Анхълаб ахтерекла билшахъули шям, –
ГІямрула шарабли хупІикІус гъаргъли,
Бургули гъар бархІи сагаси тІагІям.

Лебти саб гъачамлис набчи хІяжатти,
Камси ахІен лугІи наб хІяжаттала,
Лер мурталра дила хІерличи хІерти
Бунагъагар хІулби дила дурхІнала...

Агъ, сунела вегІебш, дунъяла кепдеш!
Хъуланала дахъдеш... нушала гъаргъдеш!
Заманала хъярхъдеш... нушала хІяндеш...
Ихди сартив гІямру? Сунела вегІебш!

ЦІУРЛИУБ БЕЛЧІЕС ГІЯХІСИ

Дила махыла чедиб
Ташлири хІу, дубура,
ЦархІилтиван чуйнара
Аціра хІечи нура.

Аркјули сари бурхІни.
ХІера ну – дагла хъяша –
Багъурли гІяхІцад дунъя,
Чарухъира дила ша.

Се бирув! Заманали
Сунна хІянчи бузахъу,
Жагъдеш даим кахІелни
Гъариллизи балахъу.

ГъатІи ну хІечи ацІес
Имкан агарси бархІи
Нуни ахъибси дяккъад
АйцІур нугъуна цархІил.

УРКІИ

Михъирла алгъай шайчи
Нуни хъат чебурцулра,
Гъигъ буцили, уркІила
Тимхъличи лехІихъулра.

Ургади уркІилизи
Занзби къиздикІули сар...
– Бумсули хІебииши,
Ташбизагар хІянчизар?

Чебиули ну-алав
ТабигІятла жагадеш,

Гъар жан чучи милигги
ГІямрула тамашадеш.

Чуйнара разидешли
ХІу гъалакбиахъиши,
Чуйнара хабарагар
Дардли цІумбухъахъиши.

Амма хІечи сецад мах
Чебихъалра къисматли,
УркІи, хІела баркъуди
Даимбара паргъатли.

ИТ ТАЛАТ БАРХІИ...

Сабурагар уркІиван
Замана гъалакхІели,
ХІеб дяхІила хІякаван
ГІямру кІундицІухІели,

Гъанбиркахъис имцІали
Талат бархІи гъарахъси,
Сунезир хІура нура
БегІ гъар къаршидикибси.

Ил мягІничебси анцІбукъ
Пикрилизи касили,

БурхІназиб талат бархІи
Чебиис дурхъасили.

КІинайс ну хІечи кира
Лукъути дарданани.
Нерхлизир куртІидикІути
Дарри хІуни наб чудни.

Акъубатурра хъярхъли
Илдани бицІибси къям...
ИшбархІиван гъанбиркур
Баркабантала тІагІям!

ДИГИЯНАСИ ХЪУЛ

ЛевцадхИ икъули гЯмрула мягІдан,
Жагати жанничи хъуликІар инсан.
Риаби дила шан яра дурашан –
Дигула хІу лерли иш дунъяличир.

ГЯдатла ахІенси ва урхІагарси,
Цалра биркІаннизиб шилтахъ агарси,
Пикрумазибалра бунагъ агарси –
Вирхула, лерсири хІу дунъяличир.

Жагадеш дакІули, уркІи дигІянси
Чархлизир мяхІкамси, гъайлис малхІямси,
Баркъ сабухъчебсили, уюнти камси, –
Ризс гІягІнисири хІу дунъяличир.

Гѐбшни анхъ харабли, зубри марайли,
Дуцили дирихъла цІяба дарайли...
Амма цунхІелира кахІевлас цайли,
ХІу лерни баласли иш дунъяличир.

ХІу – дила пикрири, хІу – дила хъулири,
Чихъси зубариван хІу наб ухулири,
Наб шала бихули, уркІи архулири,
Марли лерхІеливан иш дунъяличир.

Ихъули чумилра улка ва шагъар,
Иргъули хІечила гъарахъси хабар,
ХІу гъанни цІумикІар ца игъбарагар,
МицІирли левцадхИ иш дунъяличив.

АГЪ, ЗАМАНА, ЗАМАНА!..

Чинаба харидеш, жагъдеш чинара?
ГъуцІхІейкІула кункти авараличи.
Дила бархъси куцла вявла ишара
Шурбухъун суалла ишараличи.

Кадерхур дила декъ ва бердиб дарай,
Датурли дам-зирняв ва накъра-хана,

Кагбси баркьуди, мяґничебси гъай
Гьалмагьдучес гъанна бакӀиб замана.

ГӀяхӀли каленая, кьуймур хӀулбарти,
ГӀяхӀли каленая, хӀебла муэрти,
Гъаннала гӀергъи наб лайикъагарти,
Гъаннала гӀергъи наб гӀурра ахӀерти.

КЪАС

ГӀярзхӀейкӀус гӀямруличи
Ца къас дураберкӀасли,
Батайчи шалал дунья
Бартаахъес виасли
Дила нешла насихӀят,
Дила дудешла амру:
Адамдешличил деркӀес
Наб гибти камти гӀямру.



Учительла гІямзи

ДАРГАН МЕЗ: ИШХІЕЛЛА АГИ ВА ЧЕЛЯБКЪЛА

Саятханум ГІЯБДУЛАЕВА
г. Махачкала №36 СОШ

НЕШЛА МЕЗ ДАЛЕС

Гъарил адамличи чебси саби нешла мез дагъес. Илди дагъес багъандан илди иргъес гІягІнити сари виштІахІейчирадал. Хъулиб неш, дудеш гъайбикІалли, дурхІна илди хІисаблизи кайсу. Гъаннала замана камли саби хъулиб чула мезли гъайбикІути.

Нушала дарган мезли лукІес багъандан дагъес гІягІнити сари кІирка хІурприра. ГІягІниси саби иличи халаси пикри бахІчааэс. Илди дурхІнази дагъахъес.

Дарган мезла словарь хъулиб биалли гІяхІси саби. Лебси саби бурала: «ВеГІла мез къацІлис дирцути ахІен» ибси. Ил бархъли бурибси секІал саби. Ил багъандан гъарил адамли къайгъибирес гІягІниси саби веГІла мез дагъес ва илди калахъес.

Севан дарган вируси,
Дарган мез хІедалуси?
Дила пикрили, ил сай
Игъбарагар, мискинси.

Агара дунъяличир
Мез чучирра жагати,
ГъайбикІарну илдачил
Даргала багъадурти.

Разият ГІЯЛИЕВА,
Избербашла кІиибил
СОШ-ла учитель

ДИЛА МЕЗ ДИЛА ХЪАЛИБАРГЛИЗИР, ДИЛА ШАГЪАРЛИЗИР, ДИЛА ДАГЪИСТАЙЗИР

ИшбархІи гъарил адам веГІла нешла мез далусили виэс чебиркур. Нешла мезличил дарх урус ва ангІияла мезани далнира гІяхІси саби. Лебилра миллатунала вакилтиван, даргантира чула мез ункъли далутили биэс гІягІнити саби. Ил бекІлибиубси шартІ саби миллат калахъес багъандан.

Миллат халаси яра биштІаси биаб, декІардеш агарли, адамта цалабахъибси дурхъаси давла сари мез. Мез лерли диалли, халкъра леб; мез хІедузахъалли, халкъра агара. Дагъиста халкъанала мезанала давла авлахъла ранг-рангла вавназибад цалабикибси къалтийчил цугбуцес вирар. Илди вавни агардиалли, къалтинна жагадешра бетихъур.

Тяп илкъяйда саби, наб гъанбиркуливан, мезанала агира. Рахли цадехІелра нушала дубуртар Дагъиста мез детахъалли, лебил жамигІятлис, нушала культуралис халаси зарал бетарар.

Нуша даргантала мез, культура гъаладяхІ дашахъес багъандан дарган адам-тазир, хаслира, чеалкІуси наслулизир нешла мезличи диги адикъес чебиркур. Марлира, хІякъяну замана, лебил дарганти дарган мезли гъайбикІуси? Нуша, даргала уршби-рурсби, гъанна цализи ца урус мезли сарра дугъадилзути.

Дила хъалибарг, дила неш-дудеш, нуша дурхІни, мурталра нешла мезли сарра гъайдикІути. Ну урузкІус нешлизи, хаслира дудешлизи урус мезли дугъарилзес. Илцадра ахІерти сари нушаб нешла мез. Ца ил у багъанданра дигахъес, ахІерадирес хІяжатлигу илди! «Нешла мез», сен къугъасил ил дугъбала цалабик, нешличил бархбасунси, неш къяйда дигахъуси, дурхъаси. Дурхъати сари нушала мез дила хъалибарглисра.

Шагъарла халкъличила гъайдикІахІелли, Избербаш, бурули бирар «дар-гантала шагъар» или. Ил бархъси бургар, сенкІун нушала школала 9- ибил «в» класслизибти 28 дурхІялизибад 20 дарганти саби. Сепайда мез далути, гъайбикІути биалли 8 саби. КамбикІули саби дарган мезли гъайбикІути, илди мез далути. Дарган мезличила нуша дарганти, камли пикридикІулра. Нушала жагати мез урусла мезличил гъудуркадирулра. Ил жагаси ахІен.

Дагъиста халкъла писатель ГІ. Абу-Бакар викІусири:

**Мискинси саби бикІар
Даргала мезла давла.
ДугІла саби ил хабар,
Диур мез Батирайла.**

Гъайгъайра, диур. Батирайлис даибти, нушала хала бегІтас даибти. Дарган мезли, даширая лерилра гъайдикІехІе. НушалакІун давлачерти мез сари.

БегІтани, учительтани, дарган мезли нушази Дарга, Дагъистан, нушала дурхъаси ВагІан, Россия багъахъур. Алавси тІабигІятличи диги акІахъуб, бируси хІянчиличи бурсидирулра.

Сепайда, шими дацІадулхъули сари, дубуртикад гездикІути мазала дур-замти, хІяйвантала хІункъри камдикІули сари. Агара илдас къуллукъбирути. Камли дашулра, камли ихъулра дубурла дукъби, камли дужулра дубуртала урунжуназирад гІинзурбала дяргІиб шинни. Илди гъарил дарган адамла ур-кІилизи минадиубли диэс гІягІнити сари.

Амма нуша биштІатала уркІбазир дарган мез зайдикІахъес, хІедалусилизи дагъес иштяхІ акІахъес, илди чедирцІахъес нушала имканти лер. Даргантани ил барес гъамадли бирар ,къасбаралли.

Цаибилгъуна, бегІтала къайгъи биалли, дурхІя виштІали левай неш сунела мезли гъайрикІес, виштІасила илдачи диги акІахъес, дугъби далахъес, тикрардирес, ихтилатрикІес гъархІели замана бургес чебси саби иличи.

КІиэсил, биштІатала анхълизир мез хІедалутазира дагъахъес, далутазир илди калахъес хІязла ваяхІла уми дарган мезли дурес бурсибарес, илабкІун бахъалгъунти воспитательти дарганти саби. Сецад-дигара лер даргантала хабурти, поэтунала назмурти, илди жагали, хІяздухъесли, суратуначил някъишдарили, даргала буралаби, багъираби жузи дирахъес. ХІябъэсил, дигахъира лебилра даргантас – биштІатасра, халатасра «Дарганти ва дарган мез» бикІуси жуз лебли. Ила кадерхахъурли даргала тарих, даргала лугъатуни, мез акІниличила дурути хабурти, нешличила, даргантачила къантІти назмурти, даргала поэтунала делкІунти. Ил жуз гъарил дарганна хъулиб биэсли, дарган мезла учительла някълизиб биэсли.

Уздият ГЯЛИЕВА
Касписка ІЗ-ибил
СОШ-ла учитель

ЛУГЪАТУНИ ДАХЪАЛ САР

Мез – адамла гЯмурузир чараагарли гЯгИнити секІал сари. Гямадли ахІен учІаннис дигуси учительли ветаэс. Гярил ученикли учительла вяшатІала, гяй, баркьуди хІсаблизи кайсу, гярил бурибси девли дурхІнала уркІиличи асарбиру, жура-журала хІялани алкІахъу. ДурхІнази нешла мезла багъуди касахъес багъандан чевкъули бирар, хаслира шагъарла школализив узухІели, гяр шайчивад чеветаибсили вирес. КасахІелли бусагІятла замана, дарган мезла дурсрас декІардарибти сягІятуни камли сари, виштІахІейчибад дурхІялизи урус мезли гяйбикІули саби. Масала, бехІбихъудла классунас хасдарили сари байхъала сягІят мезлис ва байхъала сягІят литературалис. Цаибил класслизир хІябал жуз лер: «Букварь», «Дарган мез», «БучІнила жуз». Иларти жагати суратуни, хІянчурби, хабурти-лерилра илди дурхІнази чедаахъес, аргъахъес ва саркъахъили ва чебетаахъили дарс кабихъес гяираличил школализи рашула. Гяйгяйра, суал алкІули саби, сен-сен бажардири-кишара, секъяйда дарс кабихъишара, сегъунти шуртІри пайдаладаришара?! Урус мезличи бурсикабиубти дурхІнани даргала литературный мез яра даргала лугъатуни камли иргъули сари.

Урус мезличи бурсикабиубти дурхІнани даргала литературный мез яра даргала лугъатуни камли иргъули сари.

Нешла мезра лугъатунира далути бегІти дусличи дус камбикІули саби. Леб дурхІни-ургаб гяираличил башути, дарган мез дяркъес, сепайда, бегІтани балтули ахІен. Дебали къиянти мез сари илди дяркъес, хІед делчІес сегъуналра хІяжатдеш агара бикІути чумилра къаршибикиб. ИмцІаливан илдигъунтала къукъялизи арбухес вирар, дарган мез хІедалути, урус мез далниличи пахру-бирули, саби-бегІти ва миллатла культура, хала бегІтала гІядатуни дузахъес къайгъи агарти адапти.

Дебали диргаладулхъули сари дурхІнас гаджетунира.

ВегІла мез дагъес дигути дурхІнала литературала мезличи диги, сагати багъуддумагІиб умцІахъес, гяира акІахъес бегІтаннира учительтаннира бирар, эгер бегІтани учительти чебяхІбирули, дурхІни гІеббурцули биалли. ГІурра ил мурад сархес багъандан учительтачиб чебси саби:

Дарган мезла дурсри тамашалатили детаахъес ва дурсрачир сагати технологияби пайдаладирес.

Багъурси секІай биштІатас разидеш биху.

Дурсрала дуар дирути хІязаначил, журабачил, хъарбаркъуначил бучІанти алавбуцес;

ДурхІнала литератураличи иштяхІ, диги акІахъес бегІтазибад ва учительлизибад дигахъу. Челябинсклизир дарган мез дубкІар или уркІи бисули саби.

ДИГАХЪЕС ВА МЯХІКАМДАРЕС

**Нешла мез – дила давла
БегІтани наб батурси,
Нана хІуливан нуни
МяхІкамбарес гІягІниси...**

Р. БЯХІЯММАДОВ

Нешла мез далес, дигахъес ва илди мяхІкамдирес хІяжатси саби гъарил адамлис. ВегІла мез мяхІкамдарни ва гъаладяхІ дашахъни нушала чебла саби.

Даргала миллатла бегІлара халаси давла сари илди мез? Сунечи лебилра даргантала цагъуна ихтияр лебси давла се саби? Дарган мез ца-кІел адамлацун ахІенну, лебил даргантала сари. Илди лебилра даргантани далес ва дузахъес гІягІнити сари. Дунъяличиб дебали бахъал халкъ леб. Гъар миллатла халкъла, камти биалра, бахъал биалра, чула мез лерти сари. Гъар мезла сунела жага-дешра, кегІебдешра, мягІнала саркъибдешра лерти сари.

Халкъла бурала лебси саби :«Гъачам Аллагъли дунъяличибти адамтас мез дутІахъес чІака бархъаили саби. Ил, мезана бицІибси гавлагра касили, мез дутІес гъайбиубли саби. ЧІака Дагъистайзи сабаибхІели, мезли бицІибси гавлаг шурла бугаси дублизи чегили, гъярбердили саби ва лерилра мез Дагъистайзи тІинтІадиубли сари». Илдазирад цадехІ сари нушала дарган мезра, нушала шила халатани. Ил багъандан биштІаси биалра нушала Дагъистан, илаб хІербирути адамтас дахъал мезла пай баибси саби.

Дагъистайзир дахъал миллатуни хІердирули сари. Ил багъандан нушала ВагІан дахъал мезанарра саби: чум миллат диалра, илдицад мезанира дирар. Миллатла мезлис цараван “нешла мез” ирули бирар. Гъайгъайрагу, гъар адамлис дунъяличир бегІлара ахІерси адам неш сари. «Дай хъатлаб хайнига берцІадра, нешла чебла чебахъес хІейруд» ибси бурала лебси саби нушала халкъла. Нушара мурталра нешла чеблалиур кавлутира. Ил багъандан сарра нуша илала хІурматбирес, ил разили, талихІчерли риахъес се дигара барес хІядуртира. Дила пикрили, мезлара нешлагъуна хІурматбирес гІягІнибиркур. «Нешла мез» или ирухІели, илди мезла гъамдеш ва дурхъадеш гъар адамлис якъинбирули саби. Дила нешла мез дарган мез сари. Халаси иштяхІличил гъайрикІули рирус ну дарган мезли. Дила бегІтани, нешла мезличи набзир диги адилкъур. Ну школализир ручІухІели, дарган мезли ахІи гъайдикІахъес дарсличир нуша далтути ахІенри дарган мезла пергер учитель Сулайбан ГІябдуллаевичли, илини даргала литературала мезличи бегІбиахъуб чумра дила шан.

Дебали жагати сари нушала дарган мез, урунжван умути, хІеблизир чатІнала макъамтиван зайдикІути. Бахъал даргала писательтала ва поэтунала произведениеби зайдухъахъун илдани. Илди дучІухІели, дила уркІи гъарли-марли пахрули бирцІули бирар.

Чумал азир дус гъалар, гІялимтани бурни хІясибли, Дагъистайзир цадехІ мез дуили сари. Даршани дусмала бухІнаб цацабехІ адамти, къамани тядити мер-мусаличи гечбиуб, калунтазибад къяббердили яра илди ургарти бархбасуни гІяхІцад хІярхІдиахъубли. Илбагъандан даршани дусмала манзиллизир

илдала мезаназир дарсдешуни дакѹдиуб, илкѹяйда багѹла-багѹлали шимала лугѹатуни акѹб. Дарган мез акѹахѹбти сари нушала жѹвѹелла хала бегѹтани-лергѹер дахѹал дусми гѹалар. Амма, хѹшаб гѹанмабикаб, илди мез ца цаќѹли кѹантѹси заманала духѹнар, акѹахѹбти сари или, ва илди гѹаннала даражаличирван давлачерли дири или. Бегѹ гѹалар дебали камти дугѹби дуили сари, сарира алавчарси тѹабигѹятлизирад гѹерасибти, мицѹирагла, арцантала тѹамрачи мешути. Илдачи итѹелѹи цабехѹлизи цабехѹли чула пѹкруми дурусѹи иргѹахѹесра гѹамадли буили ахѹен. Цархѹилти мезаназирад дугѹби гѹерисули ва имцѹаливан нушала мезлизир цархѹилти дугѹбазирад сагати дугѹби алкѹули. Дарган мезлизир дугѹби имцѹадикѹнила ва илкѹяйда сари мез гѹатѹира давлачердикѹнила анцѹбукѹ гѹаннара таманбиубси ахѹен ва мурталра таманхѹебирар. Сагати дугѹби алкѹни ва илди сагати мягѹнубани чедирцѹни гѹаннала гѹергѹира даршдусмазиб даимбирар.

Амма ца халаси урехира леб. Гѹанна бахѹал дарганти дурала мераначи арбашули саби. Илди шагѹуртазиб имцѹаливан урус мезли гѹайбикѹули саби, чула миллатла мез хѹмуртули саби. Илгѹуна аги гѹаннала гѹергѹира бахѹхѹи даимбиалли, мурт-биалра дарган мез хѹедузандиэсигу ибси урехи алкѹули саби. Миллатла мез агарли гѹергѹи, саби даргала миллатра агаркабирар. Ил багѹандан имцѹали чекадизес гѹягѹнибиркур гѹарил миллатла адам сунела мезли гѹайикѹахѹес. Ил бекѹлибиубси шартѹи саби миллат калахѹес. Мез пайдаладирули диалли-халкѹра леб, мез хѹедузахѹалли – халкѹра агара. «Дарган дарган вирару, дарган мез хѹедалуси». Вегѹла нешла мез хѹедалусини, вегѹла нешла, шила, шантала хѹурматра хѹебиру. Машгѹурси гѹялим К.Д. Ушинский-ли бурибсири: «Нешла мез вегѹ варкѹибси нешгѹунти сари: илди хѹейгни вегѹла неш хѹейгнигѹуна саби». Марлира, ил пѹкри бархѹси саби. Гѹарил адамлис нешла мез дагѹес, илди хѹейгеси биалра, гѹергѹити дусмазиб нушала дучѹниличѹи гѹира камбикѹули саби. Илис сабабли бетарули саби нушани художества литературала произведениеби хѹедучѹни, имцѹасигѹуна замана компѹютертала гѹалаб хѹязаназиб буркѹулра. Ил багѹандан нушала белкѹла ва ирнила мез челис-че усалдиркули сари. Имцѹаливан шагѹуртазиб хѹербирути хѹалибарглизибра бегѹти чула дурхѹнази нешла мез дагѹахѹес яра хѹумхѹертахѹес кѹайгѹнабиркѹули ахѹенну, иличи ургѹебли, сабира илдачил урус мезли гѹайбикѹули саби. Ашкарливан, илдигѹунти анцѹбукѹуначи миллатла мезли, кулѹтураличил, хала бегѹтани дузахѹули калунти гѹядатуначил бархѹбас кѹябудахѹу. Дарган мез даргала кулѹтураличилра дархѹдасунти сари. Даргантала гѹарил шила саби бегѹси кулѹтура лебси биалра, амма мез дузахѹес хѹяжатсили бетарули саби, литературала кадизахѹурти мез. Декѹар-декѹарти шимала ва районтала адамти кѹаршибикалли, дарган мезли гѹайбикѹес чевкѹули саби. Литературала мезли гѹайдикѹахѹелли, цали-ца иргѹули дирехѹе. Адамтала гѹямру дарсдикѹули сари, гѹаладяхѹи дашули сари, сагаси техника алкѹули саби, ил багѹандан мезра гѹаладяхѹи дашес гѹягѹнибиркур. Вегѹла нешла мез – гѹямрулизибси бегѹла халаси давла саби. Давлумира декѹар-декѹар журала дирар, дирар мургѹи-арцла давлуми, дирар ванзала, мягѹдунтала ва мицѹирагла давлуми. Лерилра илди ахирра кадурхули сари. Амма лебси саби ца давла, сабира я цѹали хѹейгуси, я берки кахѹебурхуси, я белкѹи таманхѹебируси. Ил мезла давла саби. Мезла давла чилилра сунесцун харжбарес хѹейрар. Ил лебилра бегѹтазибад чула биштѹатани гѹебисуси, чеалкѹутас гѹелаб балтуси давла саби.

Даргала мез гѹаладяхѹи аркули сари даргала поѹтунанира писательтанира. Илдани чула произведениебазир черяхѹидирули сари даргала халкѹла мез, гѹядатуни, кулѹтура.

Ягъари, нешла мез хІедалули, адам секъяйда хІерис вирусив? Адамлис секъяйда вайтІа биалра, я тухтурли, я дяхънушани сагъхІейру ил, нешла мезли къяйда. Гъарил адамла чебла саби, илди мяхІкамдирес.

Дагъистайзивра лебил дунъяличивра машгъурси поэт Расул ХІямзатов викІусири: «Рахли жягІял дила нешла мез деткайхъалли, ну ишбархІи хІядурлира цІябси хІяри керхес». Дебали дархъти дугъби сари ишди. Ве-гІла мез дебкІили гІергъи чили бала, чихъали сабтил дарганти. Нешла мез дила давла саби, дила даргала халкъла давла сари, илди мез нушани мяхІкамли дихІули, нушала наслулилизиди дагъахъес нушала чебла саби. «Мез далуси мурдали, хІедалуси хъурали» иру халкъли. Сегъунти мез дагъаллира, илди чисалра, се заманалра диргаладулхъунти ахІен.

Сакинат ХІЯЖИЕВА

Каспийскла 9 –ибил

СОШ-ла учитель

КОМПЬЮТЕРЛА ИКЪАЛА ЛЕБ

Дарган мезла дурсри дирнила масъала ишхІелла манзиллизиб дебали мягІничебсили бетаурли саби. БучІанти гъачамличиб-гъачам имцІали урус мезли гъайбикІуси замана, нушаб –дарган мезла учительтас, чевкъули саби дурхІни бархъли гъайбикІахъес бурсибарнила дурабад, нешла мезличила гІяхІти багъудлума дедес. Нушала школализир нешла мезли дурсри дурадуркІули сари: дарган мезли, къумукъ ва лезги мезли.

Ну дарган мезла учительница сарра, илбагъандан дила чеблализи лугІулра – нушала хала бегІтани нушаб датурти дарган мез челябкъуси наслуличиди даахъес. Нешла мезличиди дурхІнала диги акІахъес багъандан, наб дарсличиб чевкъули саби декІар-декІарти тяхІурти пайдаладирес, Дагъиста ва даргала халкъанала яшавла ва рухІла культураличи хъарихъес, даргала халкъла гъаб-убла гІямруличила, илдала гІядатуначила бурес. Гъар дарсличиб халаси пикри бяхІчиюси саби бучІантала гъайличиди: шагъарла дурхІна дебали вайтІа далули сари нешла мез, илбагъандан дахъал мягІна хІергъути дугъби къаршидиркули сари. Илдигъунти дугъби урус мезличиди шурдатес гІягІнибиркур, хъумхІертахъес – словарьтази делкІахъес ва илдачил дугъбала цалабикуни яра предложениеби пикридарохъес ва тетрадунази делкІахъес. Дарсличиб творческий хІянчи дурабуркІули рирус: дарган мезли сурат хІясибли халаси ахІенси хабар цахІнабяхъяхъес, чула гІямрулизиб бетаурси сегъуна-биалра тамашала анцІукъличила бурахъес, сегъунти хъа мицІираг, дугІла жаниварти ва ц. далал дурахъес ва доскаличиди делкІахъес. Гъайгъайра, шагъарла дурхІнас литературный мезли илгъуна хІянчи бирес къиянбулхъули саби: бахъалгъунтани гъала-гъала чула лугъатличил дуру, гІур биалли, дила кумекличил, литературный мезличиди шурдалтули дирехІе. ДурхІна халаси иштяхІличил чула шиличила, илар дурадуркІути байрумтачила хабурти дуру.

ИшхІелла гІямрулизиб халаси мер буцили саби компьютерли. Нуни дарсла темаличи далдикести декІар-декІарти презентацияби хІядурдарили, чедиахъули рирус. Илдигъунти дурсри дурхІнала бекІлизир дахъхІи кавлан.

ХІязлис ахІенгу «верхІна бакъесван ахІи, цайна чебаэс гъалаб саби» бикІути. БучІантани чунира хъулир хІядурдарили, илдигъунти хІянчурби диху. Илдигъунти дурсра дурхІни жигарчербиру, нешла мезличи диги алкІахъу.

Дарган мезла дурсрачир ЦОР дузахънила халаси къадри леб дурхІнала дарсличи, Дагъистайчи, даргала халкъличи, даргантала тарихличи ва рухІлашалси культураличи диги алкІахънилизиб.

ИшхІелла школала бекІлибиубси тІалаб саби – дурхІни дарсличиб жигарчеббирути технологияби дузахъни. Илбагъандан, учительтас хІяжатбиркур заманаличи мешули вяшдикІес, гъанала заманаличил далдикили ганздикІес, нешла мез калахъес ва илдала даража ахъбуцес нушазибад бетарусигъуна секІал барес!

**Дай уркІилис дарманван,
Дардлис сабабдирути,
Шурми-ургаб тІамаван
Аргъайзир гІералгъути.**

**ВегІ акІубси ВатІанван
Даргантас дигахъули,
Калабая, нешла мез,
Наслубани руркъули!**

ДУРХІНАЛА УНХЪРАЗИРАЛ ДАГЪАХЪЕС

Дарган мез дахъал наслубани акІахъубти, давлачер ва жагадарибти, мяхІкамли нушачи даахъибти мез сари.

ИшбархІи урус, гІяраб, англиялан ва цархІилти улкнала мез далес хІяжатбиркули саби. Илди мезани яшавлис хІяжатти сари. Дила пикрили, илдир ункъли дагъес гІягІнили саби. «УрхІла мез чула дурхъадешла даражализир нешла мезличил гъеч цугхІедиркур. Илбагъандан, вегІла нешла мез дебали дигахъес ва мяхІкамдарес гІягІнили саби.

Нешла мез миллатласи давла сари. Сунела миллатла мез ункъли дални гъарил адамла чебла саби.

Гъар адам акІубси бархІиличивад вехІихъили ухънаваили вебкІайчи, мезличил цацІали вархваси сай. Дунъяличир бегІлара адамлис дурхъати нешра ВатІанра сари. ХІязлис ахІен илдас «нешла мез» бикІути. Дила пикрили, мезлара нешлагъуна хІурматбирес гъарилла чебла саби. Дарган мез хІедалуси адамлис дарган сай викІесра къиянси саби.

БегІтала ва хала бегІтала бекІлибиубси чеблализи халбируси саби чула дурхІнази нешла мез дагъахъни. Бахъал дарганта иличи пикри бяхІчииули ахІен. ДурхІнази чула мез дагъахъес къайгъибирули ахІен. Илбагъандан, шагъарла школабазиб мез далути дурхІнира камли саби. Халаси къияндеш алкІули саби шагъарлизиб хІербирути дурхІнас, сенахІенну хъулиб бегІти урус мезли гъайбикІули саби.

Сунела пикри бурес ва ил лехІихъусилизи аргъахъес багъандан, учІанна баарила къадар мезла давла биэс хІяжатбиркур. Мезла давла агарси адамли, сунела пикри бурес хІейрули халаси къиян чебиу.

Школала ва учительтала бекІлидиубти мурадуназибадра ца саби: нешла мез далахънила мягІничебси хІянчи даимбарни. Сунела ученикунази багъуди касахъес ва илдас хІяжатси бяркъ бедес халаси хІянчи бирули сай учительли. Хъалибаргли ва учительли дурхІнази дарган мезла тІамри биштІали лебай, илдала ирнила биркІанти кІантІили лерай жявли бехІбирхъуси саби. ГъатІира унхъли бири ил хІянчи дурхІнала анхълизиб бехІбирхъуси биалри.

ХѲера, илбагъандан шагъарла школализиб бузахъуси дугъбала чебкадси хІянчи бекІлибиубсилизи хІисаббарес вирар.

Дила пикрили, иш тяхІярлизир нушала мез калалли, дебали хумарси бирар мезла челябкъла.

«Мез далуси мурдали, хІедалуси хъурали» – бикІар дарганти. Мурдали дашес къайгъи бирехІе нушанира.

Гулжанат ХІЯЖИКЪУРБАНОВА
Мамедкъала М. ГІялиевла училилси
гимназия.

ВИРАРУ МЕЗ КАЛАХЪЕС?

Дарган мезлис «нешла мез» ирули бирар. Илди гъариллис дурхъати сари. Сунела миллатла мез ункъли дални гъарил адамла чебла саби. БегІтала бекІлибиубси чеблализи халбируси саби, чула дурхІнази мез дагъахъни. Школала ва учительтала бекІлидиубти мурадуназибадра ца саби нешла мез далахънила шайчбси хІянчи даимбарни. Шагъарлизиб лебилра урус мезли гъайбикІухІели, цацахІели неш-дудешра балли, дурхІя бекІлил вегІла мез хІедалан ветарули сай. Дила пикри хІясибли, нешла мез хъумартурси адам, веткахъахъбси, сунела миллат агарси адам сай.

ДекІарси къуллукъ саби мезла давлала, сабира я чебаэс, я някъли хахам-барес хІейруси.

ЦацахІели дила бекІлизи тамашала пикруми адицІули дирар. Сен-сен детауртира мез? Мез руркъути гІялимтани къалли бурули саби: мез акІубти ахІен, я акІахъес вируси ахІен, илди чилилра пикридарибти ахІен. Нагагъ мез пикридарес вируси виалри, дахъал къугъни ва дарсдешуни дигути адамтани илди чуйнара дарсдариши.

Нушала Дагъистайзиб дахъал миллатунала адамти хІербирули саби. Миллатунала вакилти цаличил ца урус мезли гъайбикІули саби. Урус мез школализирра даарила къадар ункъли руркъяхъули сари. Гъайгъайрагу, илдачи хІяжатдеш чараагарли биъни багъандан.

Дунъяличив машгъурси поэт Расул ХІямзатовла «Нешла мез» бикІуси назму белчІалли, гъарилли нешла мезла дурхъадеш иргъу.

**«Нагагъ жагІял дила мез
Детихъути диалли,
Иш ну хІядурли сайра
ИшбархІи хІябла керхес».**

Нушаб нешла мез ахІерти сари. Шагъарлизиб хІербирути бахъалгъунти дарганти биалли чула дурхІнази урус мезли гъайбикІули саби. Илдани итира далагу урус мез дурхІнала анхълизир, школализир. Илдигъунти даргантас дарганти дикІес къиянни саби. Гъари, пикридухъеная хІуша, жявти замунтачибад бехІбихъили, нешли ниъличил дарх дурхІялис гІямрулизир бекІлидиубтигъунти дурхъати къиматуни, черяхІти къ依ликъуни, илдала лугІилизир нешла мезличи дигира дедлугутази халдирутири. Адамлизирти дарсдарес хІейрути къ依ликъунира виштІали вирухІейчивад илизир лертази, нешла ниъличил дарх дедибтази халдирули бирар. Гъанна биалли се бетарули? БегІтани дурхІнази нешла мез дагъахъес бирару, чулира илди хІедалули биалли?!

Пикридухъеная хІуша, ишбархІи нешла мез школабазир руркънила аги сегъуна даражаличи бетикилил, школабазир булан илди дучІес хІейгули биалли. ГІядатла халкълис нешла мез чула дурхІнази ва дурхІнала дурхІнази дагъахъес, илди мяхІкамдарес къайгъилизи бикес ва нешла мез хІедебкІахъести тyahІурти далдучес чебиркур. Дарган мезли сегъунти-дигара хІялани, пикруми аргъахъес вируси сай, даргала фольклор, литература дебали давлачерти сари. Саби-ургаб урус мезли гъайбикІути даргантачила ва нешла мез гъаладяхІ дашахъес багъандан се баралли гІяхІли бирибал сунела пикри буриб: «ВеГІла лугъатличил се-биалра бурили, ил аргъахъесичиб урусла мезли гъайикІес гъамадли саби ибси бархъси ахІен, ну иличил къабулрикес хІерирус, сенахІенну даргантала лугъатуназир цали цала хІергъести дугъби агара, лерилра лугъатуни цаличи ца мешути сари. «Нуша лерилра урус мезли гъайдикІахІелли, нушала дурхІни чихъали бетарулив? Илди даргантази халбарес вирару, гъатІи?

Секъяйда вирара нешла мез мяхІкамдарес? Ил барес багъандан ишхІелла тІалабуначи далдикибти тyahІар-къяйда далдучес чебиркур. Ункъли бири телевиденилизир биштІатас нешла мезли гъайдикІути мультикуни чедиахъалри. Нуни чараагарсили чебиулра дурхІна веГІла мез далес гІягІниси биъниличила аргъахъни. ВеГІла нешла мез хІедалусини, гъайгъайра, веГІла нешла, шила, шантала хІурматла хІебиру. Гъаннала замана, хаслира хъалибарглизиб веГІла нешла мезли гъайбикІути дебали камли саби. Ил багъандан имцІали чекадизес гІягІнибиркур гъарил миллатла адам сунела мезли гъайикІахъес.

Ил бекІлибиубси шартІ саби миллат калахъес. Мез пайдала дирули биалли – халкъра леб, мез хІедузахъалли – халкъра агара. Дашараягу дарган мезли гъайдикІехІе нушала биштІатази, илдази нешла мез дагъахъес багъандан.

ЛебгІеб ахъси къимат биэс гІягІнили саби арагІер нешла мезлара, илала дурабад литературала мезлара. Дахъал имканти гъаргдирар литературала мезличи – миллатла хъулчиличи хъарахъиб халкъла гъалар.

Хъуммартид: хІу дарган сайри, дарган мез дузахъули левай!

Зарема ДАУДОВА

ГЪАЙДИКІЕНАЯ НЕШЛА МЕЗЛИ

**Нешла мез веГІ варкъибси
Нешгъунти сари: илди
ХІейгни-веГІла неш
ХІейгнигъуна саби"**

Лебтасалра чула нешла мез ахІерти сари. Адамтала цахІнабдешуни алкІниличил дарх мезанира акІуб. Мезанала кумекличибли адамти цабехІлизи цабехІ бархбалсан, цабехІли итдилтала пикруми иргъу, мурадуни белгидиру.

Гъарил адамлис нешла мез дагъес гІягІниси саби. Нешла мез адаб-хІяяла ва культура давла сари.

Дуньяличиб дебали бахъал халкъ леб. Гъар миллатла халкъла, чула хасте мез лерти сари. Гъар мезла чула жагадешра, кеглебдешра мягна саркъибдешра лерти сари. Мез агарли адамтала общество биэс хебируливан, адамтала цахнабдеш агарли мезра диэс хедирар.

Дарган мез тухумти сари Дагъиста цархилти миллатунала –лезгибала, булугунала, табасарантала, къарахъала мезаначил. Дарган мез имцаливан тинтидиубли сари Дагъиста дубуртала (Ахъушала, Лавашала, Дахадаевла) районтала ва дубуртас гьаларти (Сергокъалала, Хайдакъла) районтала шимазир.

Шагъарлизиб халабаибти дурхна, даргала мез камли далули сари. Даргантала журналти, газетаби лер. Леб писательти, поэтуни. Илди балути ва илдала жузи дучути бахъал агара.

– Дучленая жузи, журналти, газетаби, гъайдикленая даргала литературный мезли!

Зумрият МИРЗАЕВА.

Мяхъячкъалала 61-ибил СОШ-ла учитель

МЕЗАНИ ДАХЪАЛ ЛЕР, НЕШЛА – ЦАДЕХІ

Дарган мез нушаб дурхъати сари. Сепайла дурхъати диалра илдачила хъумуртули саби гъаннала дурхнанни. Ишхелла замана шагъуртазиб дурхнини чула бегитачил урус мезли гъайбикчули саби. Ил бегитала халаси хатла саби. Нешла мез хедалуси адам кларала пяхъибубси галгагъуна сай. Лебтасалра чула нешла мез дигахъес гягнинили саби.

Гъарил адамлис нешла мез дагъес гягниниси саби. Нешла мез адаб-хияла ва культурала давла сари. Дарган мезла къадри-къимат хедалуси я дарган мезла учитель я дарган дурхнала бегити биэс хебирар.

Виштгахъейчивад вехихъили, ухънаваили вебкес ветикайчи адамла гямуру мезличил дархдасунти сари.

Дуньяличиб дебали бахъал халкъ леб. Гъар миллатла халкъла чула мез лерти сари. Гъар мезла сунела жагадешра, кеглебдешра мягна саркъибдешра лерти сари.

Нешла мез мяхикамли дихес ва дагъахъес дурхнази нушала чебла саби.

– Дучленая жузи, журналти, газетаби, гъайдикленая даргала литературный мезли!

Нешла мез детахъалли,
Нура ветихъусира
Нешла мез хедагъасли,
Бегити агар язихъра.

Зубайдат РАМАЗАНОВА
Къаякентла районна Сагаси
Вихърила школала учитель

ДАРГАН МЕЗ – НУШАБ ДУРХЪАТИ МЕЗ

Сецад дурхъати диаллира, ишхелла агиличи херъили гъайкалли, цаца-бехI дарганти, илди мучлагардарили, урус къамличи шурбухъи саби.

Наб гъанбиркули саби, нушала шантани, цугбуцибхелли цархIил шила халкъличил, имцIали дузахъули сари саби-бегIти мез. Шилизиб лебилра саби-ургаб дарган мезли гъайбикIули саби.

Сецад или биалра, гъаннала жагъилти багъла-багълали шурбулхъули саби урус мезличи. Илди къайгъилизиб саби чула дурхIни гъала-гъала урус мезли гъайбикIахъес бурсибарес. БиштIа дурхIнани нешла мез дагъайчи руркъули сари урус мез. Нешанази хъарбаалли, сен дурхIнани нешла мез хIедалути-ван, нешанала жаваб саби: «ВегIла мез сен-дигара дала , урус мез дагъалли, дурсрира ункъли дала».

Наб гъанбиркули саби, гIямру гъаладяхI дашниличибли, адамла сунечи диги беткайхъули саби или. СенахIенну вегIла вегIли хIурмат хIебируси адамлицун сари нешла мезичир урхIла мез гъалар чедиути.

Ишхелла агиличи херъили гъайкIалли, дарган мез, дарган мезла дурсри лергIер гIелакадулхъули сари. ДурхIнала илдачи сегъуналра иштяхI агара. Леб бахъал дурхIнала бегIти, сабира бикIути: «ХIебируси биалри дарган мезла дарс, ил англияла дарсичибра къиянси саби». Нушала шилизиб бухънаби лебгIеб камли саби, гъалаб илди бахъал бири. Илдани чеалкIутази жура-журала хабурти дури, бахъли дали. Гъанна я дурути агара, я дагъес дигути агара. Культура беткайхъули саби. Гъанбикесли саби , ца вецIал-вецIну шура дусли Дагъистан дахъал миллатунар улка ахIи, ца миллатла улка бетарар или.

Лерилра ихди нуни дурибти нукъсандешуни, гIергъити дусмазир гъатира цIакъдиубли сари, хаслира школабазир даргала дурсри камдарили гIергъи.

Адамтала пикрумира дарсдиуб, илала дурабад , даргала дурсрира дурхIнас камдиуб. Сецад нушаб, учительтас, дурхIнани дарс балули дигули хъалли, нуша бегIтанира багъудила управлениелира гIерхIедуцахIелли, нушала хIянчи дигусиван бетхIерар.

Халаси къайгъилизиб саби учительти дурхIназир мезличи диги абикъес. Илдани дурадуркIули сари жура-журала далдуцуни: викторинаби, конкурсуни, конференцияби, вечерти ва ц.

Наб гъанбиркули саби, ишхеллагъуна хIеруди биралли, бегIтани дурхIнала дарган мезлашалти багъудлумачи, челябкълализиб илдала багъуди гъатIира убабиркур или. Илбагъандан учительтани халаси пикри бяхIчиаэс чебиркур ил секIайчи. Нушаб, дарган мезла учительтас, лебгIеб къиянни саби дузес. ДурхIнала иштяхI акIахъести далдуцуни дурадуркIахIелли, жузазирти темаби кадирхъес бажардидиркули ахIенра, сенахIенну сягIятуни камли сари. ДурхIнала иштяхI ахIекIалли, илди сеналра дарсличи хIядурбирули ахIен.

Нуни маслигІятбирулра, барес вируси тяхІяр биалли, гьар класслизиб ца сягІят имцІабарес.

Нушала школализир чумал дус гехІгьибил – урчІемъибил классла дарган мезла жузличил узес тяхІяр агара, лебгІеб буркъбиубли, дайхъала кІапІри агара. ДурхІнази гІягІниси багъуди казахъес вирули ахІен.

Издательстволи дурайули диалли, илди жузи, бабза мужаллатла дегІти арцлис асесра хІядурли саби.

Земфира ЮСУПОВА

Меусишала урга даражала школа,
Дахадаевла район.

СИРИЛАВ ЛЕВХІЕЙЧИРАД

**Нильличил гибти нешли
Мезра, варкъиб анкъира
Арукъядли датурли,
Чили бала чи сайрил?**

**ХІу варкъиб нешла мезра,
БегІгачи гьундурира
Хъумкартурли виадли,
Чили бала чи сайрил?**

Гьарли-марси дарган адамлис нешла мез – сирилав левалхІейчирад сунени дикъути мез, чебиути неш-дудеш, узби-рузби, узи-урши, лебил даргала миллат, илдала культура, гІядатунни, гІядлу-зегъа, даргала миллатла вакиллис дунъя гьаргбарибти секІал.

Муртрил декІар-декІарти миллатунала халкъ хІербирути мер-мусаличиб лебси чула вегІ-вегІла мез хъумкартнила изала, сецад хІейгеси биалра, чейхъусили уббухъун. Гьанна ил лебилра Даргази тІинтІбирули саби. Даргантищун хІербирути шимазибра дакІубиубли саби чула биштІатази «мамина», «папина» бикІути бегІти. Илдигъунти бегІтани пахрубирули саби, халаси секІайзи халбирули саби чула дурхІни урус мезли гъайбикІни. Илдас аргъес дигули ахІен къялюбала жагадеш мякъязибад дигахъуси биъни. Мурт-биалра «гъалабахІ арбъкъунти» бегІгачи «вегІ-вегІси миллат» ибти дугъбала мягІна аргъибти дурхІни дугъабилзан: «Дила уршили сунела мез хІедалнила гІяйиб хІушачиб саби, ахІерти неш-дудеш: хІушани набзи хІедагъахъуррая дила мез, ил сабабли набзиб агарси секІал хІейубра нуни дила челябкъялализи бедес. ХІушани биалли хІушазиб лебси секІал наб гес хІедиубрая. Чинаба дила миллат, чинарара нешла мез?»

Дуб-дубли нешла мезлис даибти дурсрала лугІи камбикІахъули саби. Нешла мезла учительгачи кабирхъуси дарсла тема, бириси хІянчила бетуц урус мезли лукІеная ибти тІалабуни имцІадикІули сари.

Гъалаб цархІилти предметунала тема аргъахъес багъандан учительли нешла мез кумеклис кайсутири, гьанна нешла мезла дугъбала мягІна аргъахъес урус мез жидарес чевкъути анцІбукъуни къаршидиркули сари.

БусягІят, дила пикрили, дарган мез умцангачиртигъунти сари. Чидил шали декІбиэсара: чули саби биргІябиргили, халкъли, чула хазнара беткахахъи-

ли, сабира беткахъесара, яра илди чула тарих, хасдеш, рухІла давла, букъур, культура, гІядатуни, жагадеш диъниличи шакбикибти даргантани чІумали къяшмачи гІашдатесара.

ИкІ кІиибил къукъялизи кадурхутира нуша, даргала мугІяллимтира, илкъяйда даргала газета-журналла хІянчизартира, радио-телевидениела хІянчизартира, библиотекарътира, театрла хІянчизартира, колледжуни-университетунала преподавательтира.

Халкъ мицІирли кавлуту саби чула культура мезра лералцадхІи.

Се барес вирара илди агархІедиахъес?

БегІла гъалаб бареси – гъарил дарган адамли хъумхІертни гІягІни сай дарган виъни. Илис, сунела хъалибаргличивад вехІихъили, дарган мезли гъайикІес чебси биъни.

Вирар, дила пикрили, гъанналаур урус мезличил дурадухъунти, бахълис гІяхІдизурти биштІатас ва халатас диэсти ГІяхІмадхан Абу-Бакарла гІяхІцад киноби, мультфильмаби даргантас ва цархІилти миллатунала халкълис чула вегІ-вегІла мезличил гъаладихъес

Вирар белгити дусми хІясибли декІар-декІарти конкурсуну дурадуркІес: хІязанала, назмуртала, далуйтала, делхъала, сценкабала... Вирар илдазирад гІяхІигъунти дисканази делкІи ва цархІилти тяхІурти пайдаладарили, дарганти-урга тІинтІдарес.

Вирар писательти-поэтуначил, театрла хІянчизартачил ва ц. гъунибаъниби дурадуркІес.

Гъайгъай, илдигъунти хІянчурбас къияндешунира гъалахІедизурли хІедуар. Илдигъунти гъаликІуни урдацІахъес хІякимтанира кумекбируси биалри...

Сецад мез дагъес виалра – гІяхІси саби, амма бегІла гъалар дагъес гІягІ-нити вегІла мез диъниличи сегъунтилра ташмишдеш диэс гІягІнити ахІен.



Проза

Тавсултан СЯГИДОВ



ДУГЛА МИРХЬИЛА ВАРЪА

Хабар

Дугла мирхьи сунени чехедааллира, илдачила хабар хергъибси къалли хергар. Дубуртала ургабси мурхъси къярдак клухбиклули кабухъунси бамкъурси Сулахъ херкла дублар ахъти лусенти дахъал лер. Херкла дубларти мер-мусаличир унхъри сари. Илдазирра мер-мерличир мирхъила тлакъни чедаэс вирар. Нушала Дагъистанра мирхьи адилкъуси мерлизи халбируси саби. Хияжликъянабани зияратли аркъухели чучил барх варъара кайсули саби. Иличи гярабла улкназиб халаси тлалабра лебли саби.

Чилра ацлес хейэсти лусентазиб бирар дугла мирхъили чус пукъа бирусира. Лусенна катругси бялкад кабухъунси варъала херкличила хабурти дурули бирар. Сари мирхъили лебилра ваъа берги таманбирули ахен. Адамтанира ил касес бирули ахен. Илбагъандан сари халаси варъаличила хабурти дирутира. Удивад илди лусентачи ацлес хейрар. Чедивад, вайлиу танил бигъи, сай кайцуси, амма илхелира мирхъиличи ваэс гъамадли хебирар, сенкун мирхъила пукъа леслизибад дурасабухъунси хъинжла идиб къаршибикес асубирар. Гъаяличив жибжиркавхъунси варъа кайсан мирхъила пукъаличи ветхеэс асубирар. Дугла сарли хъалли, мирхъира мехлурти дуили ахен: дебаси мерличи сари илди минадирути. Дебали хъярхъси адам виэс гягниси сай дугла мирхъила варъа касес валилзуси. Ил барес гъариллис имканра хебиклур. Варъа багъандан сунела гямрулис илгъуна урехи аклахъесра гъарил къабулхеркур.

Дахъал дусмазиб илгъуна дугла мирхъила пукъа бирусири или бурули бирар Сергркъалала районна МахIяргила шила мер-мусаличибси шурмала леслизибра. Иличила нунира халатани буруси хабар хиясибли сабри багъурси. Гъаннара ил мирхъила пукъа бируси мер чебаэс вирар. Амма илаб мирхьи жявлил агара. Ялгъан мирхъичибани заябарибал яра цархил тяхIярли мирхьи беблахъибал буресра хейрар.

Дугла мирхъила варъа биалли адамта жяв заманализибад кайсуси ва пайдалабируси буили саби. Илди мирхъира адамта чупразир ва тлакъназир адилкъути мирхъигъунти сари. Адам илди адилкъес мурт бурсивиубсилрил бурес гъамадси ахен. Мирхъила хъалибарг биалли гъанна азгъин мирхьи-

чибачибад вацџурбази гџаббулхџули бирар. Илди чула бегџа учисадяхџес ва сагаси гџакџализи мерладарес хџебиубти анџџбуџьуназир, мирхџи ил баргибтани чус арбикули бирар.

Ну я мирхџичи ахџенра, я дебали варџа дигути адамтала лугџилизивад ахџенра, хџятга дила хала нешла мирхџи дирули калун диаллира. Хала нешла гџарзали варџа бирухџелира, нуни ил иштџахџличил декџар букули хџейрира.

Амма дугџла мирхџиличи вахџягес набра кџадарбиуб. Итхџейчибад нуни варџа бекџлил букули ахџенра. Мажахџят, калунти гџямрулизивра ну ил букан ветаиша...

Пачалихџ пашбехџубли, халкџ балагџ-кџадарлизи гџелабикибхџели, марлирагу, зарал хџебиубси адам кахџелун ургар. Тџутџила унхџри биалли, пачалихџ бехџес гџяхџцадла гџаларал, микџхџенти бикџуливан, Кџакџуй Махџамадли (Горбачевлис сабри илкџяйда бикџути) урасахџибтири. Тамашагу, ягџари, мехџуртали маркџуд, тџутџи деркесра тџутџила шин дарили держесра вирути сари. Тџутџилизирад дарибти чџягџирра конџякунира хџунира дџули ургуд кџалли! Адамтас хџянчира лер, мар-марли гџяхџси хџайрира лугули саби. Тџути дашахџути районтазир лерилра гџундури булан кџирли дуџибтири итхџели. гџабкџя тџутџи дашахџанти гџар дус бамсриаахџахџес ва дунџя чебаахџес турист архџябачи дурала улкнази булан бурхџутири. Амма тџутџила унхџри датахџес чилра дурахџевхџун. Гуржнала «Отец солдата» бикџуси машгџурси кинофильмлизивси ухџна гџаниркули ургар хџушабра, илкџун фашистуначилси дергџла замана тџутџила галга танклизи бяџахџуси нушала ургџанничил вџахџес вализур. «Ишди тџутџила кџадуби хџуни дакџахџибтив?» или или вехџизур ил советский ургџанничил. Хџякимтала мехџур пишначи дукаркџути лебри, амма илдира тџутџила унхџри датахџес дурахџевхџун. «Фильмабазир дуилра нуша гџяхџгџубзни!» – мурталра хџутурикџусири дила дудеш. Ил сайра тџутџи дашахџан сайри. Дебали деџџагиб илис унхџри багџандан, зџгџип булан икиб.

«Унхџри сагадирехџе» бикџули биубли саби гџал дусличиб имџџали, амма гџаннара удатес балкџхџеурли лебал. Нушачирван Армениялизирра итхџели тџутџила унхџри урасахџибтири. Армунтани унхџри жџявилл сагадарили саби ва Европала улкнази конџякли бирџули саби. «Урџурли гџяра бурџантира» дикџули гапдикџули хџалли, нушала някџби тџутџила унхџрачи детиули ахџен. Тџутџила унхџрала мерлар занзбала кџадуби дакџили сари яра цацадехџ мераначир унхџрала мерличир ризкџи делџули сари. Халаси улкализир тџутџи дашути мераникџун дахџал агара. Дурала улкназирад дихути чџягџир асес нушала арџра диули ахџен. Кџизларла ва Дербентла конџякла заводуни лебилра Россиялизир машгџурдиубли сари. Мукџрачир ва сџахџбатуначир дирар нушачир конџяк кадирхџутира. Тџутџи дашути мер-мусаличир ризкџи дашахџни такџсир биџниличил нушала хџякимти пикрибулхџули ахџен. Хабарла Писки Мџахџ викџуливан, «Вирулрив – аса-бица, хџейрулрив – мухџли буца!» или, баткабихџили саби нушала ялгџан хџякимти. Марлирагу, чина бетаэсара нушала бячун урџура?..

Дила дудеш тџутџи дашахџан сайри. Гџавкџя бригадир Бузерила Хџунтџена Байрахџла орденничилра гџяхџцад медальтачилра шабагџатлаварибсири. Ил бамсриаахџахџес Кубализира вархџибсири. Чарухџунхџели, иличи гџалмагџуни бакџиб ва «Кубализибад се хири?» или хџарбаиб. Дудешли илдас кубалан ромла шишара кабихџибсири, дитџакџахџес хабарла кубалан сигарабира дедибтири.

– Гур се хири? – хърбаиб илизи.

– Хера ишра! – иб илини ва Вародерола пляжличиб халаси къркьа регI негр хьунул адамличил барх касахьибси суратра чебаахьиб. Дудешла гьалмагьунас иличиб халаси савгъат биэсра хIебири: бамсайчи дукаркIули калунтири. Нешлизира масхурта бугьутири.

Дудешли юртла азбарлаб тIутIила бурх бетаахьурли сай. Нешли компотунира варенъебира дирули рирар. Дудеш чягьир дирес даимиубли сай. Унрубанира илала чягьир гапдирули бирар, ухьнала уркIи разибирахьули.

Кубализивад чарухьунхIели нушачи бакIибти илала гьалмагьунанира дудешли хьулир дарибти чягьирра халдариб, илдикIун итхIели гьарилла хьулир сецад-дигара лерра лерри.

...Ну узуси мебель дируси заводра пяхIли буахьун ва лерилра ялчни дугIеира. Алжанала анхьлизир дируда бикIути нясанани нуша гIяжаибли диргIядургира. Беркеси агарси адамлизира хIерируси хьайс багьа биха бикIес урузхIебиуб. Батурли хьалибаргра нура, узес Москвализи арякьунра. Улка хьямбушибхIели, пай бикахьес бажардикибси ца адамлис ядала вацIала бухIнаб кIялгIя лушули узули калунра. Дусличивра имцIали илав узули калунра, амма юрт бирахьуси хужаим хIулба вяхьясалра чехIеира. Илала «прораб сайра» викIуси ца эрманили сарри нуша хIянчиличи дуцибтира. Нушани тIашбатурси кIялгIялизиб арагIеб министерство яра дурхIнала анхь мерлабарес вири. Хужаимла юртла азбарлизиб ил визахьес гьарзаси бассейн барес гIягIнисири. ИлхIели нуни прораблизид Дагьистайзирад урхьула гьяркни хес гIяхIсири бассейнна лутIи жагали някьиббарес ира. Илис дила пикри гIяхIбизур ва «камазличил» илди хахьес МяхIячкьалализи вархьира. Машина гагьбатурли ядала уркьла бицIира. Нушала шагьарлизибра кIялгIни тIашдалтути итхIели цабахьал багьарбиублири. «Сагати дагьистанланти» бикIулри илдас. ЦабехI илдас «баркьудила адамти саби» бикIулри. ЦархIилтани илди халкьла лебдеш чускабирути хьулкнази халбирулри. Илдас уркьли дицира. Урхьула дубларад дучибти гьяркна бицIибси машиналичил Москвализид чарухьунра. «Цацали далцунти сари» или бурирагу прораблизид, ил кьабуликиб ва наб гIяхIси багьа гиб. Илди гьяркначил унраличирти кIялгIнала азбуртазирти бассейнтира жагадарахьес хьарбариб прорабли набчира дила кIелра гьалмагьличира. Нушаб гIяхIси багьара гиб, прорабли нуни хибти гьяркнас сунесра гIяхIси напакьа бикахьиб. Наб илаб дебали гьарбизур. ДурхIнас видео, фотокамера, хьунуйс дурхьати гулбала хIяка, наб «мерседес» автомашина булан асира. Дила шанта нура буржуйлизид халирулри. Машина багьарбиубхIели бикIути бурги.

Прорабра нушачи разили сайри. Дарес хIянчира лерри, багьара гIяхIси лугулри. Адамлилис зугIяла биэс гьанбикалли, сабабра алкIули буили саби. Ца бархIи дила гьамси Абакарличибад кагьар бакIиб. Ил итхIели Алтайла крайлизив узули уилри. Ца давлачбси хозяйстволди ялчнас авал квартираличилти кIидярхIла юртани лушахьули дуилри. Барибси хIянчиличи хIеръили, багьара гIяхIси лугули буилри. «Жагати мер-муса сари. ХIянчира илцад декIти ахIен. Ваши нушачи», – лукIулри Абакарли.

Камлив жагати мерани Москвализир!? ХIянчира лерри, гIяхIси багьара лугулри. Се сабрив наб хIебиуси? Адамли, викIулрагу, лебсиличи разили хIерис балули ахIен. БебкIес балбизалли, имиалалира дуклуби адиръу, бикIар. Тяп илгьуна бетаур набчилра...

Адамлис гьатIира дахьал дигули сай. «Кален. Чинаб бирусив ишгьуна мер?!» – бикIахьули юлдашунира, арукьес вализурра. Прораблисра хIейгули ахьиб аркьулра или багьахьурхIели. Ил кьалли наб гIурра багьа имцIабарес булан хIядурли сайри. ЛехIхIейзурра.

Машиналичив МяхIячкьалализи вакIира. Хьалибаргра чебаили, чумал бархIила гIергьи, Алтайлизи арякьунра. Наб разили гьунибаиб. Дукули-дужули абзур бархIи беркIира. Совхозла директорра леври нушачил кайили. Дила гьалмагьуни кьацIли букес столоваялизи башули ахIенри: гIяхIси поварлизи хурегуни дирахьулри. Берк-бержла продуктуначилра совхозли гIердурцутири. Гьар жумягIлизиб белгьахьес нушаб цIерхьси маза кабикусири. Набчи илар прорабла хIянчира хьарбариб. Гьар секIал лерри, селичилра кьакьадикIесли ахIенри.

Ца бархIи совхозла директор сунела машиналичиб варьали бицIибси бидонра сайра нушачи дурайкиб. Пергер адам сайри ил. Совхозла ялчни иличи дебали разили сабри. Илала халаси хIурмат бирулри. ГIямрули нушачив халаси сайри, амма сунела дурхIначилгьуна вири.

– Дурхьабарес балбизурли хIебиалли викIулра, чинабалра чакар агара. ХIушаб иш варьа хилра. Чакар баргайчи гIямал барес диишагу? – викIар ил, сунечиб гIяйиб лебсиван.

Алтай варьначил хабарлис буруси мер саби. Нуша дузуси совхозлизирра мирхьи адилкьули буилри. Ца бархIи нуша совхозла халаси складлизи дукира. Иларти варьни чедаибхIели тамашадиубра, сенкIун чумилра журала варьни лерри илар. Нушани чузи авцIали литр хIясибли варьала кадурцути ца-ца бидон сасира ва хьалибаргунас Дагьистайзи дархьира.

Совхозла бекI инженерличилра тянишиубра. Дебали вабза, чармагьуна адам сайри. Амма дебали кункли вяшикIес вируси. Ара-сагьсира сайри. Ил нушачил гьалмагьикиб. Маза белгьунси бархIи хIяли-сирисайчилси хинкI-личи жиirusири. Гьарил ярга илини нушаб хинкIличил держахьес коньякла кIел шиша дихутири, нуша мадихид дикIахьули. Ца шиша илини сунени бужи. Илалагьуна зурбаси кьаркьа вегI адамлис ца шиша се сабри! Нушачил барх варьаличил чяйла бужухIели, илини иб:

– ДурхIни, иш варьа селра ахIен. Ца бархIи хIуша нуни варьаличи аркура. Ядала вацIализиб нуни балуси дугIла мирхьи теб. Илала варьа халбирехIе.

Гьар кьаршидикибхIели, нуша илизи дикIутири: «Мурт сарра нуша дугIла мирхьиличи аркьути?» «АркьехIе, аркьехIе», – билзахьи илини, амма сенал аркьуси бархIи сабиули ахIенри.

Ахирра ца бархIи ил «жигулиличив» нушачи дурайкиб. Машинала багажниклизир варьали дицIес касибти какьлумира лерри. Мотопилара чебаира илаб. Мирхьичили чебирьуси мяхIкамдеш бирусиди кьапIара лебри. Илини ну машинализиди айахьира. Дила юлдашуни биалли хIянчила мерличиб бузули калун.

– Михаил Васильевич, гьарахь аркьути хIедиша? – хьарбаира илизи нуни.

– Хьурали аркьули хIедишагу, – викIар ил набзи, пишяхьили.

ВацIа нуша дузуси мерличибад гьарахьли ахIенри. ЧIишликуни дарес нуша чуйнал ил вацIализиди дякьунра. Пергер мер-муса сарри иларти. ЦIа абикьурли, чIишликунира дерцIили, дукес кадиибси замана вацIализибад дурабулхьуси халаси синка чебаира. Нушазиб ярагьра аги. Синкали нуша чедаира, амма ил нушачи гьамхIебиуб. Нушани буцIуси чIишликIа тIемличиди мага муза-

бухъунси хЛебиалри. Нушанира тАма-гъама ахъхЕдуцира. ЧехЕбаибсила дарили, батурра. Ил вацАализи арбякъун.

...Байхъала сягЯт мага диубли дургира нуша гъуйчир. ВацАала духІнарад дашулри. Михаил Васильевичли машина майдайчиб тАшаиб. Мирхъичила палтарли вегІнубли, мотопилара касили, ил ца халаси ядала галгаличи гъа-миуб. Гъаргси мерличиб тАшси галга дахъал къялубар ва дебали бабза сабри. Ванаси бархІи сабригу, урцути мирхъира чедиулри. Нуни багажниклизирад какълумира дурасира.

Галгала умхализиб хЕрбируси мирхъи нуни илис гъалаб чебаибси ахЕнри. Умхара ванзаличибад кЕл метрра байхъалараван ахъли бииши викулра. Рур-гайчил тІярхъи батес биалри, гъайгъайрагу, варъа тІярхъилабад чяхІкабулхъи. Нушала рурганра аги. Михаил Васильевич галга-алав чуйнал ласухъун. Ил сунези сай гъайикІусигъуна сайри.

Дила пикрили, илала лебилра галга гераэс пикри лебсигъуна ахЕнри. Илис галгала умхализи бикайчи галга берчес дигусигъуна сайри. ХЕра мирхъичиличи шурухъунси инженерли расла мотор абикъур. ГІур галгаличи гъа-миуб ва рурчес вехІхъиб. Илени някъли набзи машинализиди кайахъес че-баахъиб. Папрусла къандакъра лайбакІили, ну «жигулила» кабинализиди кайира. «НушалакІун сецад-дигара варъа теб. Селис гІягІнисиди иша дакІес? ХЕй-гу-дигули хатІа бетаалли, се дикІутира?» - пикриикІулри ну. Ил балбуцлизир бутІакъяндеш дарес къабуликниличиди ну сенал пашманиублири.

Моторла тАмали паргъатагардариди диши, умхаларад зумали мирхъи урцес дехІдихъиб. Михаил Васильевич мирхъили алавуцилри, амма иличи къацІдикІес дирули ахЕнри. Цазамана кахти къябчІла тАма дурадикиб. ХЕрикІус – ядала галга шайчибяхІ кабиркули. Ца шайчибси галгала бабза къялила декІдешлиуб галга, рурчуси мерличибад халати тАмара дарили, кабикиб. Илала къяли чегибси Михаил Васильевичра ца шайчивяхІ аркур. Мотопилара ванзаличи кабикиб. Ванзаличибад ахъбируси галгала мархІя бячунси мерличибад варъали чяхІбикІулри. ХЕнкъ барили мирхъи нушала инженерличиди чедухъун. ДиштІати тІярхъубар сеткаличилси къапІа ванза-личибад касесалра валкъхЕур. Левилра ил чедухъунти мирхъили вицІилри. ТІяхІ-тІяхІухъун. Хъяб суркбариб, амма чедашути мирхъи гъатІира имцІа-дикІулри. Камси заманала бухІнаб лебилра майдан пІагъ-или бучЕскабииб. Гъар секІал дархъдатурли, Михаил Васильевич машиналичивяхІ дуцІухъун. Нуни бухІнабад илис кабинала унза абхъира. Ил хІилхІи ухІнайкес валкъа-ур. Амма иличил дарх кабинализиди дахъал мирхъира духІнадикес далкъаур. Итмадан чумал мирхъи набчира къацІдикІун. Илдачи гІяйиббарес аги: чучи зулму барес далзиурти нушачи чулира чябхъин дурабуркІулри.

Майдайчибад машина хъярхъли гъайбарес вирули ахЕнри. Инженерла игъбарбиуб, ну шоферли къаршиикили. СуненикІун машина бикес хЕйри. Итира бабза илала бяхІ чебаэс аги, бемдурли, шарван кабизурлири. Кабинали-зивра Михаил мирхъиличил ургъулри, амма илди чедидиркулри. Хан гъуйчи дурадухъунхЕли, нуни машина арцахъурра. Амма нушаб гІергъибухъунси мирхъала хЕркІра чебиулри. Илдала нуша дархъдатес къас лебсигъуна ахЕн-ри. Набзибад валликъянас цархІил кумекра аги. Кабинализиди адацІес бикибти мирхъи набчира къацІдикІес даимдиублири.

Ца гІяхІси, поселоклизиди больница чинаб сабил нуни балулри. Илала унзала гъалаб машина тАшаира. ИлхЕйс итира вабза Михаил Васильевич

тамай журугиублири. Илала вяхI гъалаб лебсиличиб кIнавали кьалли хала-баилри. ХIулби бекIлил чедиули ахIенри.

Ну дуцли больницализи ухIнавхъунра ва тухтуртази нушачи мирхъи чедухъи сари или бурира. Илдиря кьакъализи дурабухъес урукIулри, багъдиубти мирхъи чучира кьацIдилкан или. Михаил Васильевичли селра чебиули ахIенри ва саял вашес вирули ахIенри. Пелахъес вализурра, вирусу! Чула валусиличи гъаббакIес больницализи бакIибти кIел адамли наб кумекбариб. ХIилхIи нушани Михаил Васильевич тухтурла кабинетлизи ваахъира. Ил чеибти жагъил медсестраби гъандуцес хIебиубли дукаркIулри. ДукархIекIес декIар бирару, Михаил Васильевичла лебилра бяхI бемдурлири, кIунтIуби булан баягъи жагариэс или кIунтIуби тухтуртази дабздаахъибси къуймур-гIянтIикIалагъунти детаурлири. «УбкIар кьалли гъанна!» или, нура тамай уркIухъунра ва селра эс вирули ахIенри.

– Иш итира вабза урги? – суайчил хIеризур тухтур набчи.

– Сайри,- марбарира нуни.

– БегI гъалав сай нуни ишгъуна даражаличи викибси адам чейуси. Гъари, кушеткаличи каркъая. Синкацад левгу сайра! – викIар тухтур.

Медсестрани хибти шприцуначил тухтурли Михаил Васильевичлис гъар-гIергъили кIел укол дариб. Бемдурси тIагъаван кайзурси нушала инженер гъигъикIули виънира багъес вирули ахIенри.

– Ай-яй-я! Ишгъунара бирусив? ВебкIесра асубираргу иш! – гъарли-марли кьакъавакIиб тухтурра. ДугIла мирхъила авара хIедиалли ишди...

Медсестрани Михаил Васильевичличила баянти лукIухIели, ну чи сайралра хъарбаиб.

– Дагъистайзивад иша мирхъиличил вирхIес вакIибсирив? – викIар тухтур набзира. – Иш вебкIалли, хIура туснакъирури, – паргъатли иб тухтурли набзи.

– ХIурматла тухтур, селра ахIерахIебирис. Иш адам верцахъес хIуни вируси бара. Дигалли арц лугас, дигалли дармунти дургис. Балагъ саби бакIибси! Икьалавии!- тиладиухъунра ну.

– Гъанна иш паргъатли ватес саби калунси. ХIердикIехIе анцIубукъуни секъяйда гъунчидиркурал. Ара-сагъси адам сай. Гъандуцес бажардиикесра асубирар. ЦархIил жявлил таманкайри.

Ил бархIи ну больницализив калунра. Медсестрази замана-заманаличи аги-хIял хъардира. Нуни Михаил Васильевичлис гIур барес вирусира аги. Чуйнал тухтурличира вякъунра. Тухтур хъули арякъунхIелира, ну больницала унзала гъалав калунра. Тухтурлира, хъулирад зангъдяхъили, Михаил Васильевичла аги сегъуна сабил хъарбиулри.

Къанни дугили сайри ну гъалмагъуначи чарухъунси. Дила хабарли илдиря уркIаиб. Илдасра Михаил Васильевич язихъилзулри. Илала хъунуйчи нуша музахIедухъунра. Совхозла директорлизи илис бетаурсиличила багъахъурра. Илини Михаил Васильевичла хъунул паргъатрарилри: жагIял-царахIел больницализивад дураулхъан или бурилри.

Сунес дигуси сабри илинира бурибси. Амма ну урехилизив сайри. Дугили гъанкIра хIебакIиб. Сегъунти саррил муэрти чедаира. Савли жявли айзурли больницализи арякъунра Михаил Васильевичла «жигулиличив». Ил дагърилизи вакIилри. Амма хIулби абхъес вирули ахIенри. ТIагъаван кайзурли левалри. Тухтурра жявливан больницализи дурайкиб. Илини гIурра уколра бариб.

– Бархлехълис белгибирар се бетарарал. Гъачамлис паргъатли валтехле, – виклар тухтур, келра шайчивяхл бекли гъакликлули. Михаил Васильевичлис бетаурсиличи сай тухтур тамашаирули левалри.

Дила вяхла ца шалира бемдурли лебалри. Балуй хули абхъесра вирули ахенри. Тухтурли набра укол бирис или багъахъургу, ну къабулхейкира. Больницализи Михаил Васильевичла хъунула дурарикиб. Ил жагати куц-кабизла регл ургарти гямрула хъунул адам сарри.

– Халаси адамличи лайикъти авара сарив ишала?! – ил муруйчи гым-рукили лералри. – Дугла мирхъиличилти авара урехилати диъни хебалусирив сунени? Цархилтанира балулригу ил пукъа чинаб сабрил. Лебилра халкъли бала гъанна сунес бетаурси ва дукелциличи ирхъу. Ихъалли ихъаб! Беклбяхълис мар-марли гяхлси дарс саби! – хъутурриклули калун ил, гур, някъра гъакбарили, разиагарли хъулирхл ратрихъиб.

Гъайла къанга, хлябъибил бархли Михаил Васильевич бара мицлрсайуб. Хулбира бара ибхъес вираниуб. Ил сайра дебали урухиубли виъни багъеслири.

Ца бархли бархлехъ нуни тухтур кафелизи арукира. Къалайкадиубхели, нуни ил лявварес къасбарира. Амма набзибад селра сасес ил къабулхейкиб.

– Ягъари. Михаил Васильевич нунира валуси адам сай. Халкъла ургаб халаси хурмат лебси адам сай. Ил мицлрли калниличи хуван нура разили сайра, – виклар тухтур. Амма ил нуни Михаил Васильевич больницализиwad дуравхъунхели бируси «пикникличи» ваклахъес къабуликахъира.

«Пикникра» ункъли бетерхур. Чишликличи вацала майдайчи нушани Михаил Васильевичличил рарх илала хъунула жирарира. Ил дебали разиси ва адамтачи дигичерси адам руилри. Сай Михаил Васильевичличи хекъли ралрикибси. Совхозла директорра леври нушала ургав. Амма лерилра ихтилатуни дугла мирхъиличил дархдасунти сарри.

Нушазивад цалра мирхъи лебси мерличи музахлевхъун. Ила бякъунтани моторасличил дерчурли бекладарибти ядала хъитми чедаили буилри. Мирхъира иларад арцурли чинарил ардякъири. Какълумира, мирхъичила къапара, яда берчурси расра чилирил сунес ардухилри.

Алтайлизирад хъули чардулхъухелира совхозла директорли нушаб премияби сарлин гъариллис варъали дицибти бидонти гиб. Дила хъалибаргли, тухумли, унра-хунрали варъаличиб кеп чебаиб. Амма нуни ил варъа халхлебарира. Дугла мирхъила варъара халбарес хебикили увкалунра.

Итхейчирад чум дус шалгердухъив, амма Алтайлизив дугла мирхъила варъа касес укъниличила ва илаб нушаб бетаурсиличила гъаннара хъумартурли ахенра.





МяхІяммад КЪУБАЕВ

ЖУРНАЛИСТЛА БЕЛКІАНИ

ХАБАР ХІЕБУРЕСЛИ

«Ленинна байрахъ» газетла корреспондент Виктор Слепищевра нура Кочубейла зонализирти хъарахъуназир командировкаличир сарри. Дебали бугІярси замана сабри. Лебри халаси дяхІира.

Нуша архІяличи дурадулхъухІели, валлагъ 23 къуруш ахІи арц агара или Виктор хъямаиркъусири. «Детский мир» тукейзир рузуси хъунул къаршихІерикниличи дуршулри арц камли диънилис сабабти.

Ца бархІи бархІехъ нуша Лавашала районна ГІяялахъябла совхозла хъарахълизи даира. Илавси бригадир искладчи Сурхаев Сурхайли, цІерхъси мазара белгъи, нушаб хинкІ бариб. Лерри пІехІдарестира.

– Нуша хІерелира дукунти ахІенрину, цІерхъси диъличи пикри бяхІчи-майид, – викулра ну дила вархкъянази. ЛехІихъуру гъатІи.

Тахличи нушаб буршмира дарили, Сурхай кайхъес цархІил мерличи арякъун. Бай дуги баибхІели, унзала гъалав Виктор улхъули сай. ЗярхІси диъ халал беркнила уюнти сарри илди. Дуравхъес унза ибхъули сай, амма гъала кабихъунси хя диргалабулхъули саби. «МяхІяммад, кумекбара, цІахкайрус», – викули къакъавакІили сай. Ну декІарли валтарав иш аждагъали!», – викулихъалли гІямал бетхІеур. БукІун варгили хя арбукахъира. ГІянручІра илгъуна «концерт» тикрархІебаресу.

Савли дурадухъес хІядурдиубхІели, дугели сунес кабикибси анцІбукъ чизилра хІебурахъес Викторли набзи тиладибариб. Ил хІебуресли наб хІябал шиша гІярякъила асес гІягІнитири. Ил анцІбукълис дила вархкъяла сунени дурутачир кІиркали арцра лерли урдухъун. Викторлис бетаурсиличила хІебурили буару гъатІи дила мухІли?

КЪАБАЧАЛА ГЪУНАР

Иш анцѣбукъ 1960 ибил дуслизиб бетаурси бургар или гъанбиркули саби. Уркухъла «Ильичла аманатуни» колхозла председателъли сунела машиналичир «Дагестанская правда» газетала корреспондент Навицкий-ра нура «ЧидяхІ» дубургази даахъира. Нуша илар датурли председателъ гѣлавяхІ чарухъун. Илар колхозла маза-масла кѣл бригада лерри.

Гъамли ХІурхъила колхозла мазара лерри. Илаб къуллукъбарили, гѣргъила бархІи Уркухъла колхозла урчира сасили, нуша шилизи чар-дулхъулри.

Халаси гъуни хІехъили лерай хІердикІулра: ХІурхъила къушлавад някъба гъакІикІули нушачивяхІ лякъуси ца адам. Бригадир сайли увухъун ил. «ХІушани наб ца урчи хІегес гІямал агара. Бурдукла мер-мусаличиб машина ругбяхъили гъамси хъунул адам алхи сари. Ила хІеэс гІямал агара», – викІар ил. Илис ну мурдайибси урчи бедира. Ца урчира нушара гъайдиубра. «Вили хъяб» бикІуси мер ахъибмад, хъябхъя дархти хъярхъти забли шайтІунтачи мешудикахъира. Иткъира кункли дегІдиубти нушала палтар таманни шин детаур. Гъарахълиб ахІи кІишала колхозла къулала ферма лебри. Ила дукъес ва дуги беркІес пикрибарира нушани.

Фермализи даэс нушаб хІеркІ ахъес гІягІнисири. ХІеркІ биалли хъярхълири, биштІасира ахІенри. «Урчиличи ца мурдадирехІе, цали илала къяш буцили ихъехІе хІеркІ», – викІулра ну. Цалра шайчив дила вархкъя разииркули ахІен. ХІеркІ камбиайчи цІуцІкадиэс чебуркъуб. Фермализи даибхІели, нушаб бригадирли кѣл къабача (хала хІяка) садухиб. Нуни ил бусягІятал чегъурра. Вархкъя биалли букІуси гІябаличи ахІи разихІейкиб. «Ну сибяркак сайра, уруххІекІус марка-забли вемхІурлихъалли», – викІуси ил гІяхІцад замана гІяба чегъурли калун. Кѣл-хІябал баз дикили гѣргъи хабар иргъулра тяхІувиънила сабабли дила вархкъя базцадхІи больница-лизив кали или.

КЕП ЧЕБААХЪИРА

Иш анцѣбукъ биалли 1944 ибил дуслизиб бетаурсири. Уркухъла Сталинна уличилси колхозла Огнила мякълабси хъярахълизив ну чягърла къараул сайри.

Чягърли дицІибти чумал чарма гъанналис искладлизи хІедедили дурар лералри. Башули саби набчи дукикъянаби, букІуни, авлахъла хІянчилизи ахъибти цархІилти адамти. Лугулра илдас белкъайчи чягър.

Колхозла председателъли ва бригадирли гъар бархІи, бикІуливан, «жинж бакІибти» адамти чебиули саби. Чягър дилгІули сари ибти пикрумачил набзирад дигІяй илдани гъарил чармала хъарличи хІунтІена къаламли байгъабси къел кайулри. Илисра гІямал баргира. Чягър ахъябла чула

лишанничил къел кабалтулра. Ахтардибирули саби, чула лишанти лерал. Амма «жинж бакИбтала» ва хІятта «гІиччутІралабиубтала» лугИ камбирули ахІен. Ахирра-ахир, умщурли чягъир складлизи духІнасиб. КартИбси бархІиличирад илди гІяхІцадла имцІали лерли урдухъун. ТутИла лерилра шин хІисаблизи кахІеснила асар сабри ил. ИтхІелла жагъилти ва гъанна бухънакабаибти гІяхІцад адамтани ихтилатлизиб бусягІятра иличила гъанбуршули бирар.

ПАЙЛИЗИВАД УХЪУНРА

Иш анцІбукъ биалли ну Дахадаевла районна «Шила гІямру» газетала редакторли узухІели, 1967 ибил дуслизиб бетурсири. Арши-мурала хІянчи детурхухІели, райкомли набчи Меусишала колхоз чебигъунсири. Уркухъла колхозлизибад ябура сасили ила аркухІели, наб гъунчив кършиикиб дила бегІлара гІяхІси юлдаш, РСФСР-ла урибси мугІяллим ва пергер адам Къурбанов Сулайбан. «Ваши хІура набчил варх, ишаб гъамли Уркухъла букІунира лебти саби. Илдачира гъардикІехІе», – викІулра илизи. Разикай-киб. Баргиб ябура. Меусишала колхозла мура уднила хІянчи демжурлири, багъана аги. Нуша Уркухъла букІуначи даира. Ил замана ЧебяхІ Мулеб-кІала колхозла председателли узуси дила пергер юлдаш мухІен ГІисала ГІяхІмадхайчира гъардакІира. Илаб дугира беркІира.

ГІергъила бархІи Уркухъла букІунани нушаб белгъи цІерхъсигъуна кигъа байхъу-байхъубарили диъра, бара хІядурбарибси нусила къуцІрира, селизи-сарил дергурли, улибхъала гІела дигъун.

– ХІела тухумли хІед халал пай барили саби, – викІулра ну Сулайбайзи, масхаралис.

– Шилизи даили умцехІе, цуг-цугбирехІе, – викІули сай масхарала жавабличил ил:

Илкъяйда ихтилатдикІути нушани Къябала дубура ахъибхІели, шинни дужес гІинизла мякъла хъурабарира. Ахъси мархІялизи бигъунси дила ябу сели сабрил тирхъбухъахъун, батбухъи биругІеб шилизибяхІ бебшиб.

– «Гъанна багъурри чила халаси сабрил», – викІуси вархкъялира цакъадар гъимукІахъибси нуни, хъурали шилизи ваибхІели, колхозла азбарлизиб ябу баргира. Улибхъала гІелала биалли бацІлири. Ухъахъунра нусила ва диъла пайлизивад, Сулайба пай биалли байхъу-байхъубарили кІилисалра бутІира.

МАЗАЛА БЕКІ

Иш анцІбукъ 1960 ибил дуслизиб биубсири. Сунела бунагъ-хатІа урдуц, вахъ пергер адам вирину дибгашан Рабада Сулайбан. ИтхІели ил МяхІячкъалализив Марковла уличилси къакъалабси юртлизив хІерирули

вири. Ногъайла авлахъуначирти хъарахъунази командировкаличи аркъуси нуни иличи хъурабарира. Дугели кел сятгъатличиб сабри наб поезд лебси.

Ил бархИ Сулайбайчи Дибгашила колхозла шофер Абакаров Гялинира хъурабариб. Автомашиналис гягИнихълуми асес вакИлри ил. Илди гъамадли дикахъес «пешкешлис» кигъара кили лебри. ГягИнихълуми биалли Гялис «пешкешИебарили» дикиб. Кигъа биали нушани Сулайба азбарлаб белгъунра. ГягИцад диъ шангла батаибХели, къумур-алавчарли кабиэстира дакИубухъун. Нуни биалли кигъала бекИ умубарили цархИл шангла батаира. Белхъунмад биалли, гъунчи аркъухИели беркес ибси пикриличил холодильниклизи кабихъира.

– ГягИси шадиб-гъуни барили гИергъи нуша дусес кадихъунра. СагИят ца диркухИели, ну айзурра ва холодильникличи ветухъунра. ХИерикИулра, хИякара убяхИяхъили сайра холодильникла гъала чИикъитИи хухдаршибси Абакарла Гяли.

– Ва Гяли, ва Гяли, айзи холодильниклабад дила айсуси лебну, – викИулра гягИси гИамаличил ну. Шикъулхъану гъатИи...

– Ну поездличи къанирулра, илаб дила шляпа теб, – викИулра ну.

– Шляпа бирару холодильниклаб! – викИули чебяхъибси илини Сулайбанра чевсаргъахъиб. «Ге, илала шляпа кабирхъули нунира чебаира» викИуси Сулайбай Гяли гъатИира тамашавиахъуб.

Холодильниклизибад бекИла диъла бутИара, стакан гИяркъилара дакИахъили, дубатурси ну архИяличи дуравхъунра. Чарулхъулагу, дила шляпала хабар гИинтИбуубли.

ЦИТИАЛА ГЪУНАР

Гяжкъакъализиб удибикили бебшибти Деникинна къазакъунала ца къукъа, Къябала дубурличибад бикили, Уркаряхъиб багъарбиубсири.

Илдани къасбарисире Хъярбукла шиличи гъужумбарес. Къазакъунала мурдабала къукъа «Унеу» бикИуси мерличи гИашбизур ва къяйк-къуйк дехИдихъиб. Хъярбукантани илдас чИумаси жаваб бедиб. Анар-ханарлизи бикибти илди гИелабяхИ бебшиб. ИлхИели илдани КИишала гягИцад хИентИби дигубтири. Хъярбуканти биалли илдас гИергъибикиб.

КИиша аркъуси гъунилис бегИлара гъамси мерличибси уркухъан Айгубла шинкъа кИишан ЦитИани бузахъусири, гИелабяхИ чарбухъи бебшибти къазакъуни чебаибХели, шинкъа гИашаили, ЦитИа ругерлизи дигИяникиб. Илавад хИерикИалли, хъярбуканти лишаннизи касес багъандан шинкъа чарла гИярхъилизи бухИнабикибти авал къазакъ чебаибХели, илини бусягИятал бархализи шин дархъиб. ШайтИунтиван бемхИурли илабад дурабикибти авалра къазакъ хъярбукан КИялгИя МяхИяммадла багъадуртани ясирбуциб ва, гИур дубуртази хИебакИесли маймайбарили, батур.

ИШКЪЯЙДАРА БИРАР

Цаличи ца мешути имџаливан килизанти бирар. Амма къаршибиркур цаличи ца мешути деклар-декларти адамти ургабра. Илдала уми цагъунти диалликун, цализибад ца декларбарес хлебалутира бирар.

Хџера, 1959 ибил дусла дуџрумлизив бара республикала «Ленинна байрахъ» газетала корреспондентли узес вехихъибси ну автобубличивад Мажалислизи каџира.

– Вакладив, Мяхџаммад, вамсуррив, арадеш сен саби? – викџули бекџилл тџанишли ахџенси адам гъуниваиб. – Хъумартурли хџейиши хџуни Шурагъатлизирти нушала гџямру, хџушани ну колхозла парторг варили.

Илини цархџил Мяхџаммадличил ну вархахъниличи шакикибкъи, мутџигџекџира.

– Ге, хъумартес вирару гъатџи илди эркинти ва разити гџямру, гџяхџиси мер сабри, – викџулри илизи ну.

– Ваши хъули аркъехџену, гџяхџялдеш дара, ихџилатбирехџе, – гъала-верхур ил. Марџира, илини бусягџятал къумурла ранг дакџахъиб. Сепайда, илав вагъариубси Хайдакъла заготконторала складла заведующийли узуси хџуллан Гџяликъади дебали диргалаухъун.

– Вяхџ, дила гџяхџял Къубайла Мяхџаммадли хџечи сен хъурабарисив? – иб илизи.

– Хџу пулан Мяхџаммад ахџенрив гъатџи? – дамкъурти дџахџичил хџеризур хъа вегџ набчи.

– Ахџенра, илала узикъар сайра, – викџулра ну.

Ил хџябдаршхъанри, Мустапа бикџи. Кџинайс нуша гџяхџити юлдашуни детаурра.

КЪУБАЗИЛА УНЦ

Уркухъан Къубази минала хъубзар вирусирџи. Дебали пергер масхарачи, урџиличиб гъими агарси адам вири ил. Кам-гъамли миџџираг дирџули вачарра бузахъи илини. Бири Къубазила ахџмакъ хъула унц. џџакълис иличил џугбуџеси унц хџебири хџенкълизџиб. Хџенкъ Къябала дубурличџбри.

Хъула залумра бири, бџахџес дебали дџгахъи, удихџебикес хџяракатла бегџри.

Гъачам гъалмагъунани Къубазис масхара барес къасбарџб. Хџенкълизџбад кили Къубазила унџла хъулдеш џудардарџб. (џудара рангли берхъур) ва гъачамалра сунени чехџеибси адамличил Къубазиси асахъес бархъиб.

Къубази хџерџалли, сунела хъулалагъуна каџизла, къаркъала џугси, ара-сагъси унц. «Агъ, хџябилра дила хъулачил бабгес џугбикеси унц леб», – викџули, бусягџятал бурибси багъа бедџили унц асиб ва хџенкълизџи бархъиб.

Ца жумягІра хІедикили лерай, хІенкьулачибад ишгъуна хабар хІебакІесу:
«ХІела хъула беткахъили бургар или пикриикІуси манзиллизир заб дарили,
хІуни асибси «цІудара» унц цІуббиуб. Ил хІела хъула сабли уббухъун».

Сунес масхара барниличи шакикибси Къубазис къутІкьухІегиб – илала арц чардариб.

ИШ КЪАЛЛИ МАСХАРА АХІЕН

Иш анцІбукъ алхІят бархІи Уркарахъиб кабикибсири. ГІяйшат-адай къарличи рякъи хІери гІергъи хъули чаррулхъулри. Шилис гъарахъли ахІенси мерличиб эмхІера гъаббашахъули сайра, базарличивад чарулхъуси ца адам цугикиб илис.

– Чарулхъулрив, хІебицирив хІела эмхІе? – хъар-хъардаиб гІяхІяйзи.

– Исуси ахІехъиб, чарбарили хъули аркулра, – илгъуна сабри гъункъяла жаваб.

– Сецадлис бирцулри? – хъарбаиб ГІяйшат-адаили.

– Ца миллионнис.

– Дурхъали саби.

– Сецадлис лугада? ЭмхІе дигули риадли, багъаличи валиркус.

– ГІяйшат-адаили хІябал тІул чедаахъиб. 300 азир къуруш лугас ибси иргъахъулри илини.

– ХІелугас, цІахли ахІену хІябдарш азирлис аждагъагъуна эмхІе.

– ХІегадли, бати, – рикІули, ГІяйшат-адаили гъуни даимбариб.

– ТІашризи! – иб гІяхІяй. – Диха хІу рикІути, эмхІе арбука.

300 азир къурушлис асибси эмхІера сарра ГІяйшат-адай разили хъули чаррухъун.

– Чумал сягІят дикили гІергъи, дила эмхІе сен тІайзи бигъунсири, ишини хІед се зарал барилив? – викІуси Идрисли ГІяйшат-адаила ряхІла ранг дарсдиахъуб.

– Иш нуни гъунчибад ца гъункъязибад 300 азир къурушлис асира, – иб ГІяйшат-адаили.

– ГІяхІяйзибад асес вирусив, савли бугахъес къадани кабатурси дила эмхІе? – иб Идрисли. ЭмхІе Идрисла биъни марбариб унра-хунралира балу-бирхантанира.

ГІяхІя сипат гъансабиркахъули лерал гъаннара ГІяйшат-адай.

ГІЯРЧУМАГ БИТІУН

1943 ибил дусла дуцІрум. Уркухъла Сталинна уличилси колхозла «Огни» хъарахъла авлахъличир хІянчи демжурлири. ДургІелализир унци ва гамушуни дабгили дугби дугули гІяхІцад адамти бузулри. Рахли, хапли дукІлиубад бердили ца гамуш бибшиб. ИлхІели илав левси колхозла председателъла заместитель Рабаданов МяхІяммад, урчила ургъур буцили, набчи дугъайзур.

– Гъари, урчиличи мурдайили илис гПергъиики. Каса иш гЯрчумагра. Вари гамушла къел детмайхъахъид.

Гамушли Мамедкъалала шайчибяхІ дуці даимбарилри. Ахирра Саликла къячІикІла мякълабси вацІала чирхълизиб ил тІашбизур, илабяхІ гъайбарра, зангъдяхъили ну левси мер бурра.

Дураухъес ну вализурхІели, телефонисткани набзирад арц тІалабдариб.

– Дила арц агара, адай, – викІла илизи. – Кадухили лявкъяс.

– Или асухІебирар, я арц я илдала мерличиб цархІил секІал биха. Ил хІела някълизибси гЯрчумагалра.

Се биру, ил бедес чебуркъуб. ГЯрчумаг биалли дебали тамашаласи сабри. ХІера, чарухъи гамуш лебси мерличи ваира. Камси замана дикили гПергъи, наб кумекра бакІиб. Илдачил барх гамуш хъарахълизиб баахъира. ИлхІели нуни гЯрчумагличила хабар бурра.

– ХІяй, хІу варкъибтала хъали мадуъ. – иб Маммани, – ма ишди арцну, жагІял савли вякъи гЯрчумаг кабуха.

ГПергъила бархІи савли Мамедкъалала почтала отделениелизи ваира. Сепайда, телефонистка рарсриубли хъули аррякъири. Хъули вякъи, гЯрчумаг чарбарни тиладибарибхІели, илини вяв-чІардяхъиб

– Я хІу я гЯрчумаг нуни хІулбанира чедаибти ахІен. ПяхІли уэн!..

ВАЛРИЛА ЖАЛ

Гъала гІебшнила манзил сабри. Огнила мегъла гъунила удибси ванза балцули ца юлдашра нура дузулри. ХІулрумачилси гутайу дабгибти валруми сарри.

Валрумира тІашаили, бамсрияхъес кадиибхІели, юлдаш набчи дугъай-зур:

– Касили гажинра шин хес укъен.

– Даг вякъунси ну сайрину, ишбархІи хІу укъен, – викІулра ну.

– ХІуйчив ну гІямрула халасира. Халасини ибси барес хІела чебла саби! – буйрухъбариб илини.

Илкъяйда нуша жалта диркъули лерли, бамсриихъуси валрили сунела бекІ набчибяхІ шурбатур ва биругІеб тудяхъиб. Къяшмачи бикайчи шутрани вясунси ну хІяккайзурра.

– Халасила хІурмат хІебирусид жалукъ валрилира валули сай, – дука-ряхІиб юлдаш.

Се бирув, шутри умударес гІиниз лебихІи укъес набчи чебуркъуб. Амма гажин барх кахІесира.




Набрызг



ISSN 0235 - 0149

Индекс годовой 31176
Индекс полугодовой 73892



Хъярбукла ши